

XXIII. A. 15

~~VIII. B. 15 6 20~~

4-4-D-15

17
5
26

D





PETRI COSTALII

PEGMA,

Cum narrationibus philosophicis.



D. PROB. ROM. S. J.

BIBLIOTHECA
ROMANA
VICTORIO EMANUELE

LVGDVNI,


Apud Matthiam Bonhomme.

1555


CVM PRIVILEGIO REGIS.

ALV M. V





Extrait du priuilege.



PAR priuilege expres du Roy nostre Sire en date du septième de Mars l'an mil cinq cens cinquante trois , qui a esté publié & enregistré en la Cour de la Seneschaucée de Lyon , il a esté permis à Macé Bonhomme Libraire & Imprimeur de Lyon, d'imprimer , & faire imprimer de telz caracteres que bon luy semblera, mettre en vente, & debiter le present liure , intitulé, P. Costalij Pegma, cum narrationibus philosophicis. auquel liure ledit Bonhomme se seroit mis en frais & despençe pour faire tailler figures & hystoires respondantes à la varieté des epigrammes y compris : & aussi l'auroit fait traduire es langues vulgaires. Parquoy sont faites defenses à tous libraires & imprimeurs de ne faire pourtraire & tailler lesdictes hystoires , ny imprimer ledict liure en forme & maniere , que ce soit , ou de ceux qui auroient esté contrefaictz ou imprimez ailleurs , n'en apporter ny exposer en vente es païs , & terres de ce Royaume, durant le temps & terme de six ans , commenceans du iour que l'impression du present liure sera paracheuée , avec grosses peines contre ceux qui contreuient dront directement , ou indirectement au-dit

Priuilege . Par-lequel est permis d'inserer pour toutes defenses & significacions le sommaire du-dit Priuilege , au commencement , ou sur la fin du present liure , ainsi que plus amplement est contenu au Priuilege susdit .

*Ledit liure a esté acheué d'imprimer
le dixième iour du mois de Ianuier ,
l'an mil cinq cens cinquante cinq.*



PETRVS COSTALIVS

ANTONIO COSTALIO

FRATRI

S. D.

SOLENT nostri, qui sub
aliorum nomine libros suos in
manus hominum peruenire
volunt, illis consecrare, de-
dicare, nūcupare. utar enim
corū verbis. quòd opinor exi-
stiment se aut κέρας ἀμαλθείας dare, aut κλέον ali-
quod fundere, aut forte vineam Aristobuli in tem-
plo Iouis consecrare. Ego verò quo te mi frater mo-
do hac in re affari possim, nō planè scio. Quia enim
mihi ex apertissimis beneuolentiæ tuæ signis cer-
tò perspectum est, tibi in hoc genere officium
placere meū, absurdum est me id mihi domestico
testimonio sumere, ut ei qui nobis tantum gratiæ
& iudicij largiatur, aliquid videar donare velle.
Est enim hominis impudentis & ingrati, id alteri
beneficij loco ponere, in quo ab eo non vulgari stu-

dio & officio cumuletur. Quæ est igitur illa in
 dedicandis libris tam insolens prædicatio? nihil ne
 dant, qui in eo officij genere alterius ora vul-
 tûmque contuètur? maxime sanè, apud eos qui se
 plurimum dignitatis & honoris ijs deserre putât,
 à quibus quasi patroni sunt electi. Malo verò ista
 Persium legere & ridere, quam ijs addici, qui in
 nomine suo tantum authoritatis & dignationis es-
 se putant. At tu mihi non es in hoc albo: cuius ami-
 citiam & coniunctionem omnibus clientelis ante-
 pono libenter. Quia igitur aut nihil est, aut opinor
 valde modicum, quod à nobis ad te proficiscitur,
 non utar eorum verbis, quibus penè maiestas po-
 puli Romani & splendor VERBIS AETERNÆ
 continetur: quasi eos immortalitate donari putem
 ad quos scripta nostra miserimus. id enim neque in
 Cymbalo illo mundi, sic enim Tiberius Caesar A-
 pionem grammaticum vocabat, veterum modera-
 tio ferre potuit: sed feres æquo animo voluntatem
 meam ad præsidium necessitudinis nostræ appli-
 cari, ut ea studia quæ nobis pueris fuerunt periu-
 cunda, etiam grandioribus ad animi agritudines
 salutaria esse possint. Vale. Lugduni Nonis
 Ianuarijs, 1555.

PEGMA,
CVM NARRATIONIBVS
PHILOSOPHICIS.

In simulachrum Iustitiæ.

Ex Chrysippo.



*Quæ Dea, quæ bino geminos fouet ubere sævus,
Et pia sollicitæ munera matris obit?
Iustitia est penso chara perfunctæ parentis?
Dextra fouet bellum mæma, sinistra togâ.*

QVAE duæ res in liberis populis, iisquæ ciuitatibus, quæ aliquando rerum potitæ sunt, plurimum semper valuerunt, eas certè dignitate sua iustitia vna est complexa: bellissimæque illas vno genere Chrysippus colligauit, quarum consensus prope est sempiternus. Vt enim parua sunt arma foris, nisi sit consilium domi: ita neque probè Respublica in officio esse potest, nisi militari disciplina sese ipsa tueatur: quarum rerum splendor præstantissimus vmbraculis iustitiæ continetur. Iam verò & Iustinianus sacratissimus Imperator non aliis præfidiis maiestatem populi Romani retineri posse iudicauit, quàm rerum vrbaniarum & bellicarum disciplina: quarum vnā si à gubernaculis ciuitatum semoueas, diutius imperium stare non possit. Itaque Romani cùm armis Romuli, firmissimis initiis florentem Remp. accipissent, Numam ex Sabinis euocarunt: vt eo res gerente ad militarem gloriam laudes togatæ accederent. Nam & eam Remp. quam primùm auspiciis, deinde verò bellica vi Romulus statuisset, non existimârunt ij, quos maiorum gentium patres appellarat, diutius teneri posse, nisi & legibus & vrbaniarum rerum administratione firmaretur. Ex quo & à multis Lycurgus summus apud Spartā legislator, in inuidiam vocatur, quòd in legibus iubendis magis belli quàm pacis rationem habuisset. Ac profecto veteribus illis quæredū visum est vtrā harū rerū alteri præstātia antecederet. In quo diffi-

difficilis forsan fuerit rerum tantarū comparatio. Nam cū ea quæ & foris & domi fiunt, consilio æquabiliter gerantur, bonum certè senatorem & ciuem imperatori non concedere aptè quis existimauerit. Si verò ad eum splendorem cogitatione deducitur, qui in rerum gestarum magnitudine inest maximus, mea quidem sententia difficilè factu fuerit, imperatorem togatis hominibus non antepondere. Quis enim non videt ex rerum bellicarum peritia, maiora quàm ex domestica temperatione adiumenta ciuitatibus omnibus esse inuecta? neque enim tantum priuata Demosthenis eloquentia attulit, vt Philippum statum Atheniensem non mediocriter labefactantē, potuisset coercere: quod tamen memoria patrum in potentioribus inimicis Miltiadis & Themistoclis virtus perfecerat. Neq; etiā tantum in Rep. Romana Senatus consilia valuerunt, vt Cæsarem regium principatum affectantem aris & focis prohiberent. Vtcunque verò se res habeat, facilis æstimantibus coniectura est, vtranque disciplinam in rebus gerendis plurimum semper ponderis habuisse. Nam & Pyrrhus, qui multos annos de imperio cum Romanis dimicauit, tantum consilio & eloquentiæ Cyneæ legati sui tribuit, vt diceret plura eloquentia illius quàm armis suis, se oppida domuisse. quod genus vrbane virtuti ascribitur. Ornamenta verò vtriusque rei in tutela Iustitiæ iacent. Quæ enim cum laude populo præfuisse dicas, nisi aliquos qui in vrbe, & castris ius dicant, constituat. Et Scipio quidem Africanus cū summo reipu.

tempore Imperator cum exercitu à Senatu esset
 appellatus, non prius de hoste armis prouocando
 consilium cepit, quàm in eos iure & legibus cõsti-
 tuisset, qui aliquid tetri admisissent, & meretricũ
 greges reliquaque omnia, quæ ad animos homi-
 num effœminandos valent, longè à castris aman-
 dasset. Et quanquam vetus fuerit multorum sen-
 » tentia, Inter arma, leges & iustitiæ vniuersæ semi-
 » naria conquiescere, atque vbi intonuit classicum,
 » præstantissima illa pacis & togæ studia de mani-
 » bus excuti: illud tamen est reliquum militiæ vin-
 cula in iustitia sita esse. Quid enim si stationem mi-
 les deserat, aut contra edictum Imperatoris manus
 cum hoste cõserat, neque ex lege militari ad
 pœnam expeti possit, quicquàmne ti-
 bi ab eiusmodi exercitu fortiter
 aut præclarè geri posse vi-
 deatur? Iustitia igitur
 vtrunque tẽpus &
 belli, & pacis
 modera-
 tur.





*Aliud in Iustitiam, ex Nigidio.
In sordidè iudicantes.*



*Vah qui inculcatis audes sperare querelis
Iustitiam atherci linquere regna soli.
Illi signifero sedes ascribitur orbi,
Et clari ante oculos Arctophylacis abit:
Quà locus ad libram & radiantis membra
leonis
Finditur, & duplici diuidit astra sinu.
Huius nostrorum sordes & stupra deorum
Mouerunt iustâ debita scepra manu.*



NARRATIO PHILOSOPHICA.

NIGIDIUS figulus & doctrinæ studiis, & administranda Rep. facile princeps, Iustitiam in Zodiaco inter libram & leonē sedere existimavit. Quod etsi minus forsan à magistris suis, aut etiam astrologorum sermonibus didicisset, hoc tamen illi in mentem venisse in suspensionem venio, quòd agentes in rebus, iiq; qui iurisdictioni præfunt, vel omnium maximè ad quodlibet iniustitiæ genus constiterunt. Quod temporibus illis accidisse minimè forsan sit mirandum, quibus nòdum veritatis Euangelicæ dies illuxerat. Nunc verò ætate nostra cui tantum beneficium fata non inuiderūt, luctuosum sanè est sordibus eorum, quos Moses in Pentateucho suo deos appellat, tantum Iustitiæ patrimonium direptum esse. Quòd si eam iustitiam maiores nostri appellauerunt, quæ ius suum cuique, hoc est iudicanti tribuat, aptè profectò nostros homines acerrimos iustitiæ propugnatores voces. Quid enim & opis & instrumenti ad hominum negotia adferunt, qui priuatis còmodis solùm incitati in præclarissimis illis muneribus ita versantur, vt magis suum quàm litigantium negotium agere dicas? Ac si volumus temporum nostrorum historiam, & ea quæ testata antiquitate patres nobis prodiderunt, dispicere, quæ quæso à tot sæculis inter nostros homines reperias, qui nulla mercede in illis ordinibus federit? quis propria quadam animi incitatione vnquam iudicauit? quis eorum precario ius dixit? Quæ laus etsi iis qui se ad Dei præscriptū nutumque cōuert

uerterunt, minimè sit necessaria, dolendum est tamen inter Christianos homines, quorum propriū est omni officiorum genere præstare, qui hac virtute excelluerit, repertum esse neminem. Quòd si aliquis tam religiosus morum magister esse velit, vt hanc animi elationem, cæterasque alias virtutes, quæ proximè ad perfecti speciem accedunt, in vulgo desyderet, nimix seueritatis teneri merito sit iudicandus. Qui autem in ciuitate principatum gerunt, & iis artibus quæ libero homine dignæ sunt, ornati omnibus, soli de dignitate & honesto, soli de expetendis & fugiendis verba faciunt, magnopere certè sint reprehendendi, nisi ex Platonis sententia, obliti commodorum suorum ad Rempublicam accesserint. Ac si per illos licet nostra cum externis conferre, videmus eos quos ius veteris hospitij societate nobis deuinxit, sublati formulis de causis priuatis & publicis sine mercede iudicare. Quid enim ad iudiciorum dignitatem splendidius, quid ad litigantium leuationem aptius esse possit, quàm ea liberaliter conferre, à quibus sordes & præmia non solum sacra, sed & profana monimenta sustulerunt? Nostri autem maximis nominibus sibi eos, quorum res agitur, deuinctissimos esse arbitrantur, si magna pecunia sententiam dixerint? Nam præter id quòd pecuniam ingentem & sæpissimè extra ordinem sportularum nomine imperant, plurimum tamen sibi gratiæ deberi opinantur, si quæstionem totā, sicut corū fides & officij ratio postulabat, ad exitum perduxerint. At enim quis apud eum iustitiæ,

quis

quis æquabilitati locus esse potest, qui in obeun-
 dis magistratibus sequitur pecuniam ducem: cui
 tamen cum iustitia æterna est dissociatio? Neque
 verò tantum apud omnes bonos inueterata cō-
 fuetudo momenti habet, vt ea homines nostros in-
 uidia tantæ cupiditatis & auaritiæ leuare possit:
 quæ si vnquam ad sceleris excusationem valuit,
 hoc opinor minimè hac in causâ cōcedēdū erit: in
 qua qui versantur, ab omni pecuniæ appetitione
 alieni esse debent. Sed quia admiratione diui-
 tiarum illud immortalitate dignum
 iustitiæ decus apud homines in
 summa neglectione iacet, non
 est mirandum, si Astræa il-
 la Dea hominibus re-
 liētis ad supe-
 ros conuo-
 larit.



Senatus Heliogabali.

In iudices γυναικονομαίους, & vxorio imperio viuentes.



*Qui decreta vides muliebrilibus edita iussis,
Totaque scæmineos per fora stare greges,
Hæc Phœnix quondam posuit monumenta sacerdos,
Inter conscriptos addita scorta patres.*

*Qui regis imperio populos sanctūque senatum,
 Et tibi sunt danda credita iura saba:
 Quique tenes Lato prætoria ciuica Clauo,
 Et quasi te populus conspicit in tripode,
 Legibus vxoris viuus, thalamūque ingali
 Non licet ex voto dicere iura tibi.
 Dignus qui molli sedeas sub Amazone Præses,
 Dēsque Suburrānis menstrua iura focis.*

NARRATIO PHILOSOPHICA.

AMAZONAS mulieres extremo oriente sitas, animi magnitudo & imperandi gloria toto orbe celebrauit. Nam & priuatim & publice tanta cum laude imperarunt, vt finitimos populos bello domuerint, & muliebribus decretis viuere coëgerint: cūque rebus fortiter gestis sibi otium peperissent, tantum animi elatione processerunt, vt præstantissimis Alexandri Magni spoliis & triumphis minimè terrentur. Cuius reipublicæ maiestatem & imaginem cū non longinquitas temporis tantum, sed populorum omnium consensio summo studio à se repulisset, inuentus est Heliogabalus imperator, qui largitione Symiamiræ matris ad imperium productus memor tanti officij, illi in senatum ingrediendi, & in Consulum subselliis sedendi potestatem fecit: & vt ea senatusconsultis & auctoritatibus perscribendis testis adhiberetur, effecit. *Habuit verò (vt inquit Ælius Lampridius) in colle*

le Quirinali senatulum, idest, mulierum Senatum, „
 in quo antea fuerat conuentus matronalis: vbi ri- „
 dicula quædam Senatusconsulta facta sunt de le- „
 gibus matronalibus, quo quæque vestitu incede- „
 rent quæ ad cuius osculum venirent, quæ pilento, „
 quæ equo saginario, quæ carpento mulari, quæ bo „
 um, quæ sella vterentur. Quod exemplum cum da „
 mnato authore suo, cōtra maiestatem populi Ro- „
 mani esse videretur, factū est S. C. quo in posterū „
 mulieres ab ingressu curiæ remotæ sunt: hoc addi- „
 to, vt eius caput inferis sacrum esset, qui hoc in rē „
 publicam inducere conaretur. Cuius decreti au- „
 thoritas etsi in posteris ipsis longa annorum serie „
 videatur constitisse, in nonnullis tamen locis tam „
 effœminati imperij quædam semina, & ea cer- „
 tē non obscura restiterunt. Nā vt Aristoteles gra- „
 uis author in Politicis definit, tum demum reipu „
 blicæ gubernacula penes mulieres videntur esse, „
 cū ij qui legibus vetandis & iubendis præsumt, „
 vxoris principatu & dominatione tenentur. Quod „
 etsi minimē ad eorū amplitudinem qui in tali de- „
 gunt imperio, aut ad totius reipublicæ dignitatē „
 sit consentaneum, muliebribus illis auspiciis ma- „
 gistratus geri, mirandum est tamen nullum ex tā „
 impura seruitute sese in libertatem dignitatis vin- „
 dicare velle. At enim Romani fœminas quas à pu- „
 blicis negotiis lege lata excluderant, in perpetua „
 tutela (vt Cicero author est) propter consilij infir- „
 mitatem esse voluerunt: vt eas non solum a rebus „
 publicè gerendis, sed à priuatis rei domesticæ ad- „
 ministrationibus & contractibus summouerent.

A



„ Neq; enim par est vt quam summus Deus hominū
 „ studiis obsequentiſſimā eſſe iuſſit, ea in homines
 „ principatū gerat. Quo in genere moleſtè fero ab
 „ exteris noſtros inuadi ſolere, vt ij omniū conſenſu
 nationū *γυναικοκρατούμενοι* vocentur. Hoc enim &
 maieſtatem imperij notabili iactura minuit, &
 mea ſententia muliebrem dominatum in rempu-
 blicam inducit. Nam quid magnificum, quid cen-
 tumviralibus publicisq; iudiciis dignum iudi-
 ces exequentur, qui domi imperare non poſſunt?
 Deridenda ſanè arrogantia, in Liburnicis & duo-
 rum ſcalmorum nauigiis regendis ſe parum ſcien-
 tem confiteri, quinqueremes autem gubernare di-
 diciffe. Nam qui in familia lege agere non poteſt,
 qua tandem ratione de maximis controuerſiis in
 Senatu iudicabit? & quomodo iudiciorum maie-
 ſtatem togatus tuebitur, qui in vxoris imperio &
 opinacione confidit? Si quid tibi cum eiufmodi
 hominibus rei eſt, facile eos ad æquitatem adduxe-
 ris: boni enim ſunt: ſed cum nocte interpoſita ad
 vxorem retulerint, offendes omnia muliebribus
 conſiliis perturbata. Quod ne cui obſcurum eſſe
 poſſet, eorum beneficio curaque perfectum eſt, vt
 id & præſcripta conſuetudine & quaſi ciuitatis le-
 ge conſignaretur. Quam enim expectationem cō-
 ſeruandæ dignitatis & memoriæ ſuæ reliqui po-
 puli in filiis collocârunt, id noſtris hominibus in
 filiabus poſitum eſt: apud quos egregium & im-
 mortalitate dignū pietatis *κατ' ὄρθομα* iudicatur ſi
 aut exheredibus factis, aut modico honoris cauſa
 ſub

subleuatis filiis suis, reliquæ opes omnes in filias
generosq; immensa & inofficiosa donatione pro-
fundantur. Credo quòd id vxoribus placere certò
sciant, ad quarum ductum & voluntatem omni-
no cogitationes suas applicauerunt. Eam quanti-
tatem filiabus doti scribere, habent virtutis & of-
ficij loco, qua persoluta filiis ad se tuendum ni-
hil superest adiumenti. Qui si præclarissimis li-
terarum studiis & rerum maximarum cognitio-
ne mirabiliter incensi, sui rationem haberi vclint,
vix temere proficiunt quicquam: & id opi-
nor rectè, apud eos, qui magis filia-
rum pompa & luxu, quàm filio-
rum eruditione & do-
ctrina delectan-
tur.

A ij



Ad Cupressum.

In aulicos & admisionales.



*Ite procul futes aliorum in pradia blattæ:
Noster adulanties nescit amari decor.*

A L I V D.

*Aspice non domita fastigia summa cupressi,
Membræque diffusis luxuriata comis.
Mulus odoratis folijs innatus amaror
Fata dedit vitæ tam diuturna suæ:
Nec furina timet malè pasta pralia blatta,
Atque venenatis dentibus esse cibum.
Heu quibus auspicijs crescentis gloria regni
Hostili quateret barbara signa manu,
Si sibi quicernunt, in publica commoda talpa,
Patritia facerent atria missa domus.*

A iij



NARRATIO PHILOSOPHICA.

INTER illa quæ relatu nō indigna de Cupresso Dioscorides memoriæ prodidit , nihil opinor magnificentius dici potest, quàm quòd ea non tātum se à blattis & tineis ægrimonia tuetur sua : verumetiam si dissecta quibuscūque rebus admisceatur, eiusmodi animantium iniuriam longissimè arcet & propulsat. Quæ eadem ad eos qui præstantes opibus & imperij gloria, terrarum orbem suo nutu continent, accommodari potest oratio. Ut enim amaritudo illa ad Cupressi perpetuitatē & magnitudinem summè suffragari putata est: ita profectò seueritas maiestatis plurimum ad principum regūque gloriam sit adiunctura . Nam ut omittam multas Respublicas, quòd in illis adulatoribus essent omnia, miserè concidisse, sit forsitan à regnorum gubernaculis alienum & turpe, eos qui commodis suis & rerum domesticarum incrementis, administrationes publicas sibi omnino attingendas esse existimant, solos in beneuolentiæ principalis clientela iacere, eoque genere illationes publicas & commissæ fisci ad priuatam utilitatem traducere . Quid enim in gerendis publicis rebus aliud agunt, quam in partem animos de fixos habent, quò sensus, quò acies oculorum spectat? an ut spoliis & victoriis, ex quibus veteres Romanotū duces nihil præter laudem domū retulerunt, quietem otiumq; ciuib; suis pariāt? an ut eas dignitates, quas illi à principibus dono impetratas populo proscribunt, ad iustitiæ administrationem & subditorum leuationem conferant? an

ut im

vt immortalitati, litium & publicis malis medean-
tur? an vt oblitri commodorū suorum totum cor-
pus reip. curent, resque gerant arduas plenāsque
periculorum cū salutis & vitæ, tū rei familiaris
& fortunarum suarum? Horum actionibus si for-
tuna principes aduersantes, in eamque rem tampa-
ratos fecisset, vt eiusmodi homines à gubernacu-
lis excluderēt: quid tā gloriosum, tamq; elatū dici
potest, quid cū splēdote & gloria rerū gestarū tā
coniunctū, quod nō Christianissimis Principibus
communicari queat? Sed tamen excelsi animi est,
à quibus nihil opis & adiumenti senseris, & qui-
bus nihil debeas, iisdē & conferre quā plurima, &
omnia velle debere. In quo grauissimē sint repre-
hendendi illi, qui tāta animi elatione, & in benefi-
ciis collocādis liberalitate plane incedibili abutū-
tur ad vtilitatem suā. Romani dominatione Reip:
& domi & foris præclari, eos repetūdārū reos de-
tulerūt, qui de prouinciis suis, etiā rebus prospere
gestis decedentes, rem vel minimā vsibus suis addi-
xissent. Neq; enim vnquā existimauerūt virtutem
illam cōseruatæ aut auctæ Reip. quasi suapte mer-
cede & gloria nō contentā, ad rerū externarū sub-
sidia deducendam esse: quæ si ab hominibus bene
à natura informatis accuratē perspicitur, satis sua
pulchritudine omnium animos obtentare possit.
Aliud etiam legis capitulum apud eos relatū erat,
ne qui prouincias regerent, aliquove in officio es-
sent, quicquam cū priuatis contraherent: néve vel
fœnore, vel stipulatione, aut empti nomine acce-
pta rationibus suis referrent. Pessime enim se res

A iiii



habet, cum ij quos principalis clementia consilio-
rum in Repu. socios esse voluit, de publicis com-
modis ad domesticas vtilitates abducuntur, eaq;
tantū gerunt, quæ in rem suā magnopere fu-
tura sint. Sed tamen auaritiæ geramus
morē, quæ nescio quo communi
fato, nō solūm res vrbanas,
sed bellicas quoque
ambitu suo iam
pene comple-
xa est.





*Ad sacrificia Phaselitum.
In eos qui sibi diuites sunt.*



*A spicere insipidas, tenuissima munera, squilla:
Dedicat aethereo Phaselis ora Ioui.
Nec studet occisa diuos placare bidente,
Illa quidem sit pars Herculeana licet.
Parecè, stipem misero si quando exporrisis Iro,
O quoties loculum est nixa redire suum.
An cupis infelix aliena parcere gaza,
Tales munificos Atropos una facit.*

A v




NARRATIO PHILOSOPHICA.

P E S S I M A certè illa rerū externarū appetitione iā olim cōtracta macula, tā in populo Christiano inueterauit & defedit, vt nō tātū ea nobis nō esse retinēda arbitremur, quæ hominū decretis cōtinētur, sed præclarū diuinæ legis præsidium nō dubitāter deferamus. Et quēadmodum Phaselitæ dū pecuniā facere vellent, tā parcè primitias diis cōsecrarunt, vt tātū ea offerrent quæ nullo sibi vni essent futura: sic innumerabiles reperias, qui quāquam persuasum habeāt nulla re magis quā beneficiis collocatis pios & Christianos cerni posse, ipsa tamē virtutis specie adduci nūquā potuerūt, vt ea libēter cōferrent, quæ Christus sibi & egenis dedicauit. Quod si (vt veteres voluerunt) nihil est
 „ illi principi Deo quod in terris sit acceptius quā
 „ cœtus hominū iure sociati: quāta mediūsfidius diligentia eas virtutes tuebimur, quæ ad communitatem & congressum hominum plurimū valent:
 „ lā qui ex chirographo cōueniūtur, ad nominis dissolutionem pignoribus captis vel etiā carcere cogi solent. Quidā etiam tam à natura sunt instructi, vt nō existimēt se diutius posse debere. Quorū ego cōsiliū vehementer probo: sed tamen vellē vt in cōre Domini eadē diligētia vterētur, neq; illi tāto tempore reliqua traherent. Appellātur certè ex Christianæ legis syngrapha debitores, grauissimis testibus de expilata hereditate Domini citātur rei, tabulis obsignatis res agitur: neq; tamen parē Christo, hoc est, pauperibus volūt rationē ascribere. Ita viuunt, vt potius in auaritiæ patronatu (dea enim il-
 lis

lis quædam opinor est) quam in virtutis gentilitate esse velint. Ac mihi quidem in istos homines cogitanti quærendum visum est, cur cùm reliquo virtutum genere excellentes habeantur, & ea gerant ipsi quæ sine cuiusquam contumelia rationibus honesti sunt coniuncta, hæc solum partem intactam reliquerint. An quòd gloriosum Christianis esse putant, multis rebus & pecuniis abundare, quas ne in propinquis quidē suis sapiens laudauit vnquam? an quòd id expetendum esse putant, quod apud imperitam multitudinem plurimum dignationis habet? an quòd pulchrum viro bono esse opinantur, si Christum & Apostolos, quos bene agendo & rectefactis consequi aut nolunt aut nequeunt, hac vna diuitiarum nota antecendant? an quòd totam animi elationem, quæ in præstantibus viris esse debet, pecuniæ pondere metiuntur, & in eo magnum putant excellere, in quo vt quisque optimus est, ita facilè se ab improbissimis patitur superari? Sed non video plannè quodnam eorum causæ patrocinium adferatur. Nam præter id quòd virtutes omnes æterno quodam consensu inter sese (vt Stoici volunt) coniunctissimas, officiis separant, offendunt mea quidem sententia grauissimè, quòd ea præcepta in quibus omnia sunt præstantibus & magnis viris, ab actionibus suis excludunt, atque ea ipsi sola consecantur, quæ naturæ hominum atque adedò sensibus maximè sunt consentanea: in quibus fruendis neque virtus vlla, neque animi magnitudo potest existere.

*Ad statuum Ionis & Themidos.
Iusta à Deo roganda.*



*En ut Dictæo posita est vicina tonan i.
Explorans hominum vota, precēsq; Themis.
Tu bonap-see Deum, metet impia vota ligone
Dña Themis. Sanctum est iusta rogare Iouē.*

NARRATIO PHILOSOPHICA.


BELLISIME Themis in pōderādis hominū
 votis principatū habēs, secūdū Iouē sedere cre-
 dita est: quæ perpetua quadā æquitate, importuni-
 tatē eorū qui immanissima quæq; à Deo petūt, re-
 tardaret. Quæ hominū lues eo nomini populoque
 Christiano videatur offensior, quòd illis persua-
 sum est, Deū immortalē ad hominū cupiditates &
 scelera propendere. Quid enim aut magnificum,
 aut liberale de Deo iudicare possunt, qui præstan-
 tissimū illud numē in criminis nefarij societatem
 audēt appellare, vt eo velut adnitēte, diuturni de-
 siderij sui expectationem, & sceleratæ cupiditatis
 sitim explere possint? Nā qui à necessariis suis nō-
 nulla contra leges petunt, ita sunt animo affecti, vt
 eos quos petitione sua volūt impellere, in eodem
 quo illi sunt, errore versari putēt. quibus si omni-
 no perspectū esset, tales virtuti soli omnia summa
 tribuere, nō temere in facilis repulsæ periculū sese
 ipsi cōiicerēt. Quod idē quoq; de iis qui turpissi-
 ma quæq; à Deo rogāt, dici potest. Quam enim illi
 de excellēti illa mēte persuasionē induerūt, qui eā
 nō solū testē, sed flagitiosē sodalitatis participē ci-
 tāt. Quòd si Iesus Christus in sequacibus suis rerū
 subsidia ne probauit quidē, qua frōte patrimoniū
 vberius ab illo cōtēdemus? Iā qui apud nos omni
 probitate excellētes perhibētur, rē gratā Deo se fa-
 cere putāt, si vocis & laterū cōtētionē cū domino
 egerint, vt filios suos diuitiarū & honorū accessio-
 ne aliquando ornatos videāt. Quòd quàm parum
 sit Euangelicum, satis sacra loquuntur monumēta:

Qui

„ Qui enim (inquit Christus) in vobis dignitate præstat, fiat sicut iunior. Quòd nõ eo pertinet, vt ambitionis labore districtos de cursu dignitatũ reuocẽ. aliquos enim esse oportet qui præsent, & quibus pareatur. Sed vt omnibus notũ esse possit, nõquam popularia illa & imperitæ multitudinis studia, magnorũ virorũ animis insedisse. Cretio hæreditatis ab aliquo pro parte facta est, simulatq; familiaris eriscũdæ iudicio arbiter est acceptus, nullum apud Dominũ intermittit rogãdi tẽpus, sacrificos interpellat, noctes & dies suffitus agit, vt ea portio quæ sibi probatur magis in partẽ cedat. Hæc quãuis ab hominibus cætero-qui bonis facta esse memoria repeto, non adducor tamẽ vt ea ad prouidẽtiã Dei pertinere credã. In primis enim Christianis hominibus probatum esse debet, vt pecuniã pro nihilo ducant: quam qui tanquam bonum & expectendum quærunt, ne illi quidem Philosophis beneuolis & placatis vti possint. Quis ergo Deum tam parum diuinum & æternum statuit, vt eas preces illi curæ esse putet, quibus eũ velut sordidati impellimus, vt eius auspiciis filiæ nostræ primariis viris nuptum dentur? Quis sempiternæ illi menti tam parum tribuit, vt ad ea vota propensam esse putet, quibus deprecamur impẽsius vt ditissimæ mulieres in manũ filiorũ nostrorũ conueniãt? Sed hæc forsità mulieribus in ore sunt. in quibus etsi incredibilis virtutis & pietatis significatio plerunque eluceat, nescio tamen quo pacto ab ea sententia tam sint alienæ, in qua Euangelij splendor inest totus.

In tumulum Chironis.

Optimum ad felicitatem quàm ocissi-
mè aboleri.



*Siste tuos Chirō peregrino in crimine plāctus,
Ne resuge aeterni vivere lege Dei:
Et sceleratorum temeraria facta nepotum
Desine in araminis connu nerare tuis.*

A L I V D.

Cur fugis ô Chiron donum immortale decorum?
 Nec placet hac animis Athanasta tuis?
 An quod Achinorum noras peccata nepotum,
 Et chari immemorem pignoris Italiam?
 Atque impendentes patriis cervicibus enses,
 Et Tyberinorum sæde arupta ducim?
 Anne & sædatos natorum sanguine manes,
 Et data cognatâ dira venena manu?
 An quod & occidui testata piacula cleri,
 Et positos noras munere pontifices?
 Abreptum & miseri scelus exitiale Giesi,
 Et sacra Amorreis contemnerata nois?
 Et scelera antiquo iam commutata decori,
 Et patriis iussas moribus exequias?
 An salsa peritura mola conuiuia noras,
 Venura & libycis pemmata deliciis?
 Aut lapathū, & tenuis vulgata obsonia squilla
 Tam subito in primas corrutur a dapes?
 Ergo age, disce horum sædos contemnere mores,
 Et postliminio cœlica dona cape.

N A R

Possit aliquis in attentissima rerum humanarum cogitatione positus iuste demirari, Chironem immortalitatis beneficio à diis auctum vitam hanc breui subterfugere voluisse. An quòd simul atque in vitam tanquam in viam ingressi sumus, tot periculis & ærumnis distinemur, vt quasi nostri nosmet pœniteat? An quòd in eos qui istum vitæ cursum tenent, tot sæpe iucurrunt animorum & corporum ægritudines, vt meritò vitæ calamitosæ vna mors Chironi fuerit præferenda? An quòd maiorum suorum flagitia accuratè perspicieus, viuendi satietate mirabiliter teneretur? An quòd suorum temporum æquales omnibus flagitiis contemneratos cerneret, neque eorum vsum & consuetudinem æquo animo ferre posset, quorum improbitas bonorum omnium ceruicibus ad perniciem videbatur impendere? An quòd populum suum propè desipientem offendisset, vt cuius mores perditos & infames iudicaret, illius vti congressu nefas esse arbitraretur? An quòd posteritatem intuens, & in eam diuinationis animo defixus, veneficia, adulteria, clades, latrocinia, homicidia, falsum, testamentorum subiectiones longè antè præiuderet: & ea tempora putaret impendere, quibus vtilitati dignitas, sceleri virtus, iniustitiæ æquitas esset concessura? An vt eorum mores & vitæ indignitatem defugeret, qui religionem stupro, forum cupiditate, hominumque inter ipsos communitatem dolo & fraudibus inquina-

rent? An quòd futurum aliquando præsentiret, ut quæ gens præstantissima iustitiæ & paupertatis seminaria primùm habuisset, eadem ipsa labentibus sæculis, ambitione, diuitiarum copia, luxu & externis rebus fœdaretur: & ea sibi ascisceret, quæ Christus præclarissimæ rogationis author longè à se & à suis depulisset? An quòd ii qui rempublicam gerunt, negligentiam, auaritiam, corruptelam, sordes, gratiam, ambitionem ad iudicia forumque attulerunt: & qui locus beneuolentia & odio vacare debuisset, is talium animi ægrotationum maximè plenissimus apparuit? An quòd ii qui se Christianos & esse & nominari volunt, pietatem erga homines (qua ferme vna fidei Christianæ splendor, & tuendæ nos inter nos societatis iura continentur) versura, fœnoribus, vsurarum voragine, dolo malo, frustratione, denique illa virtutum omnium perturbatrice auaritia conuellerunt: ut nullus per diu inter nos sapere iudicetur, qui non se totum lucro, & domesticis patrimonij sui commodis dediderit. Itaque scitè & ad mores nostros appositè Hesiodus ait,

Νῦν, δ' ἐγὼ μὲν' αὖτις ἐν ἀνθρώποις δίκαιος

Ἐλλω μὲν' ἐπὶς ἑὸς ἐπὶ κτήρ' ἀνδρα δίκαιον

Ἐμμεναι, εἰ μέλλω γέ δίκην ἀδινώτερος εἶναι.

Nam si qui virtuti omnia summa tribuunt, insani, si qui ab honorum appetitione absunt, stolidi, si qui res humanas & fortuitas pro nihilo ducunt, excordes, si qui honestate non commodis tranquillitatem statuunt, stulti & amentes iudicantur: quæ tanta homini sapienti suscipienda erit con-

tentio

tentio, vt in luce omnium religionem, pietatem & iusticiam colat? si denique cū ambitiosis & auaris agitur preclarius, quid tātū bonovirū enitendū erit, vt pro salute omnium fortissima gerat & præstātissima? Sed tamen quia plus apud homines probos ipsa honesti forma, quā vtilitatis, gratiæ, & existimationis ratio valere debet: non erit cōmitendum, vt inter aduersaria imperitę multitudinis studia, aliqua vitæ nostrę pars officio vacasse videatur. Quid enim quæso in vniuersa natura melius virtute, quid præstantius? quid etiam reclamante populo hominum dignitati accommodatius? quæ si despicitur, facile tamen excellentia suā & temporum iniuriam, & hominum perfidiam superatura sit. nec enim virtus ex hominum opinionatione est, neque qui in eam omni studio incumbunt, in officiis expendendis assensionem à populo metiuntur. Quamquam autem miserrimum est videre quæ nolimus, oculique maximè dolorem augeant, quòd à miseriis cogitationem non finant auertere, non est tamen viro sapienti recusandum, quo minus inter tot clades & nefariorum hominū perditos conatus, vitam suam aliqua leuatione cōsoleatur. Si enim Deus optimus maximus, homines è cælo satos huius orbis habitatores, & calamitatum, quæ quotidie scelere accidunt plurimorum, spectatores constituit, non debemus ita cedere animis, vt quasi deiecti desiderium viuendi penitus deponamus: est enim opinor & moderationis & sapientiæ, eos qui ne vmbra quidem τοῦ καλοῦ viderunt sine cōtumelia dimittere.



In Magistratus iuvenes.

Vix temere ante pilos venit sapientia.



*Desine stulte puer, dubiam tractare bipennem:
Anne audes molli stringere tela manu?
Quàm male conscripti tractât arcana Senatus
Qui nondum primas deservere nuces.*

BIBLIOTECA NAZ.
ROMA
VITTORIO EMANUELE



NARRATIO PHILOSOPHICA.

CIVITAS Lacedæmoniorum quæ Reip. gubernaculis, dum Lycurgi leges valebant, reliquis populis præluxit, consilium suum Senes appellauit: vt omnibus iudicatum esset, nullum Rempu. attingere debere, nisi eius cupiditates omnes, motusque animi, longior ætatis flexus cōfecisset: Romulusque eos qui in rerum administratione essent Senatores & Patres nominauit, vt iuuenes publicis negotiis excluderet. Et Prophetarum præstantissimus Esaias, dum Iudæorum populo pro tantis flagitiis malè euenire auguraretur, hunc graues domino pœnas daturum existimauit, si illi aliquid quando euenturum prædiceret, vt iuuenum & effœminatorum imperio teneretur. Quæ enim peffis in Rep. capitalior vnquã fuit, quàm eos ipsos in magistratu esse, quos leges propter infirmitatem consilij in tutela esse voluerunt? Quæ tanta temporum est improbitas, vt ij publicis & priuatis administrationibus velut tripudio auspicetur, qui neque rem domesticam cum dignitate gerere, neque seipsos gubernare possunt? Denique quid & authoritatis & splendoris ad ipsa subsellia adferent, qui ne domi quidem satis apud suos partes tutari queunt? Tu igitur cui nec vsus magister fuit, nec doctrina forum, cum in rei stipulationiuncula & syngrapha decipiare, vllumne tibi in Senatu iudicandi locum relinquendum esse existimem? Quodd si Augustus Cæsar non omnibus de iure respondendi potestatem fecit, sed iis tantum quos doctrina prope singularis, & velut vniuerso

populo testata virtus apud omnes commendabat:
quid in eis desyderes qui tantum sibi sumunt, vt
de aliorum responsis soli iudicium ferat? quos fo-
san omni studiorum laude cumulatose esse oport-
teat, quod ab eis maiorem appellare non possimus.
Iam vero qui alteri iudicium dictant, non prius
cognitionem sibi impetrandam statuunt, quam
peritissimos quosque de iustitia & æquitate cau-
sæ suæ in consilium adhibuerint, vt tandem illis du-
cibus, & quasi toto iure teste cum aduersario lege
consistant. qui si forsitan causa cadant, patronos
suos, de imperitia in inuidiam & crimen vocant.
Ac mea quidem sententia propius erat cum eis in
iuriæ disceptare, quibus id oneris impositum est
vt extremi omnium sententiæ ferant. Quid enim
in litibus adeundis confert præparatio illa dili-
gens, quid altior prudentium deliberatio, si qui-
bus iudicandi partes attributæ sunt id parum ad-
modum sentiant, ex quo magnum causæ patrocini-
um accersitur? Qui autem quasi procincti in subsel-
liis sententias rogantur, nisi maximis artis & natu-
ræ præfidiis sint instructi, parum certe facultatis
ad ea munera in quibus degunt, sunt allaturi. Quod
si aliquis primis illis annis tantam doctrinæ suæ fi-
duciam habet, vt inter tantos magistratus adlegi
velit, non video in quo hæc dignitas laudi illi esse
possit. Nam & multas ciuitates florentissimis re-
bus suis concidisse accepimus, quarum summa ad
iuuenes redierat. Et ex sacris quidem literis Ro-
bohami regnum quod patria virtute & auitis ar-
mis præclarissimum acceperat, adolescentum con-
filiis

filia conuellerunt. Ex quo præclarum est quod apud suos Lycurgum instituisse Plutarchus refert vt octo & viginti Seniores à latere Principū nunquam discederent, quorum consilio omnia & foris & domi gererentur. Quis enim consultò de re aliqua iudicauit vnquam, qui nondum rei periculum fecit? lam in Nautii ludo cū aliquis interrogasset, Cedo, qui Remp. vestram amisistis tam cito? respondetur, vt inquit Cicero,

Proueniebant oratores noui, stulti adolescentuli. Et apud Homerum Vlysses, non alia de causa se Achille consilio & prudentia superiorem facit, quàm quòd illo grādiōr natu esset. Etsi enim rationem eam, quæ cūm adoleuit & perfecta est, sapientia vocatur, nullus forsan hominum est

consecutus: habet tamen affecta ætas

nescio quid cum illa coniunctum

& cognatum, quod dif-

ficile factu sit in

adolescenti-

bus repe-

rire.

B iiij



Ad statuam Dianæ.

In sordidos nostrorum mores .



*En vt te insimulant casta monimenta Diana
 Aeternum hospitij non coluisse decus.
 Disce miser tennes meritis retinere propinquos,
 Nec iam te cacus sœnoris vrat amor.*

BIBLIOTECA NAZ.
 ROMA
 VITTORIO EMANUELE

A L I V D.

Quamquondam magna statuam posuere Diana,
 Proponunt oculis Pegmata nostra tuis.
 Illa ingressuris subtristior esse videtur,
 Morosóque nimis torua supercilio.
 Verum eadem auersis hilari gratissima vultu,
 Non dubia oblatis signa dat hospitij.
 Nostrorum hi mores, patriis sic vinitur oris,
 Hoc verum est nostra symbolum amicitiae.
 Hos, memor officij, si forte inuiseris, illic
 Te toruüm extemplò dira tuetur anus:
 Demittit vultum dominus, metuénsque repostu
 Vix bene se memorem prädicat esse tui:
 Et gemit ingratas nullo cum scénore messes,
 Et sibi Eleusina numina saeva Dea.
 Sed cum ad vestibulum ventum est, & lumine in ipso
 Incipit extremum iam tonuisse vale,
 Ad cœnam citus inuitat, frontémque serenat,
 Iæstat & occisa sumina lata suis:
 Et Calabro indignos imitatur in hospite mores,
 Hæcque tegi infames indicat arte dolos.

B ▼

NARRATIO PHILOSOPHICA.

STATVAM Dianæ quondam in Lesbo consecratam, qui ad illam frequentes consuebanr, diu-
turna quadam notatione nobilem reddiderunt,
Nam in ea obseruatum esse literis proditum est,
vt iis qui templum introirent, velut subtristior
supercilium adducere videretur: contra verò ex-
euntibus incredibili planè vultus hilaritate appa-
reret: quod an casu an verò artificis industria ac-
ciderit, nihil ad hoc tempus. Quantum autem ad
presentem scriptionem attinet, scitè statua illa no-
strorum mores videatur adumbrare. Nam si qua
tibi vetus cum horum aliquo necessitudo inter-
cedit, & si, dum id agis vt ius amicitia sanctè &
piè colas, ad eum domum veneris, tantam in vul-
tu seueritatem præ se feret, vt senium esse tibi per-
suadeas. cum autem de discessu cogitas in foribus
constiteris, & hominem iam valere iusseris: de-
posita feritate paulum condocefactus, te apud se
iubebit cœnare: neque tamen prius tibi hoc iudi-
cij & beneuolentiæ conferet, quàm certò perspe-
xerit te, quo minus hoc benignitatis iudicium ac-
ceptes, verecundia impetrati discessus impediri.
neque enim minore augendi patrimonij cupidi-
tate incensi sunt, quàm amittendi metu. quo in
genere si qua plaga accepta est, videas homines
omni constantia deturbatos iacere. Quis igitur
eos pro amicis complecti velit, qui res mini-
mas sanctissimis amicitiaë vinculis anteponunt?
Quis pro agnatis colere, quibus modicæ rei ia-
cturam nullis amicitiaë momentis sarciri posse iu-
dica

dicatum est? Quam tamen tanti maiores nostri
estimauerunt, vt non tantum pro amicis opes &
pecuniam, sed vitam profundere essent parati. Ho-
spitalitatem certe veteres philosophi mirabiliter
laudibus efferunt: quod hac vna virtute conser-
uande hominum societatis prope iura continetur.
hanc Romani tam sibi in republica retinendam
esse censuerunt, vt in extruendis magnificis edibus
neque sumptibus, neque labori parcerent: quibus
aliquando hospitalitatis officia non exteris tan-
tum, sed etiam ciuibus suis præstarent. Quæ laus
Octauio homini nouo ad petitionem consilatus
creditur esse suffragata. Quid enim gratius facere
patriæ tuæ possis, quàm ea liberaliter omnibus
cōferre, quæ natura communia esse voluerat. Nam
neque aliqua res est, qua propius ad conuentum
animorum, qui his vinculis elapsi in cælo beati
æterno æuo fruuntur, possimus accedere, quàm in
beneficiis vtròque conferendis tam à natu-
ra inuitatos videri, vt omnes homines non amici-
tia tantum, sed aut familiaritate, aut agnatione
nobis coniunctissimos esse arbitremur. Quæ vn-
quam maior perfecti fuit expressio, quàm vniuer-
sos homines tantum apud nos gratia & authori-
tate valere, vt nobiscum arcta necessitudine col-
ligatos iudicemus? quæ qui prestiterit non homi-
num concurstationem & congressus, sed animo-
rum cœlestem illam coniunctionem affecutus esse
videatur. Jam iis qui olim semibarbaros homines,
& locorum interuallis vitæque genere disiunctis-
simos mœnibus & viuendi societate sepsērunt,
hos

hoc à suis testimonium datum est, vt post *mortem* pro diis colerentur: à quorum gloria non procul abesse eos crediderim, quibus nihil magis in vita propositum est, quàm vt se beneficos & liberales velint: quique egregia quadã hospitalitate omnes ad ius hospitij & familię suę nituntur allicere. Sed tamen in hoc genere hæc temperatio crit adhibenda, vt quò aliquis magis opis indigebit, hòc ille largioribus obsequiis retineatur. Male enim „ se res habet si in meritis collocandis fortunam potius quàm mores sequamur. Quis enim non potius sua quàm alterius causa ad beneficentiam putetur accessisse, si locupletissimos quosque officiorum magnitudine sibi adiunxerit: eos verò qui opus habent, ne tentarit quidem? quæ & si ex Philosophorum ludo ad nos esse profecta meritò quis dixerit: ad ea tamen Christus suorum animos tam sæpe exuscitauit, vt Christianorum hominum propria existimari possint. Amicitias benefactis aucupari gloriosum est: sed tamen nobis cum ethnicis commune. Qui autem apud illos quos rei familiaris angustia premunt, lubens in creditum ierit, & eis potius pecunias intulerit, à quibus propter inopiam debitum non sit recepturus, laudetur certe hic Christianus, atque hoc nomine dignus existimari queat. Sed quia non vitio temporum solum, sed vsurpatione eorum qui sibi sapiunt effectum est, vt hospitalitas alicui pro nefario scelere ponatur, desino. sic verò res se habet, vt quibus est antiquius pauperibus & amicis benefacere, quàm in patrimonij amplificatione occupa-

cupa

cupari, hi lege Fannia, quæ de sumptibus quôdam
lata est, rei à nostris peragantur, omniûmque sen-
tentiis dilapidatores substantiæ suæ, filiisque non
satis consulentes nominentur: quibus etsi à pa-
tribus debeat prospectum & cautum esse, nō sunt
tamen legis præcepta deferenda, vt filiorum de-
syderio & cupiditati satisfiat. Neque verò A-
postolis ceterisque, quos militiæ nostræ principes
habuimus, dignitate præstamus: qui si vt
se ad Christi clientelam conferrent, o-
mnia sua abdicarunt, cur non le-
uissima rei domesticę nostræ
iactura præstātissimū fi-
dei Christianę præ-
sidiū retinēdū
esse statue-
mus.



In Catonem.

Omniū rerū satietas, præter-
quam disciplinæ.



*Dum tibi pes alter cani est in lymtre Charōis
Magne Cato, curæ est discere Græca tibi:
Quæris & ignota moriens tectoria lingua,
Nec cuiusque putas omnia nosse satis.
Quò disciplina quisque est instructior omni,
Tantò se studiis dedicat ille magis.*

NARRATIO PHILOSOPHICA.

DOCTRINA literarum & rerum magnarum cognitio tantos in animis bene informatis amores citat sui, vt sæpissimè pro maximis laboribus & vigiliis sua ipsius mercede sit contenta. Nam & Carolus is qui Magnus dictus est, vir certè abundans bellicis laudibus, iam grandis natu in Mathematicis studiis acquieuit: quorū tam fuisse studiosus perhibetur, vt nō minorem ex philosophicis, quàm ex rebus gestis laudem sit consecutus. totiusque Græciæ sapientissimum Socratem, quanquam (vt ex eius sermonibus colligi potest) omni scientiæ genere excelleret, tamen affecta iam ætate Cunnus citharistes fidibus canere docuit. Et Cato ille, cui omnium consensu tantum tributum est, vt optimus orator, summus senator, & præstantissimus censor haberetur, cū iam sexagesimum impleisset annum Græcas literas tam auidè arripuit, vt manum de tabula tolleret nunquam. Nam cum admodum iuuenis à parentibus ad rudem esset compulsus, neque ea quæ libero homine digna sunt militiæ negotiis implicatus ediscere potuisset, ne quidem in summo illo ætatis processu sibi quiescendum esse statuit, donec ab eis, quos antea Consul finibus Italiæ prohibuerat, literas Græcas expressisset. Et magnos etiam viros videre licet nunquam doctrinæ studia intermittere: quæ tamen illis non ad rei familiaris incrementa, sed ad priuatam animi leuationem valeant. Nam hoc ita natura adfert, vt opere soluti semper aliquid inquiramus & verfemus. vt enim errare & labi

labi turpe iudicamus, ita nihil naturæ *hominis* ac „ commodatius esse potest, quàm res novas semper „ ediscere. Nam (vt ait ille) equi ad cursum, ad vo- „ latum aues, ad sæuitiam feræ gignuntur, ita pro- „ pria quædam est hominis incitatio, quæ studio „ disciplinæ impellitur. Quæ res opinor, Aristonem „ & Herillum non vulgares philosophos eò facile deduxit, vt in scientia finem boni concluderent: quorum opinio quanquam ab omnibus explosa est: non video tamen in quo eos homines, qui ad præclara doctrinæ solatia confugerunt, non illis anteponendos existimem, quibus cum lucro omnis cura & cogitatio defixa est. Nam qui iam parum liberaliter de virtute sentiunt, vt pecuniam & lucrum facere, honesto literarum otio antepo- nant: quid aliud efficiunt, quàm vt corporatæ voluptates præclarissimis animi bonis præferantur? Obscurum sanè genus hominum ea sola laudantium, quorum cupiditate summopere capiuntur. Iam qui tam aptus ex sese est, vt nihil aut expetat aut admiretur, nisi quod cum virtute & rerum maximarum notitia coniunctum est, is apud eos syderatus & insanus appellatur. neque ex eis quisquam erit, qui nõ potius de foro ad stipulatorem, quàm eiusmodi hominem etiam si opibus antecellat, sibi generum esse velit.

In stat.



*In statu Memnonis in Aethiopia.
Contra aduocatos.*



*Memnonis effigiem iam non mirare viator,
Qua tacer, & Pharij signa dat Harpocratis.
Sed cum sol radijs os pellens trauerit eius,
Incipiet fari quæ taciturna fuit.
O quàm difficilis promittit responsa patro nus,
Ni manibus præsens cernat adesse lucrum.
Sed tunc ille reis oracula Delphica reddit,
Cum feriunt oculos aurea dona suos.*



NARRATIO PHILOSOPHICÆ.

MEMNON deus oraculis reddendis & magno populorum cōcursu tota Æthiopia nobilitatus, statuam habuisse fertur, quæ ad consilium expetita non prius responsa dabat, quàm sol in eam radios conuertisset. simul atque verò aspectum solis persenserat, eos qui sciscitatum venerat, certos compotésque consilij dimittebat. Quo genere narrationis appositè eos qui in foro togati volitant, quiq̃ue in causis agendis precarium quæstum faciunt expresseris. Quos si animi dubius, de lite aliqua in deliberationem voces, nisi prius pecuniam numeres, citius profecto aquam ex pumice extorqueas, quàm ab illis rationem consilij tui. Quòd si (ut inquit Persius)

Dolosi spes refulserit nummi,

splendorq̃ue ille solis, qui in nonnullis numismatibus cælatus apparet, aciem oculorum cōtigerit,

Coruos poëtas & poëtridas picas,

Cantare credas Pegaseium melos.

Quod avaritiæ genus, & si non tam iis qui causas agunt, quàm iudicibus sit vitio vertendum, non est tamen dignitati eorum qui leges tractant contentaneum, tanto acquirendæ pecuniæ desyderio teneri, ut nisi eius auspiciis nihil quicquam aut priuatim, aut publicè aggredi velint. Nam & Romani veteres lege Cincia lata conductò causas agere vetuerunt: quòd hac cautione nō patronorum tantum, sed etiã totius ordinis amplitudo cōtineretur. Aliquot verò post sæculis, cum nec vetustas

stas ipsa vulgi opinionibus oppressa satis maiestatem suam tutaretur, leguleiorum cupiditati permissum est, vt præstantissimum postulandi munus autoritate legum abduceretur ad præmium: hac moderatione adhibita, vt in singulas causas non plus quam centum aureos clientes appenderent. In quo & si legum autoritas satis momenti ad excusationem habitura sit: verendum est tamen ne ex decretis illis plus sibi licere velint, quam Christiani Euangelij decus pati possit. Nã si gentibus rerum adiumenta edicto Euangelico iubemur impertiri, qua quæso incitatione in eos consiliis nostris adiuuandos esse debebimus? quæ res etsi bene & feliciter illis euenerit, nihil tamen nobis hoc nomine sit decessurum. Qui enim (vt ait Ennius) alteri de suo lumine lucernam accendit, facit vt nihilominus ipsi luceat cum alij accenderit. Ego verò etsi iis minime subiratus esse velim, videatur tamen plurimum offensionis habere, si tenuiores qui pecuniam quam non habent, præstare nequeunt, consiliis nostris arceantur. Iam verò maiores nostri domum Iurisconsulti oraculum totius ciuitatis appellauerunt, ad quam si non reges & principes, at certè tribules & ciues ad consilium accederent. Nonnullorum vero aduocatorum ædes, accommodatius opinor ἐμπόρια ciuitatis appellare queas. Et certè plerunque euenit, vt qui aliquid à mercatoribus emunt, illis multas summas reliquentur. at cum nonnullis pragmaticis nihil egeris, nisi pecunia in numerato sit. Demosthenes quidem vir dicendi laude præstantissi-

mus, non tantum pecuniam accepisse, vt causas ageret, & pro amicis reis de manibus iudicium sententias extorqueret, sed etiam magnò tacuisse fertur. Tanta enim erat in eo homine eloquentiæ vis, vt eos qui audirent quo se cunque raperet, posset dicendo impellere. Cui fortasse sit indulgendum, quòd nunquam ad dicendum paratus accesserit, nisi summis vigiliis & labore diuturno actiones suas secum ipse esset meditatus. Et æqualis temporum illorum Isocrates, cum (vt ille de se testatur) ingenua quadam timiditate à dicendo refugisset, orationem vnā viginti talentis vendidisse fertur. Illoque maior natu Lysias, cū opinor populi mores ferre non posset, delectatus re sua familiari nonnullas orationes domi conscripsit, quas amicis iisq; qui lite pulsabatur, proscriberet. Quod hominum tenuitati & studiis sit permittendū. Neque enim ij qui honorarij spe in iudiciis & foro versantur, mea sententiā improbandi sunt: sed si quis est inter eos quæ tantū virtutis forma retineat & oblectet vt pauperes patrocínio suo gratiaq; iuuet, & in causis agendis eiusmodi hominibus liberalē operā præstet, is bonorū iudicio Christiani hominis laudē videatur esse cōsecutus. Atq; vt præstantis & excelsi animi est, eum qui rem habeat, sine mercede causas tractare, ita iis quibus res paulò angustior erit honesta lucri & vtilitatis ratio nō erit inuidēda: si modo ab honestate nō sit separata. Quidam sunt enim in eo genere tā parū verecundi, vt neq; dignitatis, neq; ordinis rationē habeant, sed tantū naturæ suæ, quæ aliorū substantia & opibus ne expleri quidem potest.

*In statuam Iouis.
Vindicta diuina.*



*Iuppiter, a theca qui fulmina vibrat ab arce,
Intextos lana fertur habere pedes.
Tardior ira Dei, & lento vix cognita gressu,
Vltrici insequitur crimina nostra pede.*

C iij

QUANTUM apud veteres Ethnicos mirifica illa dei benignitas & clementia nullis illorum monumentis consignata esset, facile tamen rerum & euentorum coniectura sunt adducti, vt honorificentissimè de ea prædicarent. Cum enim perspicerent Deum ad nocentium delicta tandiu cōnuere, neque eum de sceleratis hominibus poenam nisi serò reposcere, illum laneos pedes habere crediderunt, quòd incredibili tarditate, aliquàdo tamen, insperantibus nobis inuindictam scelerum immineret. Et apud Hebræos, quibus ille antiquitus propter beneficiorum magnitudinem familiarior erat & notior, maiorem in modum iracundiæ sustinens exprimitur, quique nisi rebus propemodum desperatis ad supplicium accedat. Verum ne tanta illa mansuetudinis laus perditos homines, quos vel peccare delectat, facilitate delinquendi incitaret, eum supplicij tarditatem, seueritate sarcire voluerunt: vt homines omni flagitiorum genere impuri nihil ex diuturnitate temporis, compendij causæ suæ accedere iudicarent. quod in omnium longè crudelissimo Sylla accidisse historiæ testantur. Cum enim ciuili bello Marium confecisset, deinde victor omnia misceret, sibi viueret, ciues circumscriberet, ita dictaturam gessit, vt nihil eum sceleris, nihil crudelitatis præterierit. Qui verò dies à tantæ dignitatis perfuntione illi aditum ad quietem dabat, is omnium ei calamitosissimus apparuit. Nam deposita dictatura iam natu maximus tantis corporis doloribus

bus cruciatus est, vt omnium iudicio mors tam lu-
 ctuosa vitæ felicitatem deleuerit. Marcus verò
 Crassus cum Syriam cum imperio esset ingressus,
 Ierosolymam florentem opibus venit, vbi ea quæ
 orientis reges à multis sæculis in templo domini
 consecrauerant, quibusque Pompeius Magnus
 tantarum nationum victor pepercerat, diripuit.
 At ne ille quidē tot manubias in patriam retulit.
 Nam & non ita multò pòst tempore filium crude-
 liter interemptum à Parthis vidit, & tandem amif-
 so exercitu miserrimè concidit. Sed hæc opi-
 nor Christianis non probantur, qui-
 bus hac vita non est circunferi-
 ptus mercedis aut sup-
 plicij locus.

C iij





Ad ficum.

In eos qui promittere, quàm facere maluerunt.



*Siluber, in signem, quam mittimus, accipe ficū,
Forsan & hac vita corrigeſt acta tua.
Vere nouo nullo florum uestitur honore,
Et tamen autumnō dulcia poma gerit.
Quid tuame dubiū toties promissa moratur?
Quod spondes primū, si sapiſ, illud age.
Talia vel miseros poſſent promiſſa beare,
Ni fructus tandem proderet arca dolos.*




NARRATIO PHILOSOPHICÆ

NVLUM opinor est hominum genus, quod propius ad leuitatem accedat, quàm ij qui dum promissis, æqualium suorum beneuolentiã aucupantur, in illis que fidem & nomen dissolvere aut nolunt aut nequeunt, efficiunt eos apud quo in promissum ierunt, locupletissimos testes incōstantiæ suæ. Vt enim æquabilitas in omni vita, & dictorum factorumque constantia semper laudanda est, sic nihil est humanæ societati magis contrarium, quàm promissorum liberalitatem factis non consequi. In quo adhibenda fides esset, quæ quanquam ipsa verni temporis serenitate minimam baccharum spem hominibus iniiciat, neque florem edat, autumnno tamen poma toto orbe nobilitata proferre solet. Qui igitur rationem cum terra habuerit, (cuius, ut inquit ille, tanta est benignitas ut nunquam recuset imperium, reddatque semper cum scœnore quod accepit) & ex arboribus quid in vita sit agendum didicerit, tantum sanè imperabit ille sibi, ut lubenter ad ea explenda accedat, in quibus fidem suam pollicitatione obstrinxerit. Alij verò sunt qui in nonnullis magistratibus renuntiati, incredibilem sui rerum benegendarum expectationem apud omnes concitant: in eos populus oculos defixos habet, ad illos omnes constituendæ reipublicæ causa prospiciunt. Hi simul atque in dignitate fuerint locati, ita se gerunt, ita in magistratu versantur, ut facilis sit omnium existimatio, quantum nos eorum si-

des, & nostræ de ipsis opinio fefellerit. Nam cùm priuati procul ab omni ambitione degunt, facillè animaduertūt in quo offenditur: capeffentes autē gubernacula reipublicę, capti credo cōmodorum magnitudine, iudiciū omne cū pudore abiiciunt: audentq̃ue eorum perpetuam propugnationem suscipere, quæ antea acerrimè fuerāt inlectati. Iam quotus quisque est eorum qui in rebus agunt, qui si non cognitione, at saltem auditu non attigerit, ex bonis ecclesiasticis nihil nisi quadrantem rationibus suis inferre posse: reliqua autem pauperum tabulis ex lege canonum esse inferenda. Hoc certè tam peruagatum est, vt in ore sit omni populo. qui tamen sunt in illa causa, non grauati patiuntur se in eo temporum errore versari, honestiq̃ rationem specie vtilitatis conuelli. Ac mea quidem sententia, qui vtilitatem pugnantem cum ratione, virtute superiorem esse volunt, quibusq̃ plus lucra domestica, quàm dignitatis momenta pōderari solent, hi à rerū & publicarū & priuatarū administratione alieni esse debent. Vix enim est, vt in publico magistratu designatus præclarè se gerat, qui curam, studium, industriam denique omnem in re familiari tuenda & augenda collo-
carit.

Ad araneam, vulgatū ex Diogene.

In corruptos iudices.



*Dum volat, elata telas disrumpit Arachnes
Oestron, & impaudē mollia pensa terit.
Sed capiur tenuis macilento corpore musca,
Nec fugit arguta reia ducta manu.
Sic pauper posita sortes vix effugit vrna,
Sed diues rupto vimine tutus abit.*

vel amicus accedit ad sententiã,eam mediocritatẽ
tenere potest, quã inter nimium & parum iacet. ”
Nã quis erit in causis decidendis apud eos iusti- ”
tiæ locus, qui se non tantum ad voluntatem po-
tentiũ nutumq; referunt, sed iudiciorũ maiestatem
mercede sola metiuntur? Si quid homini pauperi
cum diuite negotij est, & diuitẽ in causa iure infe-
riorẽ futurum longe ante præsentiunt, ita res ex-
pedietur, vt aut lōga mora aditusque difficultate
pauperi homini fastidiũ adferat, aut instrumenta
litis eo deponat loco, vnde nunquã in verũ solem
proditura sint. Neq; vero Diogenes Cynicus insci-
tẽ istum in suffragiis ferendis modum, araneorum
telis similem faciebat. Vt enim grandiores muscæ
quæ asila nuncupantur, facile araneorũ telas per-
transeunt: at paruæ & tenues illis irretitæ la-
queis capiuntur: sic homines haud magna in re
quantumuis tamen fidei pleni, vix temere iudiciũ
anfractus effugiunt: iis verò quibus liberalior for-
tuna est, etiam inter media iudicantium subsellia
licet tutissimis esse. Quodd si ita se in eo ordine ver-
sari prædicet, quodd forsan aliqua animi egitudine
& metu fracti, in potentissimos legibus cõstituere
nō audeant, hoc ne illis quiddẽ patrocinari queat.
Aut enim ij partes quæ sibi à populo vel principi-
bus attributę sunt, tueantur necesse est: aut omni-
no priuati domi degant. Multis certẽ, quanquam
sint pusilli & angusti animi, nunquam vitio
versum est, quodd res magnas plenasque peri-
culorum non adeant. Iis autem quorum ambi-
tionis labore vita occupata rebus publicis geren-
dis

des implicatur, non sit ignoscendum, si eiusmodi ægrotationes ad rerum administrationem attulerint. Præstat enim dignitati fortiter cedere, quàm nulla cum laude in officio esse. Neque tamen hoc apud nos consilium magnopere sit necessarium, quibuscum ex principum clementiâ tam feliciter actum est, ut semper virtutis & iustitię valeret auctoritas. Quod si qui sunt tam magno & forti animo, ut etiam contra potentissimos decreta ferant, neque metu à saluberrimi Senatusconsulti perscriptione abducantur, satis sibi persuadere possunt, se eius consilij principes non tantum laudatores, sed etiam adiutores habituros..



*Sybaritba in plateis .
In leuiculos huius temporis.*



*A spice vi in plateis suis resupinus oberrat
Et molli ingreditur compita nostra pede.
Vtique pererratis fragor at lacrima vicis,
Et siccam infecto murice verrit humum:
Gaudet & insulsa tunicati voce popelli,
Et putat his omnes fallere posse dolis.
Transuersosque sibi spectantem colligit hircos,
Dum studet in populo tertius esse. Caro.
Hinc hinc, hæc pauper nouit fastidia Baucis,
Nam doctis fidei frons habet ista parum.*

INTER eas malorum omnium & voluptatum
 illecebras quæ quondam apud Sybarithas vi-
 guerunt, nulla magis reliquarum gentium risu &
 stomacho excepta est, quàm mollities, quæ iis quo-
 ties de domo in publicum processissent, familia-
 ris fuisse perhibetur. Nam tantus erat in illis fa-
 stus, tanta in ingressu mollities, tam impotēs aspe-
 ctus, tanta denique investis compositione cura, ut
 quidvis potius quàm homines esse facilè adduci
 potuisses. Sed quis tam leuiter sapiens esse potest,
 qui eiusmodi ineptias vel apud imperitam multi-
 tudinem aliquid authoritatis & momenti habere
 credat? Quis est tam totius humanitatis expers,
 qui istos fucos moderatè & æquo animo ferat?
 Nec enim tam aspernandæ homini partes à natura
 datae sunt, ut illi in rebus adumbratis ponendus sit
 dignitatis decor. In quo vident illi qui apud nos
 quotidie multo serico, multis vnguentis in publi-
 cum prodeunt, quantum se de nobis sefellit opi-
 nio. Nam à quibus plurimum gratiæ & miratio-
 nis se aucupaturos iudicabant, eos profecto col-
 ligunt sempiternos testes insipientiæ suæ. qui si se
 Q. Hortensium imitari dicant, quæ homini, quod
 ordinem & cultum vestis suæ conturbasset, actio-
 nem ferunt intendisse: ne tamen mihi tantam in-
 fantiam etiam oratore Hortensio probauerint.
 Quid enim tam flexibile, tamque lubricum esse
 potest, quid porro ab homine tam alienum, quàm
 ex eo laudis argumentum quærere, cuius fructus
 ut in sola hominum opinione iacet, ita non

potest esse diuturnus . Inest certè maximèque in summis & excellentibus animis gloriæ cupiditas , quæ tam virtuti ipsi coniuncta est , vt vtriusque consensus sit æternus. Sed tamè nullus eorum imperatorum qui patriam spoliis suis triumphis-que decorârunt, ex re tam ludicra aditum ad gloriam homini patere existimauit . Quibus autem propositum est pro republica aut fide fortiter dimicare, qui-que nullum de publica salute cogitandi tēpus intermittunt, iis opinor sit permittendū, si gloriam tanquam benefactorū & testem & mercedē se sequi dicant. Qui verò in ea sententia sunt, vt perpetuam pro laribus sepulchrisque suis propugnationem suscipiant, nec quicquam otio præstantius esse ducunt , quia longissimè à vera laude & rectefactis absunt , ad vmbas & simulachra cōfugiunt, atque ex eo se laudari volunt , quod post homines natos gloriosum duxit nemo. Neq; enim tanta est inertia temporum, vt imitatrix boni inanitas & pondere & natura sua speciem illam honesti apud homines referre queat. Nam vera gloria radices agit & propagatur, facileque se ab iniuria mortalitatis & silentij vendicat : ficta autem tanquam flosculi (vt inquit ille) celeriter decidūt: neque quicquam est perpetuum, nisi quod virtute & rectefactis tibi paraueris. Quòd si eam lasciuiam tam impensè probant , vt de illa nunquam deduci possint, quæso ne tam ridicula apud eos inculcent , qui de actionibus honesti iudicare possunt: sed ea ipsi coram tribulibus suis bonis viris depromant: quibus forsā, vt de suis dicebat Lu-

cilius poëta, plus palatum quàm cerebrum sapit .
Diogenes quidem , si quando in eiusmodi homi-
nes incidebat , nullum sibi præsentius contra eam
importunitatem remedium à diis immortalibus
euenire precabatur, quàm in lapidicinas longè ab
duci: vt quos contuens ferre non poterat , diutius
„ audire non cogeretur . Lenius Plato , ne quando ,
„ inquit, in simili errore verfer. qui si opinor homi-
nibus istis esset vsus , nihilo forsàn Diogene fuis-
set placatior . Quis enim tanta animi facilitate
est, aut potius tam sensu videndi & audiendi
caret , qui vel si ista dissimulare queat,
his tamen possit non vehe-
menter offendi?



*Libertas cuius proprium est,
Sic viuere vt velis.*



*Annulus articulos si quādo asstringit & vrget,
Hunc subito innocuis excute de manibus.
Stulte quid affectas alieno viuere voto?
Nullolibertas are, librâque licet.*

D ij

M IHI olim temporum nostrorum reputatio
 nem facienti quærédum visum est, quæ duæ
 res in hominum vita essent, quæ animos nostros
 maiori voluptate incensos ad se prolectarent. In
 quo etsi difficile factu sit æstimantem non offen-
 dere, non tamen procul à vero discessionem fecis-
 se iudicetur, qui de libertate & avaritia ita statue-
 rit, ut nulla re magis homines in vita retineri pos-
 se arbitretur. Nam ut avaritiam (quæ quantum a-
 pud multos autoritate valeat satis perspectum
 est) relinquamus, tantum semper ponderis omnium
 concessu libertas habuit, ut nemini parere animus
 bene à natura informatus velit. Quo in genere
 principes illi philosophi fuerunt, quibus cum idem
 propositum fuisset quod regibus, ut nemini pare-
 rent, libertate uterentur, facile eam sententiam a-
 „ nimo sunt complexi, quæ imperia & dominatus
 „ externaque subsidia infra hominem posita esse iu-
 „ bet, & otium rebus omnibus anteponebat. Quid enim
 „ est tam elatum & magnificum, quam id ipsum cu-
 „ ius habendi cupiditas, & seruandi metus reliquos
 „ homines misere cruciat, fortiter aspernari, ea au-
 „ tem in summis bonis ponere, ex quibus animus sa-
 „ pientis vere diues appellatur? Iam igitur in eo ho-
 „ minum genere non nisi incredibilis virtutis signi-
 „ ficatio esse potest, qui ita sunt affecti ut magistra-
 „ tus contemnant, gloriam negligant, popularibus
 „ studiis nihil capiantur, in domestica autem liber-
 „ tate & quiete mirifice sibi placeant. Et ex homi-
 „ nibus quidem nostris vehementer laudo eos, qui-
 „ bu

bus quanquam vocis suauitatem, firmissima latera, æquabile dicendi genus & profluens natura cōcessisset, vereque tales effecisset, qui in foro summa cum gloria, & amplissimis commodis versarentur, tamen semetipsos à subselliis illis & iudiciorum strepitu voluntate remouerunt: nihil proprius homini Christiano iudicantes, quàm fructū otij ad rerum magnarum cognitionē traducere, aut saltem nō iis ipsis delectari, quæ homines imperiti, vel qui suo magis quàm alieno iudicio sapiunt, pro bonis & valde appetendis ducunt. Et opinor valde gloriosum est, res angustas si modo ad sit otium & quies, clientelis potentium antepōnere, vereque regium & liberalitatis plenum domesticam tenuitatem quiete & tranquillitate solari: quæ tam nonnullos voluptate incendit sui, ut plerunque magnorum hominum liberalitatem & beneficia non inuiti defugerent, dum impendiō verebantur, ne ex tali meritorum ratione illis aliqua imminutæ libertatis labes inuri posses. Omni no autem misera est eorum conditio, qui se ad aliorum nutum & voluntatem conferunt. Neque enim illis ex animi sententia viuere integrum est, neque planè laudabile eorum vultum non diligenter obseruare, quorum authoritati & mancipio se ipsos dediderunt. Iam verò ut cætera incommoda omittamus, quid tam parum liberale est, quàm ita ex aliorum affectibus pendere, ut neque ridere, neque tecum meditari, neque lugere, nisi ex vnius perturbationibus queas: & velut priuata animi incitatione deposita, nisi illius sensu nūquam

moueare: eius olfactu, gustatu, oculis, solùm odo-
 reris, gustes & videas. Quod verò omnium longè
 turpissimum est, eiusmodi homines sapissimè ne-
 fariorum scelerum non testes tantum, sed & par-
 ticipes adhibentur, & plerunque aut verecundia,
 aut animo fracto ea coguntur approbare, quæ im-
 manissima esse semper iudicarunt. Ego quâquam
 ab hoc seruitutis genere vel natura longissimè ab-
 sim: tamen tam me ipsa vitæ species offendit, vt
 neque eius probitate cui sit inseruiendum, neque
 commodorum magnitudine, vt eam rem compro-
 bem, adduci possim. Atque, vt breui dicam, is mi-
 hi videbitur sapere, qui, vt dicebat Plato, nō aliun-
 de pendebit, neque extrinsecus bene aut male vi-
 uendi suspensas habebit rationes. Nam & qui
 alterius causa malè & contra leges egerit,
 id assequitur, vt etiam eum cui hoc
 præstitum voluerit, facti de-
 risorem ha-
 beat.






In symbolum Pythagoræ.

In scaphio ne edito.



*Quisquis es in scaphio qui festa obsonia cõdis,
Non est hac nostræ commoda mensa gula.
Quos habet attonitos vitij mēs i proba, iustus
Indignos aditu indicat esse suo.*

D iij



PYTHAGORAM summæ authoritatis philo-
 sophum seuerissima sententia suis edixisse fe-
 runt, ne omnino in scaphio ederent, néue ea obso-
 nia quæ summa sua benignitate natura nobis cõ-
 cessisset, parum honesto vase deturparent. Quo di-
 cendi genere homo prudentissimus alumnos di-
 sciplinæ suæ, à nefariorum hominum cõgressu &
 amicitia reuocare nitebatur. Vt enim præter di-
 gnitatẽ paterfamiliàs facere existimetur, si ex lau-
 to instrumento ea vascula in vsum mensæ dediceret,
 quorum aspectus animos hominum ad turpem
 cogitationem sit deducturus: ita is optimam sibi
 naturam inuidissẽ sit iudicandus, qui perditos ci-
 ues cõgressu, suffragio & aditu dignos putauerit.
 Quid enim tam moribus inculpatis inimicũ est,
 quàm cum iis ipsis coniunctissimè viuere, quorũ
 non solum dicta, sed & facta, præstantissimas virtu-
 tis actiones conantur euertere, & honesti speciem
 imitatione boni ad impurissimas voluptates tra-
 ducere. Iam verò tales à natura creati sumus, vt
 nobis illius adiumentis (si tamen ab ea non disce-
 dimus) satis esse possit ad bene beatæque viuendũ.
 Sed plerunq; accidit, vt præclara illa omnia virtu-
 tum seminaria sceleratorum colloquio & vsu ob-
 ruantur, neque amplius naturæ lumen elucescat.
 Itaque rempublicam gerentibus id primũ eniten-
 dum esse scribit Plato, vt sceleratos homines è fi-
 nibus expellant, néue eos diutius in ciuitate esse
 sinant, quibus stantibus in republiça splendor &
 quies retineri non potest. Quid enim nouarũ vo-
 lupt

luptatum artificibus (quibus tamen Xerces præ-
mia lege constituit) quid nouorum porteriorum
& tributorum inuentoribus (quos Dionysius ty-
rannus mercede honorauit) in bene morata ciui-
tate negotij est, vt eodem iure cum reliquis bonis
cenferi debeant? Quid enim aliud agunt quàm vt
publicum otium cōsiliis perturbēt suis, summorū
viorū principatū penitus de republica deleant, &
tenuiores in discrimen fortunarum & capitis vo-
cent? Quod hominum genus & nostra ætate ali-
quando, & etiam patrum memoria multas ciuita-
tes lacerauit: digni opinor quibus decernatur in
foro statua, in senatu locus: adde etiam si placet,
victum in Prytaneo: vt ab ea republica
pro qua tam bene & nauiter la-
borauerint, summis benefi-
ciis in luce bonorum
omnium au-
geatur.

D ▼



*Ad statnam Cassandra.
In consuetudinem fori.*



Concinit infelix casus Cassandra futuros,
Pergamæque Argolicis depopulâda rogis,
Sed frustra eximia prostant oracula vatis,
Fœmineisq; fides non datur augurijs.
Sunt quibus est Piliæ præstâs faciendâ lingua.
Quosque iuvat Samij clara sophia senis.
Nec Lugdunensis metuunt certamina cœstus,
His tamen ab nostri non faciet aura fori:
Hos infausa premunt quinta præsagia luna,
Et fouet exiguo sportula curta foco.


CASSANDRAE Priami regis filiae infortunium iusta miseratione persecuti sunt nonnulli, quòd cum ab Apolline diuinandi scientiam accepisset, tamen tam obscurè in illo munere versata est, vt futura quidem longè antè prædiceret, sed ex omnibus ad quos ea res pertinebat, fidem faceret nemini. Nam & flagrante bello Troiano, nisi Helena restituta cum Græcis reditus in gratiam intercederet, excidium celeberrimæ vrbis vaticinata est: neque tamen præfensionibus suis quicquam profecit. Præterea cum capta & incensa Troia, eadem vates Agamemnoni sorte obtigisset, multa amplissimi regis euenta præfagitione complexa est: præuiditq; futurum aliquando, vt ille ab vxore sua extrema pateretur: quæ diuinationes cum nihil ponderis apud eos quorū magnopere intererat, habuissent, etiam in ipsa tristissimi casus acerbitate, homines illos vel ipsa memoria perculerunt. Non omnino Cassandræ, meo quidem iudicio, dissimiles videri possint, ij qui in foro togati volitant, & in centumviralibus publicisque iudiciis vicariam litigantibus operam suam præbent: inter quos innumerabiles reperias iis artibus quæ libero homine dignæ sunt, mirificè instructos, quique ad ea humaniorū literarū præsidia incredibile iuris & legū sciētia adiūxerūt: sed tamen nescio quo illorum fato ab omnibus contemnuntur, & plerunque iis fama concedunt, quos omnibus scientiarum ornamentis facile superabant. In quo etsi graue est iis principem locum

cum cedere, qui tecum magnarum rerum cogni-
 tione non sint comparandi: ferendum est tamē (vt
 ” in quadam oratione L. Crassus grauissimè prædi-
 ” cavit) in iis ipsis te vinci quæ labore & industria
 ” homines sibi parare nequeunt. at in his gloriosum
 est multis antecellere, quæ neque fortunæ, neque
 potentium gratiæ accepta referre debeamus. Et si
 ” enim fortuita plerunque mirationem & cla-
 ” mores faciunt in populo, ea tamen so-
 ” la verè laudantur, quæ cum vir-
 ” tute & priuata cuiusque
 ” ar. imi incitatione
 ” coniuncta
 ” sunt.



Ad statuas Palicorum.

In periuria fori.



*Aspice Pœna fides, verique ignara Corinthos,
Et queruli interdum turba togata fori:
Anne hominum credis periuria ferre Palicos,
Cum spernas iusti numina summa Dei.*

BIBLIOTECA NAZ.
ROMA
Vitt. Emanuele

NARRATIO PHILOSOPHICA.

A PVD Catanam in Sicilia duo amnes sunt, qui Delli vocantur, hi ab incolis quondam maxima veneratione habiti sunt, quòd ex eis Palicos geminos fratres emerfisse, & amœnissimam hanc lucem aspexisse antiquitas credidisset. Cùm enim Thalia nymphea ex Ioue grauida metueret, ne quid sibi periculi à Iunone crearetur, precibus à Ioue contendit, vt in tam propinquo! discrimine terra sibi dehisceret. Quod cùm esset factum, diuinitus tamen accidit, vt ipso partus die fratres Palici è terra emergerent, & Iouis beneficio in vitam ingrederentur. hi propter mentis integritatē opinor, præstandis iuramentis testes adhiberi consueverunt, atque ea conceptorum verborum forma erat, vt si conditio sub qua contractus inibatur, euenisset, res aliqua sub religione iureiurandi præstaretur, dato etiam expromissore qui rem totam fide sua esse iuberet. Ex quo efficitur periuriū non sacris monumentis solū, sed & veterum poëtarum fabulis nefarium semper scelus fuisse. Ac verè mihi videbor esse dicturus, id quo nomine à reliquis nationibus Græcos videmus inuadi, idem apud iudiciorum & fori nostri pragmaticos in consuetudinem venisse. Nam vt vetus Græcia totius disciplinæ princeps, & Athenæ illæ scientiarum omnium inuentrices semper habitæ sunt, fidei tamen & integritatis laudem nunquam tulerunt: tamque apud eos vulgatum illud fuit, Da
 „ mihi mutuū testimonium, vt etiam qui inter
 „ illos Græcè nescirent, hoc tamen loquendi genus
 propt

propter consuetudinem memoria tenerent. Sic licet forum omnium scientiarum quasi quoddam theatrum appellare possis, difficile tamen factu sit ex iis qui pragmatici & procuratores in eo vocantur, aliquem reperire, qui probitatis & fidei gloriam sit consecutus. Qui enim contra iuramenti nexum quem rogati apud acta præstiterunt, iniustas causas tractant, qui diffisionibus à iudice petitis in perniciem creditorum, nepotibus & perditis hominibus pecuniarum solutiones trahunt, qui in mala clientum causa iudicatum non faciunt, qui stipulatiunculis & tricis suis (ut Varro loquitur) apertissima quæque inuolucris obducunt, quam quæso honestatis speciem ad causas agendas attulisse videantur? Sed ut apud Euripidem Ætheocles in Phœnissis, si ius unquam violandum est, causa regni violari posse existimauit, in reliquis autem pietatem coli debere: sic & homines illi ieiunia, sacrorum ritus & celebritates religiosè obseruant, & piè certe: fidem quoque violari pro scelere ponunt, excepta vna causa pecuniæ: pro qua etiam si Deum & homines non sint cælaturi, propugnationem omnem non dubitanter suscipiant. Neque enim tam oderunt infamiam, quam amant pecuniam, qua ut de virtute dixerunt philosophi, nihil est illis amabilius, nihil præstantius. Neque verò ad eos nostra pertinet oratio, qui ut magistratus aliquos inire possint, iurati se nihil omnino illorum nomine contulisse, ex professo in amplissima corona iudicum affirmant:

tant

tantum dico,mediocrem sui homines illos in reli-
quo honoris cursu expectationē afferre, qui tam
flagitioso scelere principia ineundæ dignitatis cō-
secrarunt. Quid enim nos de illis sperare oportebit,
qui se in ingressu præstantissimi magistratus
nefario scelere polluerunt?Itaque non sit fortasse
mirum, si iudicibus tanta flagitij macula impu-
ris, eiusdem notæ pragmaticos, & omni
periurio infames fortuna adiun-
xerit. Digni profecto duci-
bus suis admini-
stri.



In statuam Iouis, ex Homero.

Reges ad curam Dei pertinere.



*Nescis in mentem magno quid venit Homero,
Discipulos reges dum putat esse Iouis.
An quod eos nulli voluit virtute secundos,
Queis sunt à summo credita regna Deo?*

GR AVISSIME, vt omnia, Homerus reges & eos qui latè dominantur, Dei immortalis discipulos, & velut ex eius ludo ad rerum administrationem prodeuntes facit: vt omnes intelligant, principes nō tantum vocatu Dei ad rerum publicarum gubernacula accedere: sed maximè omnium hominum ad curam & prouidentiam summi illius numinis pertinere. Propius enim iudicauit quos ad amplissimum dignitatis euexit gradum, iis constantiæ, magnanimitatis, cæterarumque omnium virtutum seminaria largiter cōferre. Quales enim eos esse oportuit, sine quibus & stare respublica nequit, & quorum descriptione multarum gentiū moderatio continetur? quod bellè qui præstiterit, eum diuina quadam vi instructum esse mihi persuaferim. Nam in eo omnium ferè nationum consensus fuit, aliquem præ cæteris principatum habere, qui præesset, & cui pareretur: quiq̃ue legem illam principem quam primum in animis nostris natura peperisset, tueretur: cum qua illi tanta similitudo esset, „ vt verè lex loquens debeat nominari. Quæ enim „ domus, quæ gens, quæ hominum societas sine „ aliquo qui imperet diutius splendorem suum retinere potest? At genus illud imperij quondam ad sapientissimos & sanctissimos quosque deferre batur: quod & in Repub. Romana valuit quandiu ei Reges præfuerunt. Nam & naturæ solertiam imitati homines, ei tantum ad regna adi-
tum

tum patere voluerunt, qui aliqua excellenti virtute cæteris præstaret, vt eius sapientia non illi tantum, verum & vniuersæ ciuitati laudi esset. Neque verò apud Medos solum, vt ait Herodotus, sed etiam apud omnes populos iustitiæ retinendæ causâ bene morati reges sunt constituti: nam inopes à potentissimis pressi ad alicuius clientelam se conferebant, qui eiusmodi periculum ab illorum capite depelleret. Vnde euenit vt ciues non grauati illi obediant, & eum summa obseruantia colant & diligant: quod Charondas summus legislator legibus suis comprehendit. Platonique ex Titanum genere statuuntur, qui magistratum actionibus aduersari volunt. Itaque doctissimi homines in magnorum principum rebus gestis memoriæ mandandis voluntario otio occupati, illos tam abundantes vrbani & bellicis laudibus nobis prodiderunt, vt non tam eos qui aliquando vixissent, quàm si ab aliquo Deo ficti essent, describere viderentur. Quo in genere princeps Xenophon, cum de Agesilao historiam institisset, faciliè eas omnes laudes quæ de præstantissimo principe dici possunt, vno libro complexus est. Et multis ante sæculis Homerus Vlysssem tot sapientiæ ornamentis præstantem facit, vt non tam ille natus, quod cæteris commune est, quàm summo deorum immortalium beneficio hominibus donatus esse videretur. Iam quis nostrum cum Virgilij libros diuinitus scriptos, in quibus semper Æneas exprimitur, legit, non

existimat Aeneam tantis illis virtutum insignibus ,
 quasi de schola summi Dei instructum ad rerum
 administrationem processisse? Vnde & apud Esaiã
 Dominus Cyrum superiorem, Messiam & vñtũ
 suum appellat, vt omnibus sit exploratũ, eos quo-
 rum temperatione principatus & imperia tenen-
 tur, nisi Dei suffragio & gratia in tãtum honorem
 non venire. Nam his, vt inquit sapientissimus ille
 „ Nestor apud Homerum , Ζὸς κῆδ' ἔδωκεν. Vnde
 & nonnulli rēges signis & prodigiis, priuatis ho-
 minibus pręstiterunt, & ea gellerunt ipsi, quę ad
 diuinitatem proximẽ accedērent. Nam & Vespā-
 sianus proconsul Syrię cũ tumultu militum Im-
 perator esset appellatus, homini cæco oculos, &
 leproso sanitatem restituisse fertur, cũ nusquam
 antea de se tale quicquã cõcepisset. Pyrrhũ quoq;
 Epirotarum regem historię narrant multos con-
 tactu sanauisse. Omitto multa de Christianissimis

Gallorũ regibus dicere, quę propter exem-
 plorũ multitudinẽ nobis sunt notio-

ra: ex quibus omnes ferẽ popu-

li in grauissimis morbis

fructus capiunt


diutur-

nos,



Honor debitus.

In disciplinam temporum.



*Fortis equa, ò quoties hederis victricibus v'sa,
Norat Olympiacis vincere carceribus.
Huic statua & tumulus post vltima fata
dicantur,*

*Et datur in manes debita palma suos.
Quin & honorata statuunt delubra Diana,
Quos posuit mundi ius dare cardinibus.*



NARRATIO PHILOSOPHICA.

VERVS fuit & plena religionis apud maiores beneficij referendi confuetudo, vt nō tātūm hominū memoriā qui præclarè & fortiter aliquid in republica gefiffent, monumentis & trophæis consecrarent: ſed bruta quoq; animātia, quorū vir tute reſ feliciter eſſet geſta, tumulo & ſtatuis honorarent. In quo Alexāder, mea ſentētia præſtitit cæteris, qui cum Bucephali equi ſui dexteritate multa bellidiscrimina ſuperaffet, illi mortuo exequias duxit, & tumultum poſuit, deq; eius nomine poſt Thebarū expugnationē, urbē edificauit. Et Plinius author eſt Agrigēti multas pyramides equis locatas eſſe. Par eſt enim eorū memoriā nō perire, quorū ſalus aut vtilis reipublicę fuit, aut cōiūcta certē publicę ſaluti. Iam & equo ſuo dictator Cæſar ſtatūā in æde Veneris genitricis fertur cōſecraſſe, humanis pedibus, qua forma ille fuerat: in quo tanta fuit ſagacitas, vt præter Cæſarē aliū ſeſſorē admiferit neminē. Glorioſa fanè res, & homine nō ingrato digna, per quos aut viceris, aut rem bene & nauiter feceris, eorū historiā & geſta meminiffē. Quo in genere Adriano Imperatori ſummo honoris fuit Plotina mortua, cuius gratia à Traiano fuerat adoptatus, nouē dies in veſte pulla inceſſiſſe, eiūſq; nomine pro memoria tātī beneficij tēplū dedicaſſe. Nā qui per equā euasit *δλυμπιονίκης*, & quibus per mulieres licet in ampliſſima dignitate & fortuna eſſe, parū memores & grati videātur, niſi illis gloriam etiā poſt aras cōmunicarint, quorū opera ad tantum honorem aut magiſtratū ſunt producti.

In nor



*In normam Lesbiam.
Bonus iudex.*



*Aspice ut in partes semper tornatilis omnes,
Se subiectam operi Lesbiam norma facit.
Intus saepe latet scripta sententia legis,
Qua solet in tota iudicis esse manu.
Hanc ille in varijs rerum variare figuris
Debet, non vnum semper idemque sequi.*

E iiiij



NARRATIO PHILOSOPHICA.

NORMAM Lesbiam non iniuria veteres cæteris prætulērunt, quod ea flexibilis & tenera quocūque duceres facile sequeretur, sequē ipsa operi cui adhiberetur, scitissimè accommodaret. Reliquæverò hoc ipso minus cōmendantur, quòd si forsan sint breuiores, neque ad iustam operis magnitudinem deduci, neque si longiores in angustum contrahi possint. Quod doctissimi homines ad eos qui iurisdictioni præessent pertinere crediderunt, vt hi in hominum controuersis explicandis se normæ Lesbiæ quàm cæterarum similes esse mallent, neque semper in omnibus litibus eundem teneret cursum, sed variè ex personis causisque statuerent. Nam si is esset forensium causarum status, vt cæ semper ad infinitum quoddam genus referri possent, esset certè in iudicando per facile summa illa capita sequentem nihil ostendere. Sed quia iis rerum & euentorum procellis obruimur, vt in tanta factorum varietate nihil prope alteri simile possit apparere, rationem habet, vt qui in munere iudicandi versantur, ad specierum diuersitatem animos suos accommodent. Semper enim iudicantium religioni moderatrix fuit factorum varietas, quique optimè iudicat is maxime omnium in diuersis opinationibus consi-

» dit. Nam nunquam in subselliis degentibus laudata est perpetua in vna sententia permanſio: sed

» vt corporum differentiis obsequi artis medicorum est, etiam si is sit morbus qui talem curationem non recipiat: sic plerunque & personæ & temporis

ris ratio expostulat, vt de constituto & perpetuo quodam iure decedamus, atque ea sequamur; quę remotis circumstantiis aliquid certę iniquitatis & iniustitię essent habitura. Itaque si qui sunt ex nostris, qui tantam industrię suę & studiorum fiducia habent, vt ius illud vniuersum tractatu & rerum varietate infinitum, primum in genera diducere, deinde in mēbra capere se possē prædicēt, vereor ne aut quod auribus inculcant nostris explere nequeant, aut magis oleo & palæstrę quàm foro & pugnæ inseruisse videantur. Quis enim adhuc ex nostris hominibus est inuentus, qui, etiam si ea omnia quę iurisconsultorum & magistrorum iuris monumentis continentur, memoria sit complexus, non tamen interdum in iudicando offendat aliquid tale, de quo adhuc nulla rogatio facta est? Cui tam feliciter omnia, quę vel ad maiestatem imperij, vel priuatorum cautionem pertinent, lecta, audita, disputata esse possunt, qui non aliquando in id genus necessitate incidat, quod maiores sui ne cogitatione quidem attigerunt? Quid igitur instrumenti & facultatis ad legum iurisquę disciplinam attulisse videatur, qui res tantas in summum quoddam genus coegerit, quarū scientia magis singularem notione quàm specierum distributione censeatur? Quod si quis vel industria sua, vel assiduo labore videatur esse consecutus, id tamen aliquando afferet dies, vt opinione posteritatis contractius rem totam conclusisse iudicetur. In quo adhibendi essent illi qui ex vmbraculis eruditorum, vsum legum ad pul-

uerem fori clamoremque perduxerunt. *Iis enim*
solis verè perspectum esse potest, quibus vinculis
rerum species inter sese colligantur, vt ad idem ge-
nus reuocari queant. Græculis autem hominibus,
& iis qui cum lucem illam fori ferre non possent,
rerum maximarum notitiam spatiis & deambula-
tionibus suis statuerunt, difficile factu est his de
rebus scientissimè iudicare. Neque enim plurimū
mirationis habet ea quæ summo studio foeris
meditatus, apud concionem de scripto recitare.
Sed is mihi videbitur hoc tam præclaro iuriscon-
sulti nomine dignus esse, qui de quæstione quæ-
cunque sit proposita, secundum leges, instituta
maiorū & ciuitatis iura illuminatè possit respon-
dere. Qui si ius ciuile ad artem & præcepta
seredacturum prædicet, plurimū cer-
tè apud me & fidei & autho-
ritatis sit habi-
turus.



*Ad fontem Dodonæ.
In sibi præfidentes.*



*Fons in Dodonæ est regi sacratus Olympi,
Qui solet extinctas igne ciere faces,
Accensaq; etiam flammæ extinguerè tedæ.
Hæc est diuina regulæ iustitiæ.
Nam fastu elatos cliuū deturbat in imum,
Et primos illis denegat accubitus:
Sed quos subtenui nutrit Rhamnusia tecto,
Hos pleno cornu copia Diâ iuuat.*



FONTEM Ioui sacrum in Dodona fuisse prodidit antiquitas, qui mea quidem sententia & naturæ ductum, & totius orbis miracula superavit. Nam in eo hanc vim & virtutem fuisse accepimus, ut faces extinctas accenderet, & nihilominus si accensæ admoueretur, restingeret. Quod si verum non est, ideo à poetis qui quondam res gestas ad fabularum inuolucra traduxerunt, effectum esse possumus suspicari, ut Deum optimum maximum, quem & Hebræi divinitatis appellatione *IOVA*, & Christiana etiam scripta vitæ fontem dixerunt, nobis velut coloribus suis depingerent. Ea enim est Domini erga humanum genus sacris literis testata conditio, ut homines rerum felicitate, & fortuna secunda exultantes, adversa ægritudine, suorum orbitate & rei familiaris iactura coerceat, & tantum illum splendorem, quo se æqualibus suis semper præluxisse existimabant, quasi vim flammæ, aquæ multitudine opprimat. Cum iis verò quibus inest æquabilitas in omni vita, & idem semper vultus; quique in rebus depressis animo non franguntur, neque ea expetunt fortunæ adiumenta, in quibus omnia sunt impotentibus & ignavis viris, benignè & liberaliter agit Dominus, & sapientissime ex summa generis obsecritate ad omnia magna euehit, ut facile cæterorum luminibus obstruant. Et quemadmodum scite à maioribus laus sequi fugientem dicta est, & sequentem fugere: ita processus rerum maximarum plerunque ab iis quorum ambitionis labore

bore vita retinetur, longo interuallo abest: illos vero sæpe consequitur, qui nihil vnquam tale animo conceperunt. Qui enim ita sunt affecti, vt & modico & suo contenti sint, & pauca pateant in eorum vita quæ fortuna feriat, iis si aliquid paulò fortunatius acciderit, rem totam domino acceptam ferunt, & tam putant sibi velut contigisse de lucro. At qui opum cupiditate incredibili sunt incensi, neque vllum de pecuniis cogitandi tempus intermittunt, si qua in re illorum expectationi fortuna responderit, beneficium illud ascribunt diligentiae suæ: & plerunque rerum prosperarum successu tam fiunt insolentes, vt multa sibi Deum optimum maximum reliquari putent. Et grauissima sanè sententia apud Eſaiam dominus Assyriorum regem increpauit, quòd rerum gestarum magnitudinem, & præstantissimas victorias priuatis laudum suarum rationibus referret, & quasi hæreditatem gloriæ Dei, & præclarum illud conferendæ victoriæ patrimonium, quod semper diuino numini veteres sapientes tribuebant, expilaret. Alio loco etiam regi Babylonis Nabuchodonosor res non modo aduersas, sed planè euerſas prædicit, quòd direpta regia vrbe Ierusalem sibi nimium præfideret, neque in tanta fortunæ felicitate, & imperatoriis manubiis autorem Deum citauisset. Itaque mirari desino regnorum euerſiones, imperia deleta, conuassatas prouincias, exercituum clades, & mirabiles fortunæ casus, qui patrum nostrorum memoria in summis principatibus contigerunt. Quod enim tribus Israel, & Iudæorum populo,
si se

si se à domino volūtate abduxissent, per Mosen & Prophetas euenturum prædictum est, id etiam reliquis omnibus populis præsignificatum esse possumus affirmare. Nam quo animo & qua propensitate Dominum erga eam gentem esse oportuit, quæ religionem suam omni scelere funestarat, & conuentus illos iure sociatos, quæ ciuitates appellantur, intestinis cædibus macularat? Quis ergo cū tot in Asia & Europa florentissima regna direpta, & Christianos iis sedibus pulsos, quas maiorum suorum armis & virtute hæreditarias acceperant, cogitatione complectitur, non existimat eos quibuscum tam crudeliter & seuerè actum est, iustas scelerum suorum domino pœnas persoluisse. Malè enim se res habet, cum ij qui plenioribus officiis à Deo sunt ornati, tantæ liberalitatis immemores minus sibi præstitum putant. Ex quo fit vt rebus turbulentissimis, & iam calamitate pressi, serius aliquando ea sapiant, quæ in summa copia longè antè potuissent præuidere.



In Rhododaphnem.
Scriptura sacra gladius anceps.



Nobilis aspectu foliôq; virens Rhododaphne,
 Dicitur agrotis esse medela viris:
 Tollit & humano conceptum in pectore virus,
 Et lassis adfert artubus antidotum:
 Bruta tamen folijs animata extinguit eisdem.
 Hac sunt scriptura non aliena sacra.
 Illa pios recta cœli deducit in axem,
 Sed nigrum reprobis addere Theta solet.
 Et licet hac toto nil sit præstantius orbe:
 In latum errorem noxia corda trahit.

Nihil est vel præstantius vel melius à Deo optimo maximo hominibus datum, quàm ea disciplina quæ quondam per Mosen & Prophetas tradita, nuper etiam per Messiam domini renouata, tandem ad nos ipsos peruenit. Neque verò Ptolemæus Philadelphus eam bibliothecam, quam tot millibus voluminum instructissimam faciebat, magis honorari posse existimauit, quàm librorum Mosis & Prophetarum accessione. Nam cum Eleazaro principe sacerdotum summa contentione per legatos egit, ut nonnullos legis peritissimos in Ægyptum mitteret, qui libros illos ex Hebræo in Græcum traducerent. Quod cum impetrasset, quanquam nulla religionis societate ad Iudæos pertineret, non minus tamen ex eo ad nationem suam dignitatis & splendoris, quàm ad bibliothecam ornamenti accessisse iudicauit. Iam & nonnulli Hebræorum tradiderunt nulla re magis terrarum orbem vnquam decoratum esse, quàm illo ipso die quo Salomon Ierosolymorum rex Canticum Canticorum populo descriptum & recognitum fecit. Quæ cum ita sint, miretur opinor quispian illo sacrarum literarum instrumento potuisse aliquos in offensionem deduci. Sed ut rhodaphne herba hominibus contra venena prodest, & mirifice in curationibus commendatur, bruta autem animantia omnino delet & perimit: sic literæ illæ sacræ viros bonos ad virtutem alacriores faciunt, & ab animis bene informatis ægrotationes depellunt: flagitiosos autem & omni scelere impios

ros in salutis periculum vocant, & opinionibus deprauatis omnino labefactant. Nam si volumus vel ab ipsis nascentis Ecclesiæ cunabulis hæreticorum memoriam replicare, nullum ex tam multis reperire possis, qui non sceleratum dogma suum aliquo Euangelij loco firmauerit. Et Mahumetes quidem ipse, quamuis legem mirè cum Euangelica nostra pugnantem suis descripserit, nonnulla tamen ex Euangelio ad impuritates & flagitia sua reuocauit, & nefarium dogma suum etiam Euangelico diplomate adiuuare conatus est. Itaque nō abs re illud est quod Aristo Chius dicebat, nocere „ audientibus philosophos, iis qui bene & sapien- „ ter dicta male interpretarentur. Quid enim tam „ sanctè aut præclarè dici potest, quod nefariorū hominum scelere non deformetur? Quòd si cui nihil magis in vita propositum est, quàm vt se acerrimum veritatis defensorem esse velit, & sapientū iudicio magis quàm suo in illis scriptis versetur, verendum non est ne non ex earum literarū vsu fructus pietatis capiat sempiternos. Si enim veritatis simplex est via, videatur mea sententia desipere, qui eam ad disputationum laqueos tanquam in aliquod verborum pistrinum compegerit. Sed tamen quis Euāgelica nostra, quamuis nudè scripta legens, non impensè diuinitatis & rerum maximarum cogitatione retinetur? Neq; enim quicquam lucis ad veri peruestigationem verborū faces afferunt: neque in rebus magnis pertractādis orationis impetus iuuat, nisi quo primū quæstionis

genere institeris, in eo postremum velis perorare.
» Ac profecto ad nos optimi maximi Dei vox est
» profecta, non ut linguas, sed mentes faceret erudi
» tas. Non igitur sperandum est, ut illis sacrarum li
terarum lectio fructuosa esse possit, qui, si quæ
de religione controuersia inciderit, ad
interpunctiones & verborum no
tas tanquam ad aram
confugiunt.






*In Lamachum ducem.
Seueritas in bello.*



*Lamachus in bello seuius, versansque secures,
Militibus veniam denegat ille reis.
In castris nulli sit fas peccare secundo:
Exitium praesens vnica noxa trahit.*

F ij




N VLLA re magis imperij & potētissimi principatus maiestatem retineri posse maiores censuerunt, quàm rei militaris disciplina: quam qui in castris violasset, iussu Imperatoris capitali pœna plectebatur. Nam & Lamachus iis qui vel leuissimè in bello offendissent, vltimum supplicium constituit, neque castrorum dignitati consentaneum esse duxit, si miles secundum deliquisset. Quis enim noxam condonandam putet, quæ sapissimè totius imperij clades & ruina continetur? Semper autem veteribus Romanis antiquior castrorum disciplina, quàm sanguinis & coniunctionis fuit: multiq̃ue apud eos sunt inuenti, qui vt ius illud militiæ sanctius tuerentur, ne propriis quidem filiis pepercerunt. Nam & Brutus is qui primus consul factus est, filios suos consiliis reipublicæ aduersantes cæcidit, & præclarissimum ciuium suis monumentum reliquit, retinendæ in bello seueritatis. Durius etiam Torquatus, qui filiū inspectante exercitu securi percussit, quòd certissimæ victoriæ spe iniecta, contra edictum suum signa cum hoste contulisset. qui etsi feliciter dimicasset, factum tamen illud propter exemplum patris notandum existimauit. Semper enim capitale fuit iniussu Imperatoris hostem laceßere. quod qui fecerit, etiam si feliciter & prosperè rem gerat, temeritatis tamen sit arguendus. Atque vtinam iis quos cælestis militiæ milites Iuriconsulti nominârunt, Lamachos duces haberemus: non quòd tanta inter Christianos optanda

da sit feueritas: sed vt omnibus sit exploratum, nō minus in illa vrba, quàm in armata militia iustitiam, cæteraquæ æqui & boni officia coli debere. Quòd si Ethnici in castris iterum peccare pro nefario scelere habuerunt, quod nos sacrum commissum eorum iudicabimus, qui ad militiam Dei publico stipendio cōducti, & velut oratores ex Euāgelicæ legis commentariis dati, pro peccatis populi placabilitatem à Domino deprecantur. Mea certe semper ratio fuit, vt bellissimè cum iis qui aliquo in officio degunt, actum esse existimem, si vel ex prima noxa loco suo & dignitate moueantur. Etsi enim vel humana mortalitas, vel etiam clementia ipsa, quæ maximè Christianos decet, veniæ locum sit factura: id tamen dignitati & honori quem gerunt tribuendum est, vt nunquam in magistratu toleretur, qui illum aliquo flagitio polluerit: Ex quo opinor illud descendit, quod in Canonibus constitutum est, hominem qui eam quam putabat virginem, cum tamē esset corrupta, duxerit, illa è viuis erepta non posse sacris ordinibus auspicari. quod non aliquo illius flagitio receptū esse possumus interpretari: cū ignorans, neque delinquere, neque iure suo potuerit excludi: sed id affert sacerdotij dignitas, cui nisi omni perfecti & virtutis genere cumulati initia
ri ex lege prohibentur.

Antronius asinus.

Animi vires corporis viribus præstare.



Quæ stupidum spectas mirâdo corpore onagrū,
 Venit ab Antronis bellua tarda solo:
 Huic caput immêsum, moles quoq; corporis ingēs
 Prædita sed nullo est machina tanta sale.
 Quid præstât passis immania robora membris,
 Si caret eximijs dotibus ingenium?

APVD omnes fere populos robore & corporis forma præstare, semper in laude positum est: Persæque quia eos qui nasum aquilinum haberent, specie egregios esse existimabant, nusquam aliquem in regnum admiserunt, nisi qui ea forma præditus esset. Et in sacris literis Moses forma præstantissimus perhibetur, quasi ad tantas illius laudes, quibus faciliè reliquis præluxit, hac etiam nota fieret accessio. Cùm enim in aliquo corporis partes apta compositione membrorum magno cum lepore consentiunt, ea certe res intuentium approbationem mouet: vnde euenit, vt qui se ad scribendas summorum virorum historias applicauerunt, pulchritudinem corporis oratione attingant, quòd eam rem etiam in homine laudàdo valere putent. Quod opinor cum ratione dicitur, si aptæ illi membrorum compositioni mores non aduersentur. Pessimè enim se res habet, cum in pulcherrimo corpore animi forma non elucet. Vnde præclara illa de Nestore apud Homerum Agamemnonis vox:

Αἰγὰρ Ζεὺς τε πατήρ καὶ Ἀθηναίη καὶ Ἀπόλλων
 Τοιοῦτοι δὲ καὶ μοι συμφράδμονες εἴεν Ἀχαιῶν

Vtinam, inquit, ò Iuppiter pater, & Pallas & Apollo, tales mihi decem consiliarij essent Achiuorum: neque enim Aiaces decem corporis viribus præstantes sibi dari cupiebat, sed Nestori similes decem: qui quanquam tum esset affecta iam ætate, tamen reliquorum vires & lacertos animi

vi præstantissimi regis testimonio superabat. Darius quoque se malle Zopyrum vnũ habere, quàm centum Babylonas capere prædicabat : neq; enim quondam fortissimi illi Imperatores magis armata vi, & validissimis copiis, quàm animi consilio præclarissimas victorias domum retulerunt. Vnde Fabius Maximus Annibalem Romanorum aris focusque imminentem patientia fregit, quem tamẽ alij summis exercitibus non domuerat. Qui autem ex eo numero sunt quos antiquitas Iouis filios appellauit: qui que robore & corporis habitu excellentes habentur, neque tamen quicquam tatarum virium expectatione dignum audent, hos verius Antrionios asinos quàm homines appellamus.



In libram Critolai.

Nihil virtute melius, nihil præstātius.



*Desine Tartareis animum oblectare metallis,
Nec refer in trutinam quicquid Erytra
parit,*

*Et prensatorum stulti damnentur honores,
Et iaceat nostris ambitus ipse focus:
Sola sit in pretio virtus, qua pondere iusto
Critolai in librac ætera sola trahit.*

F v

NARRATIO PHILOSOPHICA.

C R I T O L A V S nobilis Peripateticæ sectæ philosophus, cū Aristotelis sententiæ doctrinæque successisset, quæ ex tribus bonis summam hominis felicitatem constare affirmabat, sic tamē rem totam à Stoicorum opinionibus magnopere discrepantē temperauit, vt animi bonum ex vna libræ parte collocaret, reliqua autem corporis & fortunæ bona in aliam coniiceret. Cū autem libram in altum sustulisset, ea pars quæ virtutem, hoc est animi bonum contineret, tanto erat altera depressior, vt suo pondere facilè terras & maria subleuaret. Ex quo, opinione bene iudicantium consensus inter Stoicos & Peripateticos efficitur.

» Etsi enim Stoici, virtutem ipsam suis præsiidiis ad
 » bene beatæque viuendum contentam esse putauerint, nonnihil tamen corporis & fortunæ bonis, quæ præposita aut producta appellabant, tribuerunt. ea enim si homini adsint, virtutem ipsam efficiunt pleniorē. Nam neque fortitudinis laus sine corporis bonis probè elucere potest, neque liberalitatis officia aptè retineri, nisi fortunæ bona suppeditent. Peripatetici verò quanquam tribus bonis felicitatem concluderent, virtuti tamen reliqua corporis & fortunæ bona proxima, sed longo interuallo proxima statuerunt: quod in illis insit aliquid, quod sine virtutis comparatione spectare possis. Nam ea si ad honesti præstantissimas actiones referas, neque secundo, neque tertio loco consistere videantur: Quod si nihil dignū laude
 » iudicari debet, nisi quod est perpetuum, non sit
 certe

certè vero consentaneum, ea in laudandis & valde
appetendis ponere, quæ temporis diuturnitas, vie
ta & caduca sit effectura. Et imperia quidè cedūt,
& regna, & principatuum splendor obscuratur: „
at illud vnum remanet, quod virtute & honesta- „
tis actionibus perfeceris. Quòd si tam virtus om- „
nibus rebus præstat, vt non tantùm eos æternos „
efficiat in quibus inest, sed & ipsa sit sempiterna, „
quis non lubens dimicationem omnem pro il-

lius ornamentis suscipere sit paratus, vt ei
omnibus modis inseruiat, quæ non
modo sibi viuonō eripietur,
sed ne mortuo
quidem?



*In Herculem adhuc iuuenem.
Inuentus virtuti initianda.*



*Dum vitā primū ingreditur Tyntius heros,
Valde animi pendens constitit in trivio,
Hic via se partes coram findebat in ambas,
Quæ dubij excruciant fortis corda ducis:
Vna voluptatis longo latissima calle,
Alter a virtutis margine clausa breui.
Sed pius Alcides nulli virtute secundus,
Arctum virtutis se dedit in gremium.
Scilicet hac ista est ineuntis semita vitæ:
Nam virtus hominem sola beare potest.*

NARRATIO PHILOSOPHICA.

HERCULEM cū primū pubesceret, narrat Xenophon in solitudine exiisse, atque ibi sedentem secum diu multumque dubitasse, cum duæ illi in oculis viæ versarentur: vna virtutis, altera voluptatis, vtram ingredi sibi magis expediret. Is vt erat ad omnia summa natus, nullis deliciarum & oblectamentorum illecebris ab illa malorum omnium esca voluptate affici potuit: tamque ille imperauit sibi, vt in omni officio ducem virtutem sequeretur: cuius adiumentis instructissimus, fortiter & maxima cum gloria etiam vsque ad plaudite actum illum vitæ confecit. Nam pessimis monstris quibus itinera tenebantur, terrarum orbem perpurgauit, tantumque domesticis victoriis gloriæ meruit, vt & ἀλεξίκανΘ dicetur, & in numerum deorum quos in cælum merita euocauerant, referretur. Posteritas enim beneficiorum memor, iis qui rerum gestarum splendore fuissent clari, semper hoc iudicij & beneuolentiæ tribuit, vt illis definitum in cælo locum esse existimaret, vbi beati æterno quo cū diis immortalibus fruerentur. Quod igitur Herculi adhuc puer Xenophō cōtigisse scribit, id etiā adolēscētes omnes in se possūt experiri, vt ineūte ætate consulto deliberent, quos se & quales in posterum esse velint. Quæ deliberatio etsi pueris difficilis est, res tamen facilē explicabitur, si se potissimum ad id vitæ genus contulerint, in quo virtus maximè eluceat: quod iis opinor non arduum fuerit, quibus virtutis gloria à patribus in hæreditatē

tatem relinqui solet. Natura enim accidit, vt in eo filij se maximè exerceant, quod patres impēsē ad-amarint. Quibus autem tantum beneficium fortuna non concessit, quia ex domo non habēt quorum facta & dicta cum laude ne meminissē quidem possint, externas familias in consilium adhibeant, & eos ipsi sequantur, qui cum præclara illa ciuitatum gubernatrice virtute, æternam sibi gloriam pepererunt. Quis enim tā vulgi aut suorum opinionibus obruitur, cui non species illa honestatis qualibet voluptate magis eniteat? Et certè qui ita se gerunt, vt eos vel peccare delectet, etiam si nō sit causa, facile tamen primas dignitati tribuunt, & suis ipsi iniuriis miserimè cruciantur.

Ad Salamandram.

In milites.



*Imbrifer autumnus vitales addidit auras,
 Temperies fecit te Salamandra mori.
 Captat opes miles tunc cum furialis Enio
 Evocat emeritos ad fera bella duces:
 Quòd si percussa iurentur sædera porca,
 Pauper in exigua deficit ille domo.*

NARRATIO PHILOSOPHICA.

SALAMANDRAM inter cætera animantia duæ
 Spotissimum res mirabilem reddiderunt: vna
 eaque omnibus ferè nota, quòd contra naturæ
 ordinem in igne aliquo tempore sine iniuria de-
 gat, & in mediis flammis spirabilè animū ducat.
 Altera quòd nisi summa tempestate & maximis
 imbris in vitam ingreditur: verni autē tēporis
 serenitate deficiat. Cui appositè similes videri pos-
 sint ij, qui militiæ sacramento obstricti sub ali-
 quo imperatore stipendiā faciunt. Nam simul-
 atque aliquis nouus motus classicum canere cœ-
 pit, homines illi studio pugnae aut praeda ex vm-
 braculis suis in clamorem, in solem, in castra erū-
 punt; atque in summa cæterorum calamitate &
 turbulentissimis reipublicæ temporibus, soli
 rem, soli quæstum faciunt: & quasi ex longa ali-
 qua ægritudine ad aspiciendam lucem euocati,
 pristinam inedia solantur, vt propemodum so-
 lis illis in patriæ luctu & orbitate fortunatissi-
 mis esse liceat. Fortunas curialium suorum diri-
 piunt, patrimonia egentium euertunt, sibi vi-
 uunt, agros depopulant, vrbes incendio, ci-
 ues cæde, fundos lasciuiā infestant: & quod lon-
 gè miserrimum est, maiore aliquando homi-
 nes suos quàm hostes damno afficiunt. Quòd
 si confecto bello prospera aliqua fortuna otium
 pacemque inuexerit, videas homines se sibi pro-
 pemodum immutatos in summa paupertate iace-
 re, & quod cæteris vberimos commodorum &
 quiet

quietis fructus affert, id illis & perniciosum, & inimicū est. Neque tamen velim eorum vtilitates imminuere, qui pericula & hostium offensiones à patrię ceruicibus depellūt, & corporibus suis aditum inimicis intercludunt, quosque maiorū memoria ius ciuile tot beneficiis honorauit. Sed monendi sunt polemarchi, & ij quos leges præpositos vocant, vt cohortes suas rapinis & vi prohibeant, neque eas in amicorum & sociorum agros excurrere patiantur. Nam si tanta fuit apud veteres in re militari religio, vt cum hoste dimicare fas esse non putarent, nisi prius Paterpatratus bellum indixisset: cum his iustum bellum susceptum possit videri, qui & in fide sunt, quibusque nullū bellū indixeris? nisi frustra in bellis cautiones equitatis perscribuntur, quibus promulgatis, vt ait Ennius,

Tollitur è medio sapientia, vigeritur res.

G

NARRATIO PHILOSOPHICA.

Moses & legum descriptione, & exercitus summi, quem à Domino acceperat moderatione omnium facile princeps, infinitas propemodum de sacrificiorum ritibus & sacerdotum officio cautiones libro vno est complexus. Et quamquam eos quos sacris obeundis præficiebat, omni virtutis & honesti forma ex sententia summi Dei excellere debere statueret, nullum tamen de celibatu eorum quos לויים & כהנים scriptura appellat, capitulum promulgauit. Iam & multis post sæculis Iesus, ex legis illius commentario se Messiam gerens, licet authoratos suos ad nouum quoddam perfecti genus traduceret, partem tamen illam ne attigit quidem. Et Apostoli qui eum in sermonibus audierant, & cæteri etiam qui post eam vocatu Domini illorum disciplinam se adiunxerunt, quanquam omnem pro ornamentis legis dimicationem susciperent, neque quicquam illis de esse videretur, quod cum virtutis actionibus coniunctum esset, nihil tamen in eo genere edixerunt. Qua in disciplina & posteri qui se ad eandem religionem contulerant, longo tempore usque ad concilium Nicenum sine controuersia constituerunt. Quod cum ex omnibus nationibus episcopi frequentes conuenissent, visum est & clericorum muneri maximè consentaneum, & à dignitate concilij non abhorrens, si nouo exemplo de celibatu sacerdotum ad conciliū referretur. Cumque omnibus ferè sententias rogatis, eò iam propendere couentus videretur, ut celibatū in Ecclesiā indu-

ceret, inuentus est Phanutius quidam, qui gra-
uissima sententia dicta à concilio impetrauit, vt
ea res singulorum voluntati donaretur. neque
enim existimabat eorum pietatem, qui etiam si
id statutum non sit, præstare essent parati, lege la-
ta minuendam: illos autē quos ad id incitari pos-
se diffidebat, cogi fas esse non arbitrabatur. Cuius
sententiæ tantum valuit authoritas, vt eo consilio
in clerum nihil noui sit constitutum. Pòst verò se-
dente Calisto pontifice, cùm quodammodo à
præstantia & ordine cleri alienum esse videretur,
non aliqua perfecti significatione sacrificos homi-
nes prophanis prælucere, flagitante occidentali
Ecclesia de cælibatu sacerdotum nouum decre-
tum perscriptum est: quod etsi sacerdotibus Græ-
cis non placuisset, tamen ad hæc vsque tempora
nostri homines constans & perpetuum esse volue-
runt. Cui licet præstantes viri & pontificiæ liber-
tatis acerrimi vindices sint aduersati, optandum
est tamen vt qui id vitæ genus arripuerunt, in eo
piè & sanctè versentur, neque tantæ pietatis sci-
tum, sordibus & illa imitatrice boni voluptate
adulterent. Quid enim in sacerdotio tam splendi-
dum aut tam præclarum esse potest, quod istis sor-
dibus non obscuretur? Iam qui primi continentiæ
legem in ecclesiam inuexerunt, eò potissimum
spectabant, vt clericos suos rerum diuinarum imi-
tatione Deo propiores facerent. Qui autem pu-
blicis stupris sacerdotia dehonestant sua, non vi-
deo in quo concilij sententiam assequi possint.
Quòd si matrimonij negotiis implicari, & ordi-
ni, &

ni & maiestati clericorum conueniens non est,
 non erit opinor ferendum, tantam dignitatem in
 luce omnium nefario scelere deformatam iacere.
 sunt enim homines qui in rebus contrariis parum
 sibi constant, matrimonium seuerissimè fugiant,
 in omnibus autem voluptatibus & stupris videā-
 tur molliores. Ac sane non est consentaneum ali-
 quos esse, qui quæ in aliorum facultate sunt po-
 sita, sibi licere nolint: quæ verò sunt & flagitiosa
 & vetita sibi omnino concedant. Itaque monen-
 di sunt ij quibus Ecclesiæ dignitas & salus peri-
 cunda esse debet, vt eos clericos qui de concubi-
 natu & aliis sceleribus rei peragentur, quia virtu-
 tis specie in officio retinere nequeunt, legum se-
 ueritate à noxis reprimant, & pœna conciliorum
 coërceant. Absurdum est enim, vt qui vulgo & le-
 uiter doctis in exemplum sunt positi, illis peccan-
 di illecebram afferant. Quòd si olim quæ Vestē sa-
 cerdotes nominabantur, si qua illis violatæ pud-
 citiæ labe inuri posset, tantas pontifici maximo
 pœnas dabant, vt viuæ in terra ex lege defoderē-
 tur: quæ iis afferri poterit iniusta nex qui Dei sum-
 mi & æterni sacerdotes dicti, contra Euan-
 gelica præcepta, maiorum instituta, &
 disciplinam temporū sacra sua
 nomine impudicitiae cō-
 scelerato labe-
 factant?



Ad statuam Bacchi.

In πολυσάρχης iudices, pretio positos.



Bacche pater, iudex apiana insignis in vna,
 Patrios inter dinumerate senes:
 Disce coronariis modicè crateribus uti,
 Non est in multo mens bene docta mero.



A L I V D.

Pampineis Lenæ pater redimite corollis,
 Fascia cui longum cingit odora caput:
 Cui philira intexta præcingunt tempora vitta,
 Inficit & rubeas vna Falerna genas:
 Cuique graui exundat pēdēs abdomine vter,
 Iurēque latitia dixeris esse dator:
 Qua te adlegerunt nostris suffragia vōstris?
 Qua tibi in orchestra fata dedere locum?
 Qua vota in nostrum te conscripsere senatum?
 Vnde tibi latus clauus, & vnde toga?
 Te iurata latent sancti consulta senatus,
 Te legum & iuris pagina sacra fugit:
 Quid distent nōsti cellis Chia vna Falernis,
 Ergo tibi vita sit status ille tua.
 An te patritium regina pecunia fecit?
 Illa magistratus vna creare potest:
 Nostra quoque ignauis subsellia cōplet onagris,
 Et queritur populus iura deesse sibi.
 Ecce igitur stomachans rubricā tendit Apelles,
 Ne sutor soleas egrediare tuas.

G iiij

nistracione diligenter colant, quæ si fuissent obser-
uata, in magistratu illo nunquam essent designa-
ti? Neque verò in litibus finiendis ius consiliariũ
coguntur adhibere, in quo illi nihil operæ & labo-
ris posuerunt. Si enim antiquitus antequam vllæ
populis leges essent descriptæ, qui sententias fe-
rebant, bene ad æquitatem, & ad litigantium leua-
tionem appositè putantur iudicasse, cur non isti
homines principem illam naturæ legem
sequentes, optimè rem quæcunque
in quæstionem cadet pote-
runt expli-
care?

G v



In rabulus & operarios lingua celer.

Parcè & ad clepsydram loquendum.



*Oranti clepsydra modum praescribit, & hora
Declamatorem fixa tacere iubet:
Sedula ponatur celeris custodia linguae,
Sape loqui nocuit, sed tacuisse iuvat.*

PROCLAMATORES & rabulæ de foro quos *λογολαυδάρις*, & artifices sermonis Plato vocat, plurimum se facultatis ad iudicia afferre putant sicut causas quæ ab æquitatis rationibus longè sunt positæ, verborum vel inanium strepitu, & quodam quasi sono apud iudices tueantur. In quo non vident homines veteratores id natura partum esse, ut quod res aliqua à veritate & æquo & bono longiùs absit, hoc dicendo & eloquendo magis sordeat & inquinetur. Quis enim verborum impetus, quis splendor orationis tantus esse potest (nisi penitus apud homines insipientissimos sit dicendum) qui iniustitiam ad præsidium æquitatis deducere, aut impurum aliquod facinus adumbratione honestatis possit prætexere? Vnde & vetus mos ille fuit ad clepsydram declamandi, ne longius extra pensum munusque suum oratores excurrerent. Quo in genere qui offendissent, pœna pro sedentis arbitratu multabantur. Ex quo & illud profectum est, bos,, super linguam. Iam verò, ut Cicero author est,, ætate sua amplissimus ille ordo iudicum tantum apud exterarum nationes, ob iudiciorum corruptelam invidiæ contraxerat, ut ei qui eloquentissimum & fortem ad resistendum oratorem, aut etiam pecuniæ subsidia maxima haberet, causa caderenon liceret. Itaque referente Pompeio lex lata est, ut is cui ad agendum potestas facta esset, ternis horis

horis causam peroraret. Nā si veritas vna in iudiciis dominari debet, amputanda est illa verborum luxuries, quæ se magis & magis profundit. Et profecto præclarissimū fortitudinis & libertatis testimonium ab omnibus Græcis Vlyssi redditum est, quod Therfitem in concione liberius agentem, & quasdam veluti verborum faces Agamemnoni admouentem dicendo repressisset, & hominis importunissimi loquacitatem præsentī iracundia retardasset,

μὴ δ' ἔτι, inquit ille apud Homerū , τηλεμάχοιο πά- ”

της κεκλημένος εἶμυ

Εἰ μὴ ἐγὼ σε λάβωμ, ἐπὶ μὲρ φίλα εἰμᾶ' αὖ δύσω ”

Χλαινάντ' ἠδὲ χιτῶνα, τὰ τε αἰδῶ ἀμφικαλύπτει ”

Αὐτὸρ δὲ κλαίοντα θοὰς ἐπὶ νῆας ἀφίσω ”

Πεπληγὼς ἀγῶρῃ θερ' ἀεικέσσι πωλὶ γῆσιν. ”

Neque enim ferendi sunt illi qui ex conuiciandi licentia, & flumine orationis in causis agendis gratiam & momenta aucupantur, aut cum causæ suæ iudices parum propitios senserint, dicendo diem eximunt.



*In simulachrum deæ Ageniore.
Silentium.*



*Qui nequis indomita præbere repagula lingue
Et futilem multo scommate vincis animum,
Quique tui demens prodixit consulta senatus,
Si sapias à nostra disce tacere dea.*

NARRATIO PHILOSOPHICA.

A GENIORAM silentij deam veteres summa obseruantia in templis suis coluerunt. illam enim rerum celandarum gloriam tantæ dignationis esse sunt arbitrati, vt eam numinis alicuius præsidio & tutela consecrarent. Quo in genere tanta in Pythagora valuit religio, vt discipulos suos potius tacere quàm loqui doceret: neque quenquam pro discipulo agnosceret, nisi qui quinquennium tacuisset. Quis enim probè loqui potest nisi diu multumque siluerit? Vnde & extat

» vetus illud, semper esse tacendum nisi cum taci-
 » turnitas nocet. Et Cneus Pompeius cum piratico
 bello à Gëtio rege interceptus, secreta populi Ro-
 maniproferre iuberetur, digito ardenti lucernæ
 » admoto constantissimè renuit, inquiens, se potius
 » eiusmodi cruciatu vitam, quam senatus secreta
 » profusurum. Metellus quoque tam sanctè laudem
 illam coluit, vt se non dubitanter vestem incensu-
 rum affirmaret, si eam suorum consiliorum parti-
 cipem esse posset suspicari. Iam & Romani, iuue-
 nes suffragio & senatus ingressu prohibuerunt,
 quòd ætas illa ad detegenda senatus acta inuita-
 re videretur. Quo magis nōnullos miror qui apud
 nos consiliorum in republica socij amplissimas
 dignitates gerunt, iusiurandum illud quod magi-
 stratum suum primùm ineuntes præstiterunt, tam
 parui facere, vt ei parti cui officiosi esse volunt,
 collegarum sententias & senatus propensitatem
 renuntient. Quod etsi decretis principalibus satis
 prohibitum est, eo tamen est detestabilius quòd is
 cuius


cuius res agitur de senatus voluntate certior factus, id contendit, vt eos quos sibi in eo ordine aduersantes cognouerit, de sententia deducat, & quacunque ratione causæ adiungat suæ: qui si nulum tot precibus & concursationi suæ locum relictum esse videt, illos pecunia & gratia non desinit oppugnare. Inquo admonendi sunt, ne priuatas necessitudines & amicitias senatus grauitati, dignitati ordinis & iudicandi religioni anteponāt: néve committant, vt eos quibus hoc officij præstiterunt, aliquando facti sui insectatores habeant.





Dorica musa.

In iudices *Δωροπάρης*, quibus plus placent
libelli ferentarij quàm supplices.



*Sicupis esse fabas, populo suffragia vendens,
Et si solatibi Dorica musa placet:
Iam procul à nostro demens abscede senatu,
Non sunt natura commoda rostra tua.
Quì poterit recto sententia cedere talo,
Alter si dederit sercula multa cliens?*



NARRATIO PHILOSOPHICA.

QUEMADMODVM ex fœminarum genere quasdam prodidit vetustas manus habere oculatas, neque quicquam credere, nisi quod & videant & pertingant: ita certè quoddam est hominum genus, cui iustiùs natura oculos in manibus quàm in fronte locauisset. Iis tanta est in tactu sagacitas, vt nisi eo sensu moueantur nunquam. Hos Homerus antiquissimus poeta *Δωροβόλους* vocat, quòd in summis magistratibus obeùdis & passim, & omnia, & ab omnibus acciperent, & facile quo se cunque verteret pecunia sequerentur. Qui igitur ita se gerunt vt & religionem, fidemque suà & quod in dignitatibus elucet maximè, cupiditate sua abducant ad mercedem, cumulatius opinor rem fecissent si se vel argentariæ, vel mercaturæ quò eorum natura propensitate quadam ferebatur, dedidissent. Nam quid eum ex iis artibus quæ fructuosæ esse solent, sperare oportebat, qui ex re à lucro & commodis separata vtilitatem & fructum capit? Sed tamen tanta est in nonnullis hominibus cupiditatis sitis, tanta in facienda pecunia incitatio, vt illos nulla res sine lucro effugiat. In gerenda republica priuatis commodis inseruiunt, sacras illationes fœnerantur, pupilli opes & pecuniam ad domesticam rationem & vsuram conferunt, Ecclesiastici patrimonij reliqua calendario suo ascribunt, denique ita viuunt vt nullam vitam sine lucro esse existiment. Quibus musa Doricà probatur solùm, ad cæterorum autem modorum concentum aures omnino illis obsurduerunt. Et

quemadmodum Vespasianus etiam ex lotio v-
ctigal non recusauit, ita illi ex hominum facinori-
bus & turpitudine dona accipiunt, neque quic-
quam sordidum esse putant, si modo vtilitatem
habeat. Bene igitur maiores, qui vt à publicis mu-
neribus cupiditatem remouerent, contra eos ma-
gistratus qui in minimam auaritiæ suspiciōē ve-
nissent, grauissimas quæstiones habuerunt: nefas
esse iudicantes, illos quorum descriptione popu-
lus & melior & locupletior fieri deberet, popula-
rium fortunis insidiari, & aliquo tenuioribus ho-
minibus oneri aut damno esse. Neque enim fir-
mius rempublicam stare posse putauerunt, quàm
si infimi homines sine aliqua offensione & iniuria
inter principes ciues versarētur. Iam & magistra-
tus petitura, liberalitate & ludorum magnificen-
tia populum sibi adiungebant: nonnullisquæ Ædili-
tatis prætermisso, in Prætura & Consulatu repul-
sam attulit. Tantum enim in bene morata ciuitate
ratio valuit, vt non tantum qui populo præerant
ab eo nihil exigerent, sed etiam quibuscunque of-
ficiis & congiariis in amicitia retinerēt. Ad quod
etiam & diuina monumenta nos ipsos exuscitant,
vt pupillos viduas & externos obsequio aliquo de-
mereamur, & illis ad omnem meritorum rationē
parati simus. Quibus Iustinianus Imperator tan-
tum iudicij & beneuolentiæ detulit, vt illis se ve-
lut specialem iudicem daret, & eorum causas in au-
ditorium suum induci à sua maiestate minime
alienum iudicaret. Qui autem nihil aliud agunt,
quàm

quàm vt ex popularium fortunis fiant ditiores,
& qui in reis absoluendis vel damnandis ve-
nalitiariam vitam faciunt, his certe ad
ea munera in quibus degunt, ni-
hil opis esse po-
test.

H ij



quemadmodum Vespasianus etiam ex lotio vetigal non recusauit, ita illi ex hominum facinoribus & turpitudine dona accipiunt, neque quicquam sordidum esse putant, si modo vtilitatem habeat. Bene igitur maiores, qui vt à publicis muneribus cupiditatem remouerent, contra eos magistratus qui in minimam auaritiæ suspicionē venissent, grauissimas quæstiones habuerunt: nefas esse iudicantes, illos quorum descriptione populus & melior & locupletior fieri deberet, popularium fortunis insidiari, & aliquo tenuioribus hominibus oneri aut damno esse. Neque enim firmitus rempublicam stare posse putauerunt, quàm si infimi homines sine aliqua offensione & iniuria inter principes ciues versarētur. Iam & magistratus petitori, liberalitate & ludorum magnificentia populum sibi adiungebant: nonnullisque Ædilitatis prætermisio, in Prætura & Consulatu repulsam attulit. Tantum enim in bene morata ciuitate ratio valuit, vt non tantum qui populo præerant ab eo nihil exigerent, sed etiam quibuscunque officiis & congiariis in amicitia retinerēt. Ad quod etiam & diuina monumenta nos ipsos exuscitant, vt pupillos viduas & externos obsequio aliquo de mereamur, & illis ad omnem meritorum rationē parati simus. Quibus Iustinianus Imperator tantum iudicij & beneuolentiæ detulit, vt illis se velut specialem iudicem daret, & eorum causas in auditorium suum induci à sua maiestate minime alienum iudicaret. Qui autem nihil aliud agunt, quàm

quàm vt ex popularium fortunis fiant ditiores,
 & qui in reis absoluendis vel damnandis ve-
 nalitiariam vitam faciunt, his certe ad
 ea munera in quibus degunt, ni-
 hil opis esse po-
 test.

H 17





In friuolarium emptorem. Ex Diogene.

Homines oratio probat non vestis.



*Explorat Samium tinnitibus emptor abenum,
Et probat elicito friuola vasa sono.
Sed nos diuitijs homines utcunque probamus,
Cum vox ipsa paret certius indicium.*



NARRATIO PHILOSOPHICA.

QVI vasa figlina à friuolariis emūt, ne postea contractis rebus cognitionem ab Ædilibus cogantur impetrare, ea tinnitu probāt, & explorāt atq; eo iudicio, vēditoris more improbatō in cālādo rei vitio versantis calliditatē effugiunt. Quorum prudentiam vtinam imitarētur illi, qui quasi iurati de hominis dignitate iudiciū ferunt. Quæ res si hodie in disceptationem cadat, non ad orationem, qua vna animantibus brutis præstamus, sed ad vestem & patrimonium omnis mediussidius oculorum coniectus esse solet. Quis enim eū non egregium ciuem esse cēset, quis ei non devia decedit, si modo opibus antecellat? Quis non eum aditu, suffragio, congressu dignum esse putat, cui sunt amplæ facultates domi? Quis nō illi locuples dignitatis testimonium reddit, si diuitiis & clientelis antecedit? In emendis igitur friuolis suis sonum & tinnitum negotiatores explorabunt: homines autem quibus sapientiæ & maximarū rerum cognitionis partes à natura attributæ sunt, quantum sapientia homo alteri in loquendo præstet, non videbunt? Cyanea certè illa, & planè regia Alexandri ad Diogenem vox, nisi (inquit) Alexander, essem, Diogenes esse vellem. Sed fortasse alter melius, qui sapientem nulli hominum concedere, vno autem Ioue minorem esse prædicauit. Nam sapientia ipsa tam radices agit & propagatur, vt etiam post aras, hominem consequatur. At ea quæ corporis & fortunæ bona appellantur celeriter decidunt, multosque in medio ætatis flexu

omnes autem post mortem æquabiliter deferunt.
» Et quemadmodum Cato dicere solebat, magno-
» pere mirari se quomodo non rideret aruspex, aru-
» spicem cum vidisset. Sic fortasse non iniuria sit mi-
randum, cur qui opibus & fortunæ prosperitate
mirabiliter excellit non rideat, cum homini iisdē
rebus perquam abundanti occurrerit. Nam sicut
qui in fabulis personam agunt, propter nouitatem
vestis quæ subito sit deferenda, quibus in via pro-
cesserint risum mouent: sic homines potentissimi
fascibus & barbarorum custodia stipati, Heracli-
tis miserationem, Democritis fortasse risum
moueant, quòd confecto isto vitæ actu
nulla re iis qui è fece populi sunt
superiores appa-
reant.



*In amicitiam simulatam.
Ex Diogenē.*



*Implicitis dextrā dōitis qui præbet amico,
Hūc fuge: nā nihil hic quod redametur habet
Non fronte aut vultu fidus cēsetur amicus,
Verus enim à summo pectore manat amor.*

Simile ex Plauto.

*Qui dextra ostentat panē, lapidēque sinistra
Occulit, incerta sponzor amicitiae,
Et qui sinceri vultum mentitur amici,
Cymmerias sese conserat in tenebra.*

NARRATIO PHILOSOPHICA

HOMERVS infestissimos sibi & quasi ex furiarum genere statuebat eos, qui aliud in peccatore gererent, aliud verò in promptu & haberent & loquerentur. Tales Plautus veteris comœdiæ
 „ author facetissimus dextra panem porrigere, fini
 „ stra autem lapidem occultare dixit: quòd eos quorum se cupidissimos & amantissimos esse testatò prædicarent, remotis arbitris incesserent. quæ res mea sententia tam ipsi amicitia pugnât, quàm quæ maximè. vereque illud dicitur, nullam in amicitia pestem esse maiorem simulatione & blanditiis: perniciofaque est hominum assentatio omnia ad voluntatem, nihil ad veritatem loquentium.
 „ Nam si amicitiam Pythagoras æqualitatem esse
 „ dixit, & cum vnus animus fieret ex pluribus, quæ tandem ratione ius illa suum tuebitur, si alterius animus sit lubricus, varius & multiplex. Qui igitur blanditiis in aures nostras influunt, nulla autem re eorū animus ad beneuolentiæ actiones adduci potest: taliū amicitias nō dissuēdas, sed penitus discindēdas esse arbitror. Neq; enim amicitia laudem ferre potest, qui præstantissimā illam de homine bene merēdi rationem, qua nihil est naturæ hominis accommodatius, metitur cupiditate & commodis suis. benēq; Diogenes monebat, vt ab iis omnino caueremus, qui dextrā in pugnū cōtra etiam amicis præbent, alteram autem manum sub pallio occultant. Neque enim ex gestu fides ipsa
 perspi

perspicitur: sed qui in eo sunt, vt sibi aliquem amicitia adiungendum putent, hoc in primis præceptum tenere debent, vt nulla re amicitiam inferiorem constituent, neque quicquam præmittant, quod ad officium beneuolentiæ pertineat. Quo in genere beneficentiæ cautiones erunt adhibendæ, quæ iubent ei plus esse conferendum, qui nobis consanguinitate est proximior. Quæ qui cum ratione faciet, non video in quo vxoris, aut filiorum accusationem reformidare possit. Odiosum est enim cum à filiis parentis largitoris honesta liberalitas in inuidiam & crimen prodigentiæ vocatur. quasi verò paternæ gloriæ hereditas quolibet patrimonio filiis non sit, magis appetenda: ”

neque enim tantum filiorum charitati

tribuendum est, vt aliqua vitæ

nostræ pars officio

vacet.

H 5



Exemplum leuitatis

In Leguleios qui doctores iuris cōtēnūt.



*Scripta magistrorū iuris qui negligis, & quem
Concisi textus lectio nuda iuuat:
Et calamistrare quaris tectoria linguæ,
Verbâque rhetoricis vermiculata modis:
Et tantum scripto laudas in iure leporem:
Anne potest similis moribus esse tuis,
Qui vim sanandi medicatis spernit in herbis?
Quemque meri solum mulcet odoris amor?*

NARRATIO PHILOSOPHICA.

QUI ea quæ quondam à principibus illis iuriconsultis acceperant, & vberius & cumulatius libris tradiderunt, hoc forsitan nonnullis probantur minus, quòd ciuilem disciplinam quibusdam quasi verborum stellis illustratam, nullo ornatu, nullo orationis flore, & sapissimè verbis putidis & nouatis posteritati mandauerunt. Quibus temporum illorum vitia, meo iudicio, ad veniam sunt suffragatura. Quid enim facultatis ad ius ciuile pertractandum sit allaturus, qui doctorum penuria eloquentiam ipsam attingere non potuit? His opinor si ætate nostra nasci contigisset, eos forsitan omni eloquentiæ laude superassent, qui illorum scriptionem totam tanquam horridam & hiuleam fastidiunt. Et si enim (vt Cicero author est) prodere quenquam literis cogitationes suas, nec eas disponere, & illustrare dicendo, nec delectatione aliqua permouere lectorem, hominis est intemperanter abutentis & otio & literis: eorum tamen institutum minime contempserim, qui neglectis verborum ornamētis, totos se ad rerum pondera & momenta contulerunt. Neq; verò tā me aliquorum quotidiana sine vsu loquacitas, aut de scholis cantilena mouet, vt illorum furiosum dicēdi genus nulla subiecta sentētia aut doctrina, aliorum monumentis anteponom, qui res magnas nulla adhibita orationis copia, scientissimè & ex arte tractauerunt. Quid enim tam stultum, aut infantia simile esse potest quàm impetu orationis ferri, & quasdam veluti

luti verborum faces admouere, nulla proposita re & quæstione. Verbi enim controuersia solum eos in scholis torquet, contentionis cupidiores quam veritatis: neque quicquam laudant, nisi quod se posse sperant imitari. Dicunt in gymnasiis suis apud bonos quidem viros, sed in iure ciuili forsità non satis exercitados: faciunt clamores in scena, plausus in theatro, veteres illos magistros iuris ad certamen vocant. sed perfacile est vincere, & mortuos & non repugnantes. Eorum libros parū ornatè conscriptos de gentilitate iuris omnino dimittendos esse censent: in quibus legendis nihil otij, nihil operæ posuerunt. Et quemamodum philosophiam & eloquentiam, cæterasque artes quæ libero homine dignæ sunt, sermonibus Socratis coniunctissimas, quorundam illius sequacium inertia separauit: ita & nonnulli hodie sunt, qui in humanioribus literis voluntate feriati, quia rerum tantarum quæ apud recentiores iuriconsultos recitantur, varietatem & copiam comprehendere se posse non confidunt, scientiam illam quidem, si non difficilem, at vastā & diffusam remouent, in solo autem Iuriconsulti nomine acquiescunt. Quod si tantam sibi sumunt, vt iuris scientiam veterum librorum cancellis circumscribant, neque quicquam in disceptationem cadere posse existiment, quod non veteribus illis legibus explicari queat: habebunt certè me & beneuolum & non aduersantē. neq; enim arbitror tantæ industriæ præcludenda via est. Sed alia ratio est palæstræ & olei, alia pulueris & fori. Qui enim de sug-
gestu

gestu dicunt, illis iuris ciuilis termini latissimè videntur propagari, quòd de clausula scientiæ suæ nunquam discedant. Qui autem in ciuitate iuriconsulti nominantur, seque de quacunque proposita quæstione scientissimè responsuros profitentur, facile cognorunt quantis in angustiis ciuilis versetur disciplina. Quòd si illos adducimus, vt hoc sibi persuadeant, habebunt certè & splendoris & commendationis plurimùm, si forenses controuersias quarum decisio à legibus peti nequit, propria animi vi cum ratione definiant. Plerunque autem accidunt forenses controuersię, quæ nulla societate & similitudine ad legem aliquam videantur pertinere: facile tamen eadem illa lege hominē sponte sequentē in sententiā tuam adduxeris. Quo in genere recentiores iuriconsulti mea quidem sententia principes fuerunt, vt quod ex vna lege effici non posse iudicabant, id multis locis & inductionibus comprobarent. Et si enim sua cuiusque est in respondendo existimatio, fatendum est tamen ad eam rem cum dignitate præstandam summa nobis ex eorum libris adiumenta data esse. Quòd si aliquem ex leguleis istis in consilium adhibuero, aut si me repugnantem offenderit, non sit vltra progressurus, aut si non difficilem, hoc sibi debebit persuadere, me rem totam non magis arti quàm illius authoritati permisisse. ex quo fit, vt quod in maioribus non comprobant, illud ipsum in iurisprudentiam contentur inducere.

NARRATIO PHILOSOPHICA.

PRÆCLARISSIMUM fraternæ amicitiaemonimētū veterēs in cœlo statuerūt, vt homines qui terrā incolūt cœlestia ipsa cōtēplati, astro rū cōuenientiā ordinemq; imitarētur vitæ modo atque constantia. Nam Tyndaridæ fratres, quorum astra in cœlo videmus victoriis triumphisq; terra & mari nobiles, tam sanctè & piè societatis & sanguinis iura inter sese coluerunt, vt poetas tantæ pietatis testes sempiternos relinquerent, tantumq; coniunctione illa sibi gloriæ pararēt, vt ea totius orbis testimonio in posterum comprobaretur. Igitur Castori iam defuncto, Pollux immortalitatem suam officiosè communicauit, & vt fratri nouo obsequio gratificaretur, alternis diebus mori non defugit. Itaque ex geminis semper occidente vno illucet alter, & vtrisque par penè viuēdi ratio est, & societas. Quod exēplū ad retinendā inter fratres amicitia & communitatē nō mediocriter valere debet. Nā quid ad familiæ dignitatem præstantius, quid ad amplificationem patrimonij aptius, quid potrò est legi Christianæ magis consentaneum, quàm fratribus perpetuam in omnibus æqualitatē esse? Vt enim florētissima quondam imperia ciuilibus suis dissensionibus & intestinis bellis conciderunt: ita & cuiusque familiæ splendor fratrum inimiciis omnino obscuratur: neque diutius stare domus potest, quæ discrepantibus hominum sententiis tanquam procellis huc illuc impellitur & iactatur. Sunt autem quidam homines in domesti-

cor

corum offensionibus per quam moderati, iidem ne minimam quidem patrimonij iacturam pro amicitia facere volunt: in quo si quod damnum acceperint, voluntarias inimicitias in suos nō dubitanter suscipiant. Tandiu enim sibi tuendos amicos volunt, quandiu sibi de patrimonio suo nihil decedat. Apud eos honorificè & cum magna consanguinitatis testificatione appellari, iudicatur fratris esse loco: prensare dexteras, sequē mutuò & amicè cōplecti, & cœnam vltro citroque condicere, non vulgare pietatis & fraternæ amicitiae putatur indicium: quòd si rationibus tuis afflictis ab eis tenuitatē tuā aliqua re credita leuari velis, in eo genere tibi adiumento esse, nō existimāt neq; ad sanguinis neq; ad amicitiae rationē pertinere. Tales certe qui sunt nō modo nō cōsanguineos & amicos, sed ne homines quidē in tāta inhumanitate esse putē: Christianos minus, qui ne publicanis & ethnicis pietate & iustitia pares esse possint: quorū opibus & subsidiis (vt testatur Dominus) amici & proximi in infirmitate sustentantur. Itaq; his ne videatur subiratus,

Nunc edictum (vt ait Persius) post prandia Callirhoë do.




Cor ne edito. Ex symbolis Pythagoræ.

In nostros, quibus Christianos homi-
nes curis huius sæculi angi debere
persuasum est.



*Qui tua sollicitis versas præcordia curis,
Vlteriusq; tenes anxiam corda metum,
Pone animi curas, variisq; relinque dolores;
Regula sic nobis Pythagoræa iubet.*

I



NARRATIO PHILOSOPHICA.

V E T V S illud Pythagoræ in symbolis decre-
 tum Cor ne edito, multis post sæculis Chri-
 stus grauissima sententia comprobauit. Neque
 enim solum ij qui Philosophi sunt appellati, sa-
 pientem omni animi egrotatione vacuum esse de-
 bere putauerunt: verumetiam & Christus eos qui
 se præclarissimæ disciplinæ dedidissent, à curis &
 perturbationibus liberare conabatur: neque quæ-
 quam vitæ & doctrinæ suæ alumnum iudicabat,
 nisi rerum externarum molestias & concursatio-
 nes longè à se depulisset. Nam neque tam parum
 excellens lex domini existimanda est, vt non illi
 qui eam penitus complectitur, satis esse possit ad
 bene & beatè viuendum. Qui autem ita est animo
 affectus, vt Christianam illam præstantiam fortui-
 tis adiumentis & subsidiis putet indigere, & qua-
 si suis eam præsidis non contentam, curis & affe-
 ctibus obruat, is quanquam in vulgus probetur,
 & ab omnibus solertiæ & sagacitatis laudem fe-
 rat, non tamen mihi in Euangelij statione esse vi-
 deatur. Vt enim testæ Deo, inter spinas & dumio-
 rum asperitates frustra semen tuum sparseris, quod
 nec ipsa seges paruulis subnixa fibris contra nite-
 tium tribulorum maceriem superatura sit: ita pro-
 fectò verbum Domini quamuis summa animi vo-
 luptate acceptum, perturbationibus huius sæculi
 & rerum humanarum cura facile aboletur. Quod
 si homines illi se prædicent religiosos ieiuniorum
 obseruatores esse, iustitiam & pietatem colere,
 multos etiam officiis suis largiter demereri, non
 tam

tamen mihi omnino videantur inculpati, si tanto studio, tantaque animi perturbatione, etiam sine cuiusquam iniuria in patrimonij amplificatione decumbant. talia enim, inquit Dominus, gentes inquirunt. In quo etsi contra summam illam & primam naturæ legem, nihil offendant, non tamen Christiani nominari possunt: in quorum albo ne sapiens quidem esse possit, nisi popularem illam sapientiam hac vna perfecti & virtutis accessione firmaverit. Neque tamen is sum qui omnia ista amplificandi patrimonij studia nobis de manibus excutienda esse putem: sed in ea re Pauli Apostoli temperatio adhihenda erit, ut quasi aliud agentes nihiloque à Domino & Euangelicis actionibus voluntate abducti, pecuniā & lucrū faciamus, viuamus quasi non viuētes, ædificemus quasi non ædificantes: eaque sit semper in prosperis aduersusq; rebus æquabilitas, ut nunquam tranquillitas illa vitæ, vel de statu deiici, vel labefactari queat:

quæ ut in mari, sic in animis hominum facile cernitur, cum scilicet placatis perturbationum procellis & fluctibus verè nihil cupit animus, nihil desyderat.

In statuam Palladis.

Præclarissimum si aut reges philo-
sophentur, aut philosophi imperent.



*Ius sibi vibrande Tritonia vendicat hasta,
Et iacit intrepida Norica tela manu:
Illa tamen solita est scriptis pallare chartis,
Et pluteum innocuis cadere verberibus.
Huic bene conueniunt veterum monimenta so-
phorum,
Quem iussit lata fors ditioe frui.*

NARRATIO PHILOSOPHICA.

MIRETVR fortasse aliquis res prope cōtrarias, naturæque discrepantes, eiusdem numinis potestate consecratas, & mutua velut amicitia à pœtis sociatas esse. Quis enim vnquam otium castris, stylum gladio, vmbra soli, togam paludamento similem esse iudicauit? quis legibus inter arma, cautionibus iuris inter acies, prætoriiis sacramentis inter classica, paci denique inter signorum collationes & prælia locum esse existimauit? Quæ quanquam vsu & facultate separata esse videantur, qui tamen ad ea diligentius animum conuerterit, facile res tam repugnantes ad consensum naturæque conuenientiam sit deducturus. Neque enim Alexander ille Magnus imperatoribus omnibus rerum gestarum magnitudine superior, alienum ab imperatoris maiestate iudicauit, etiam inter explicatas acies de Homero cogitare & loqui, & quantum sibi militarium rerum labor otij tribuebat, ad legendum potissimum cōferre. In eo rege tam flagrans in literas studium fuit, vt sæpissimè ad multam noctem vigilaret, & interdum in media contentione labore vigiliarum penè fractus somno premeretur. Ad quem cum captis Darij castris, & fuso Persarum exercitu, regis scrinium multo auro, multis gemmis esset allatum, nonnullique quærerent, quid in arcula illa tanti digna collocari vellet, Homeri libros includi iussit: optimū esse iudicans, si illa animi elatio quæ in imperatore elucescit maximè, literarum & doctrinæ temperatione regeretur. Laudaturque

Fulvius, qui Ennio comite superatis Ætolis, non dubitavit Martis manubias Musis consecrare. est enim aliqua & ea opinor non vulgaris Musis cum Marte societas: ut earum adiuventis bellorum instructus, multò & ornatiore & cumulatior sit futurus. Iam & multis antè sæculis alter Alexander qui Neoptolemus dictus est, apud Ennium philosophandum sibi necesse ait, sed paucis: nec enim ea sunt præcepta philosophiæ, ut illis etiam in bello non possit esse locus. Et quanquam rempublicam gerentibus, rei militaris studia reliquis potiora esse debeant, felicem tamen eam rempublicam Plato prædicavit, in qua aut philosopharentur principes, aut Philosophi imperarent. neque enim si præstantibus & magnis viris in bello omnia sunt, neque si ea re civitatis moderatio maximè contineatur, minus tamen principibus viris enitendum est, ut se philosophicis legibus pares esse velint. Si enim reipublicæ gubernacula maxime in beneficio & pœna posita sunt, quis probè de supplicio inferendo aut beneficio dando potest decernere, nisi quod laudabile aut turpe est, scientissimè cognoverit?



Antigenide ad discipulum.

Non pendendum à iudicio imperitæ
multitudinis.



Cum tua non placeat tunicato musa popello,
Respuat & numeros publica turba tuos,
Tene insulsa mouent queruli fastidia vulg;
Multum est & musis & placuisse tibi.
Iudiciu indocti sapiens contemnere vulgi
Debet, & aduersa sedulus ire via.

I iijj

NARRATIO PHILOSOPHICA.

ANTIGENIDAS discipulum suum verecū-
dantem & prope desperatione fractū, quod
minus eius modi in vulgus probarentur, neque
sensibus populi illius accommodata esset lyra, bo-
no animo iubebat esse. neque enim qui a multis
laudatur, continuò in quoque genere excellit: sed
in ea re peritorum iudicium adhibendū est, quo-
rum approbationem si arte aut natura permoue-
ris; totam doctrinæ gloriam consecutus esse vi-
deare. Neque verò Antimachus, quod semel de
rebus magnis disputans ab imperita concione,
vno Platone excepto, desertus esset, studia, restin-
xit sua. Abūde enim magnū disputationū suarum
theatrum vnum Platonem iudicabat, qui solus
omnium instar esset. Nam vt contra aliquem tar-
ditatis opinio minime valitura est, quæ modo in
hominum imperitorū animis sit concepta: ita ni-
hil est tam insigne, & ad commendationem laudis
tam stabile, quàm aliqua in re ab vno laudari, qui
illo genere magnopere præstet. Quibus enim in
vita propositum est, vt res gerant magnas & ar-
duas, quique ita sunt animo affecti, vt cogitent
difficillima, faciant optima, & ferant quæcunque
erunt, tam certè sunt ex se apti, vt in seipsis sua po-
nant omnia, neque à iudicio imperitæ multitudi-
nis suspensas habeant rationes suas. At enim quid
illi cum præstantibus & magnis viris esse potest,
qui in omnibus sequitur non rationem dūcem,
sed ad vitia consentientem populū? Iam verò
eorum quæ cum virtute fiunt tanta est perman-
sio,

sio, vt apud omnes ætates sempiterna sit authoritas: difficile enim est factu singulis temporibus nõ existeret aliquem, in quo virtutis significatio eluceat. Quæ autẽ in vulgi opinatione & tutela iacẽt, ea non nisi lubrica & caduca esse possunt. Nam & memoria patrum res prope innumerabiles quasi diplomate veritatis sunt obsignatæ, quæ tamen à nostris hodie non probantur. Et in iis artibus quarum doctrina obseruatione maximè constat, multa à maioribus per manus sunt accepta, quæ tamẽ posteritatis vsu & silentio sunt abrogata. Tãta est enim hominum in dissentiendo propẽsitas, vt eos vel aduersari delectet, etiamsi non sit causa. Et quẽ admodum nefarius ille Herostratus nullis in patriam benefactis clarus, dum memoriam sui apud posteros intermorituram reputaret, eam celeberrimi Dianæ Ephesię templi incendio consecrauit: ita nonnulli aditum sibi nullum ad veram gloriã patere existimant, quàm si à maioribus accepta antiquarint, & vt aiunt, cornicum oculos confixerint. Quia enim nulla spe posteritatis se consolantur, neq; obscuritatem suam aliquo præclaro gesto ab iniuria mortalitatis vindicare queunt, eos factis & scriptis appetunt, qui olim sibi æternam nominis sui famam pepererunt.

NARRATIO PHILOSOPHICA.

INTER eas res quæ hoc sæculo securitatem & otium afferre solent, nihil aut præstantius, aut melius homini à natura datum est paupertate. Ut enim tenuitatem colere & paruo contentum esse, non modo philosophicum, sed christianum est: ita nihil est magis constantiæ & magnitudini animi proprium, nihil ad statum sui diuturnitatem æquè stabile, quàm ea ipsa rerum subsidia negligere, in quibus acquirendis vulgus hominum cura incredibili, in feruandis, maiore etiam metu cruciatur: Et quanquam olim magnis viris, qui sibi capeSSendam rempublicam existimarunt, summè appetendum esse visum est, cum dignitate otium, tamen illos sapissimè mutabilis fortunæ casus fefellerunt. Nam & in republica Atheniensium, quæ & dominatione, & præstantissimis institutis floruit, nulli bono ciui potuit esse locus, qui non ab ingrata patria in discrimen fortunarum & capitis vocaretur. In his Miltiades & Themistocles fuerunt, qui cum turbulentissimis temporibus, maximis se patriæ fluctibus obiecissent, tamen illis in ciuitate toties à se seruata mori non licuit, Neque verò ex his qui rempublicam Romanam spoliis & triumphis decorarunt, vnum aut alterum reperias, qui non aliqua pœna à rerum gubernaculis discesserit. Non enim in republica versantibus (hoc est in mediis opinionum & temporum procellis) potest esse aliquis tran-

„ quillitati & quieti locus. Et quemadmodum gubernatores optimi sæpe vim tempestatis, sic sapientissimi & fortissimi viri fortunæ impetum superare non possunt. Qui autem à publicis negotiis se remouet, & amplissimas opes non arca, sed animò metiuntur, illis certè in tã pacata & otiosa vita fortunatissimis esse licet. Quod eò est facilius, quò minus multa in eorum vita patent, quæ vel fortuna, vel principatuũ & temporũ vicissitudo feriat. In quo deridenda est quorundam hominum stultitia, qui vel patrimonij magnitudine, vel principum amicitia & clientelis elati, se reliquis hominibus præstare putant: quasi nulla eos res de gradu dignitatis possit deiicere, aut quod in opinione & principum voluntate iacet, omnibus sæculis possit esse constans & perpetuum. Itaque publicam dilapidet pecuniam, ærarium exhauriant, terras & maria cupiditate sua absorbeant, donationes ciuitatum ex placito impetrent, laqueatas domos ædificent, & aurum coronarium de omni populo & prouincia accipiant, ne illa tamen mihi tantopere videntur esse suspicienda. Vna enim dies interrumpit omnia, & quæ tantam in populo mirationem faciunt, sæpe subito tempestatis turbine peruertuntur.

In Satyrum.

Contra sedentarios & cerdones, qui paulum ultra primas literas promoti, suo sensu in literis sacris versari volunt.



*Qui miser athere cupiebas oscula flammæ,
Ipse vides positas in tua damna faces.*

NARRATIO PHILOSOPHICA.

NVL LVM hominum genus vel importunius vel minus tolerabile dici potest iis, qui cum ultra primas literas leuiter procefferint, tantum tamen opinione sua assumunt sibi, vt quasi defultorij in curriculum quadrigarum audeant incur-rere. Vt enim ignorantia inuitio vel noxa non est, ita incredibilis est amentia, si quis nullo vsu, nulla doctrina de re quacunque quæ scientia sit explicanda, iudicium ferat. Si igitur ex veterum sententia, quam quisque artē nouit, in ea se exercere debet, quanto certè cum ratione erit coniunctus, rei controuersæ peritissimos quosque iudices adhiberi? Qui autem tam mirificè impudens est, vt in his quæ non attigit, sententiam se rogari velit, & eos qui omni disciplina habentur excellentes, non modo ad certamen prouocare, sed illorum monimenta vna clausula antiquare, tales opinor ad artificium suum, quod eorum fert natura, dimittendi erunt. Vt enim nemo probè imperare potest, nisi aliquando paruerit: ita neque disputare aut docere, qui doctorem non audierit. Sed tamen ea est temporum disciplina, vt quibus opinionum vestigiis aliquis primùm institerit, in his ad extremam vsque senectutem consenescat: quæque statim animo arripuerit, ea sibi omnibus modis tuenda esse arbitretur. Quo in genere forsitan iis sit condonandum, qui præclarissimis artis & doctrinæ præsidij instructi, peruestigandæ veritatis studium ad scientias afferunt. Quibus eò difficilius est de aliqua sententia deduci, quod de ea

set, id publica authoritate & fide ab omnibus seruaretur. Et certè tantùm apud quosdam ex Apostolis circuncisionis valuerat antiquitas, vt ij qui ex gentibus ad cultum Christi conuolarent, minime extra circuncisionis necessitatem positi esse ex plurimorum sententia viderentur. Qua in opinione cùm & ipse Paulus esset, Titum circuncidit. Sed cùm de ea re ad concilium esset relatum, legelata circuncidendi necessitas Christianis permilla est. Nihil igitur in religione firmum habere, nisi „ quod tecum ipse velis & intus sentias, hominis est „ fanè per quam deplorati: sed in ea re illorum sit „ existimatio, qui & numero & doctrina antecedunt. Ex quibus nationes multæ iusta reprehensione minimè caruerunt, quòd cùm rebus in religione nouandis studuissent, ita tamen se gesserunt, vt nemo apud eas degat, qui nò à cæteris opinione & doctrina dissentiat: & vt quisque maximè est egregius, id efficit, vt in religione cuiusquam nisi sui similis esse nolit.

K

*Vulgarum de hirudine.
In pragmaticos æruscatores.*



*Plus iusto sitiens vitalis hirudo cruoris
Pallentem mittit non nisi plena cutem.
Novit pragmaticus causas differre clientis,
Sanguineq; humano non nisi pastus abit:
Sed fugit, in vacua fundum cum viderit ærea,
Et cum pauperior cœperit esse clientis.*

NARRATIO PHILOSOPHICA.

INVIDIOSVM genus hominum æruscatores Pragmatici, quibus in pecunia omnia sunt, quique sine lucro nihil laudabile, nihil officij expectatione dignum gerūt. Et quēadmodū in naui locum esse oportet, per quem ea quæ necessario profluentia aliquid tetri odoris essent habitura, procul à sensibus queant amandari: ita reipublicæ gubernaculis accommodatum esse maiores putauerunt, si in celeberrima ciuitate non deessent, qui sordes & peccata populi absorberent, & perniciosa illa malorum omnium esca cupiditate, de hominum litigantium flagitiis & ciuilibus dissensionibus multam repeterent, fructusq; vberes in aliorum calamitate ferrent. Sed quia natura euenit, vt summas corporū varietates, totidem penè animorum dissimilitudines consequantur, magnopere opinor cum publica tranquillitate & quiete coniunctū est, esse aliquos qui in tātis controuersiarū & dissensionū concursationibus & studiis, publicè operā suā locent: vt iis qui in forensibus negotiis minus erunt exercitati, prospectum esse possit. Sed qui eas causas, quas illuminatas & faciles à clientibus accipiunt, tenebrarum inuolueris obducunt, qui quod translatiuè & breui (quod aiunt) manu explicari potuisset, tricis suis, diffisionibus, vadimoniorum desertione, scripturis opistographis, denique eternitate cōsignāt: qui periuriū, qui falsum, qui mēdaciū, qui deceptiūculas, qui frustrationē, qui vim & metū, qui furtum, qui dolū malum ad subsellia afferūt, his possit es-

se in præstantissimo senatu locus? Et quemadmodum qui vineam instituunt ad illius propagationem diuinitus pastinos inuenerunt, sic homines isti eam, quam primùm nudam & solam causam receperint, labore & diligentia sua repastinant: ita fit, ut quæ vna fûerat, in varias & innumerabiles penè lites propagetur. Et nos certè quendam ex illo numero, qui publicis auspiciis primùm in id munus erat allectus, audiuius cum diceret, se nihil aut vberius, aut cumulatius in eo vitæ genere à Deo optimo maximo contendere, quàm duodecim lites ad se deferri: sibi enim certò recipiebat fore, ut ex illis duodecim industria sua infinitæ aliæ nascerentur, ex quibus magnam pecuniam esset factururus. Et profecto contra naturam sit putandum accidisse, si quis ex his qui illo in collegio sunt inaugurati, pecuniam negligat, eaque mercede sit contentus, quæ neque litigati onerosâ, neque labore sit inferior,



Exemplum stultitiæ.
Cum pertinacibus non agendum.



*Caucasum crebro lapidem qui verberat ictu,
Non iniuste ambas perdidit ille manus.
Desine cum duro contendere viribus Albi,
Indurata nequit mollior esse lues.*

K iij



R I D E N D U M arbitror videatur, si quis contentius pugno lapidem allidat: quod huius vindictæ genus non tantum ad disciplinam non proficiat, sed etiam in caput ipsius, qui pœnam constituit, redundet. Sic & forsitan frustra illi cõtenderunt, quibus persuasum erat animos hominum, in quibus ab ipsa natura libertas quædam insita est, vi & armis noua religionis lege alligari posse. Qui enim ita sunt animo affecti, vt cedant nemini, neque aliorum sententias quicquam ponderis apud se habere velint, facile illorum corpora cruciatu aut minis huc & illuc impellas, animi autem elationem quæ in præstantibus viris elucet maximè, nunquam ad æquitatem adduxeris. Quò enim quisque animi magnitudine & doctrina præstat, hoc aliũ sibi devia & officio præire patitur immoderatus. Quidã verò sunt nullo neque usu rerũ, neque scientiarũ instructu præditi, quos tamen pertinacius in aliqua sententia hærentes, nunquam dimoueris. Quod vt omnibus in rebus, tum verò in religione magnopere periculosum est. Cũ his certe (quia neque decernendi neque decertandi ratio valet), consultius egerit, qui non reiecto tantũ, sed abiecto scuto cõtenderit.




Mendici pera.

In auaro.



*Mendici peram vix vnquam impleueris Iri,
Multa licet dones vberiora petet.
Sit vel Tartarci præsens opulencia diuis,
Vell oculi Cræsi, semper auarus eget.*

K iij



ET si forsitan ab ea quæ hominem homini
 coniunxit natura, nō mediocriter abesse iu-
 dicari possit, qui alterum in rebus afflictis non iu-
 uerit: est tamen meo quidem iudicio de Euange-
 lica illa pietate & officiis philosophicis non nihil
 remittendum, cū is beneuolentia & iudicio tuē-
 dus est, cui benignitas nostra parum profutura
 esse videatur. Quo in genere accommodatè quis-
 piam dixerit, religionem esse, si quis avarum ho-
 minem, & eum in quo tantopere cupiditatis de-
 sedit sitis, amicè & familiariter ad liberaliorē vi-
 tam tentet deducere. Nam præter id, quod amica
 illa & homine digna oratio nihil momenti apud
 illum habitura sit, non videtur aliorum obsequiis
 esse adiuuandus, qui ipse sibi in tanta calamitate
 non tantum desit, sed tam diuturni mali sibi non
 inuitus author esse velit. Itaque qui se totos ad lu-
 crum & pecuniam faciendam accommodauerūt,
 in eo plerunque sunt, vt neque cibum capiant, ne-
 que ea sibi parent, quæ ad vsum victumque sunt
 necessaria: in maxima rerum omnium copia, vo-
 luntate egent: in summis diuitiis pauperes sunt:
 in tranquillitate cui esset inseruiendum, habendi
 desyderio cruciātur. Ambulāt sordidati & squal-
 lidi, domi fame & apud alios cruditate delectan-
 tur: ita viuunt denique, vt sibi eos bellum prope
 internecinum indixisse facillè existimes. Hæc vt in
 malis ponēda sunt, ita continuò Christianū homi-
 nē, eūq; qui in aliorū miseriis cōmoueri solet, mi-
 sericordia impellant. Sed qui hominis auarissimi
 sordes,

sordes, infamiam & vitæ indignitatem secum ipse reputat, malit opinor illum in tanta calamitate æquum placatumque dimittere, vt is tandem sceleris & cupiditati suæ expensum ferat, quàm tantam infelicitatem homini spurcissimo inuidere. Neque enim quicquam est, vel reipublicæ moderationi aptius, vel disciplinæ temporum conuenientius, quàm eos sibi diu noctuque pœnam infligere, quorum domestica vitæ ratio ad publicam vindictam legibus esset expetenda. Nam qui iudicum sententiis pœna coercentur, hoc ipso rei publicæ oneri sunt, quòd ipsis supplicium expensa ærarij irrogari solet. Qui autem seipsum torquent, seque inedia, labore, vigiliis & reliquis animi ægrotationibus conficiunt, dum sibi vtiles esse volunt, ipsi quoque fisco profunt. Vnde fit vt neq; hæc eis calamitas, neque talis sumptus leuatio ciuitati
& publicis commo-
dis inuidenda sit.

L v

In morem Elephantorum.

Non perdendum amicum ob bo-
num dictum.



*Stulte relucenti redimitus corpora vitro,
Ab ne elephantorum flore a rura pete?
Talia magnanimum ledunt in signa barrum,
Offenduntque oculos lucida signa suos.
Sic te sincero fortuna adiunxit amico,
Non quacunque putes verba licere tibi.
Sed fuge mordaces placato splene cachinnos,
Et quicquid veram ledit amicitiam.*

NARRATIO PHILOSOPHICA.

FERE cuenit vt quo quis animi præstātia magis excellit, hoc in eo maior dicendi & sermonis quotidiani libertas dominetur. Ex quo & Ennium dixisse solitum ferunt, facilius à sapiente flammam ore inardente opprimi, quàm bona dicta, hoc est, ea quæ falsè & facetè in aliquem proferuntur. Nonnullique sunt in eo genere tam parum moderati, vt veteres amicitias malint dissuere, quàm bonum dictum perdere. Quæ res eò certè magis fugienda est, quo nihil melius hominum communitati à natura datum est coniunctione & amicitia: in quam qui mediocriter offendit, societatem hominum violat inter ipsos: iustèque multi illum diem periisse arbitrati sunt, in quo aliquem sibi amicitia non deuinxissent. At enim oportet eos qui amici & esse & nominari volunt, in familiari colloquio erga amicos continentes esse, neque in eos liberius dicere, quorum amicitia præsens fructum, auulsa dolorem afferre solet. Facile enim quiuis in alios quæ vult profundit: sed ea sapissimè æquo animo ferre cogitur, quæ magnò audire noluiisset. Romani incredibili propè religione inter filios suos versabatur, ne eos quorum salus & gloria illis debebat esse periucunda, aliquo crimine imbueret: tātūque apud illos verecūdiæ valuerat opinio, vt nūquā patres ex gētis instituto cū filiis puberibus lauarentur. Quòd si ea amicitia, quam vel morū similitudo bonorū, vel studiorū ratio colligauit, nihilò na

turæ coniunctione inferior est, quæ quæso ver ecundia, religione, moderatione, volūtate erga nostramantissimos esse debebimus? aut quomodo nomen & dignitatem amicitia retinere poterit, quæ verborum aut factorum licentia quasi de gradu deiicitur. Neque enim diu amicitia constare potest, quæ familiāritatem nimiam, aut potius contemptum habet. Qui verò maxima veneratio ne amicos suos tuentur & colunt, & facilius accedunt ad beneficium, & cū accedunt, id se facere existimant Deo & hominibus approbantibus.



Appetitus subsit rationi, vt equus sessori
Ex Platone.



Quā malè sessor equo tractādā ignarus habena
Insidet, ab poterat tuior ire pedes.
Qui frano nequit in proprijs affectibus vri,
Peccatōque anens mergitur ille suo:
Par est brutorum potius numeretur in albo,
Nam ratio in motus obtinet imperium.

argumentamur, refellimus & de occultissimis naturæ rebus iudicamus, cuius moderatione & imperio vniuersum hoc continetur & regitur, non erit consentaneum eam quasi baiulam animorum ægrotationibus inferuire, eiúsque splendorem à corporatis voluptatibus obscurari. Vt verò æternum esse Deum omnium mortalium semper consensus fuit, ita & ingeneratam rationem fatendum est, quæ vna apud cœlestem illam discretionem & præpotentem Deum semper valuit, semper dominata est: quæ cum ante istos syderum astrorūque cursus, & cœli conuersiones vigeret & micaret, tandem summo Dei immortalis beneficio etiam ad eos qui infimum istum globum tuerentur, venit: non certè vt ad vitia cōsentientem appetitum sequeretur, sed vt illa rerum omnium dux & magistra homines tam æquabili similitudine temperaret, vt non tantum aliquis sui, sed omnium omnes recta ratione & officiorum conuenientia similes esse possent: qua ex æquabilitate elucet ea quæ sapientia nominatur.



In Aspendium Citharistēm.

Contra amicos nostrates.



*Dū mouet ad citharā numeros Aspidius, intus
Occidit, & reliquos non iuuat ipsa chelis:
Et sua summissō demulcet pectora cantu,
Priuatīque sciens auribus ipse studet.
Sic propria ingratus cōpēdia spectat amicus,
Dum caute simulat commoda nostra sequi.*

Narra

NARRATIO PHILOSOPHICA.

ASPENDIVM citharistem intus canere solitum fuisse historiae prodiderunt: vel quoddam eos qui adessent cantibus & nervis suis delectari a quo animo ferre non posset: vel quoddam tali modorum genere quo non omnes valent, impensius caperetur. Cuius solertiam nescio an fidibus & modis, at certe moribus homines nostri proximè imitati sunt. Dum enim se concordiam & convenientiam, sine qua inter homines amicitia nomen suum tueri nequit, omnibus modis coluisse videri volunt, amicitiam totam utilitatibus & commodis suis circumscribunt, neque eos quos sibi amicissimos gloriantur, beneficiis retinendos esse existimant. Sed quid in amicitia illustre aut magnificentum esse potest, si meum & tuum adiuxeris, aequalitatem removeris, & mirificam illam in collocandis officiis pietatem funditus sustuleris. Ac mea sententia nihil in universa hominum societate preclarius nominatur, quam equalitas, ut quod apud te fuerit, liberaliter & officiosè necessario tuo, si res postulet, impertias. In quo si fueris remissior, efficitur illa Christiano nomini lues infestissima, quæ Leonina societas appellatur.

L

*In permutationem Diomedis & Glauci.
Pax auro redempta.*



*Dū trepidè Glaucus Diomedem fertur in hostē,
Et dubiam in pugnam sauis uterque ruit:
Retandem infecta, positus concordia signis.
Iurata est, dextris fœderis ergo datis:
Arma dat ex auro Glaucus, recipique vicissim
Ferreæ, quæ æterni pignoris instar erunt.
Pacem auro redimas, pretio compone duellum,
Nam patria confert are parata quies.*

NARRATIO PHILOSOPHICA.

GLAVCO Amphilochi filio, qui Priamo diuturna obsidione presso, subsidio ad Troiam venit; iudicio posteritatis pro laude positum est, quod Diomedem singulari certamine abs se prouocatum, magno pretio æquum placatumque dimiserit. Cui quanquam ea non deesset incitatio, quæ in maximis animis studio pugnae impellitur, tamen & consentaneum dignitati suæ, & à discipulina militari non abhorrens iudicauit, si de pace quæ nihil insidiarum esset habitura, etiã iniquis conditionibus cum hoste consultaret. Itaque, ut ait Homerus,

Χρύσα καλκίῳ ἑκατόμβοιᾳ ἐννεαβοίῳ

cum Diomede non dubitanter permutauit, & preclarissimo illo authoramento cum hoste in gratiam rediit. Nam præter id quod omnis belli exitus incertus esse solet, habet decertandi ratio aliud incommodum, quod etiam eos qui vicerint maximis plerunque cladibus afficit. Quid verò societati hominum inter ipsos tam discrepat, quid belluarum magis simile, quàm mentem, industriã omnem denique humanitatem ad alterius perniciem cõferre? ut eum quem fidei tuæ natura ipsa commendarat omnino deleas & opprimas. Iustè igitur monent illi qui ex duobus decertandi generibus, quorum vnum per disceptationem, alterum per vim explicatur, nunquã posterius sumendum esse putant, nisi quoties uti priore non licet. Neque enim bella vnquam suscipienda esse

maiores putauerunt, nisi vt paci & quieti possit
 esse locus: pro qua omnis iusta & legitima est viro
 magnanimo dimicatio. Vnde & fortitudinem ve-
 teres appellabant, virtutem quæ pro æquitate pro-
 pugnaret. Sed cum probè omnia quæ in ciuita-
 tum moderatione versantur, animo lustraueris, ni-
 hil est ad reipublicæ perpetuitatem æquè stabile,
 nihil naturæ hominis magis accommodatum,
 quàm pax & tranquillitas: cui si à nationibus iis,
 quæ aliquando imperio & principatu floruerunt
 summo studio esset in seruitum, illarum non tan-
 tum memoriam (quæ tamen planè è mentibus no-
 stris euulsa est) sed etiam rempublicā haberemus.
 Ac sanè tanta est in nonnullis hominibus princi-
 patus appetitio, vt potiùs extrema quæque patian-
 tur, quàm vt finibus suis & ditione contineri pos-
 sint. quod patrum memoria declarauit temeritas
 cuiusdam apud Italos principis, qui cum si-
 bi vitam acerbam prædicaret, nisi ali-
 quando Cæsar esset factus, tan-
 dem nihil factus
 est.



*In mortem Crassi.
Mors vna beat & dicit.*



*Qui nequit effossis animum complere metallis,
Continuòque lucro sedulus immoritur,
Sollicitusque solo commissam cogitat ollam,
Hunc quis opinetur diuitis esse loco?
Dū petit Euphratē, satis lachrymātibus, aurum
Quod fuit Crassus, mortuus ille bibit.
Hac eris extremo, me iudice, gratia fato,
Quòd das inexpletis mentibus esse modum.*

L. ii



NARRATIO PHILOSOPHICA.

QUAE tantopere in animis hominum dum ad vtilitatis rationem omnia conferunt, cupiditatis inueterauit opinio, eadē ipsa vel omnium concessu patrimonialia & hereditates expilare, calendaria conturbare, & rationes domesticas mirabiliter affligere vna consuevit: fereque euenit, ut quod maior in patrefamilias habendi & lucri faciendi cura dominatur, hoc illi minus ex animo fortuna respondeat. Nam Cræsum ditissimum Lydorum regem vnus belli ad extremum procella peruertit: & quæ ei auaritia ad tantas opes credebatur esse suffragata, eadem illum in fortunarum & capitis discrimen coniecit. Neque mea sententia accommodatior ad inopiam & rerum omnium desperationem aditus esse potest, quam per diuitias, quibus si te impensius addixeris, minus opinor promoueas, quam ij qui modico contenti paupertatem omni studio coluerunt. His enim quoquo modo se res habeant, licet esse beatissimis. Quis enim aliqua re carere iudicetur, qui eam non desiderat? at qui non caret, habet certè, aut ab habente nihil discrepat. Qui verò vulgò diuites appellantur, & in pecunia facienda versantur impensius, si qua clades domesticam illorum rationem perculerit, ne illi quidem non ærumnosi esse possunt. Semper enim in isto genere contentionis illud valuit, vbi non sis qui fueris, non est cur velis viuere. Itaque ipsa rerum copia quæ tranquillitatem & quietem cupidis hominibus allatura esse

vide-

videbatur, sæpissimè ruinæ & calamitatis periculum struit. Quòd si vt de Polycrate Samiorum tyranno accepimus, alicui omnia cumulatè suppeterent, quæ homini à fortuna suppeditari possunt, non possit tamè is verè felix numerari. Quis enim eam felicitatem nominauit, quæ subito aliquo casu interpellari potest? quis summum bonum, quod non est perpetuum? Testes sunt multi & præstantes viri, quorum operosa concursatio aliquando in calce, sæpissimè in cursu, interdum etiam in careeribus impedita est: & qui dies illis à grauissimis contentionibus requiescendi esse debuisset, is omnium sæpe luctuosissimus apparuit.

L iij



A mortuo tributum.

Moderatio in vectigalibus.



*Desine nocturnas tabulis incesse larvas,
Pendere vectigal mortuus anne potest?*

NARRATIO PHILOSOPHICA.

GLORIOSVM fanè est, planèque regium, eos qui rerum potiuntur idem sibi sumere suo iure posse, quod summus ille dux Hebræorū Moses de se apud Dominum prædicauit, tanto studio se in singulorum vtilitates propendisse, vt ab illis neque alinum, neque equum corrasisset. Quo in genere multis post sæculis Samuelem ipsum vetera scripta laudibus extulerunt, quod in procuratione populi Iudaici, rebusque religionis bene & nauiter tuendis, animum, diligentiam, studia denique omnia ad priuatorum vtilitatem & leuationem cōtulisset. Iureque Aratus Sicyonius laudatur, qui cum ciuitatem suam Sicyonā tyrannorum dominatu annos quinquaginta oppressam liberasset, à Ptolomæo Ægypti rege, grandem pecuniam mutuò accepit, vt eas possessiones quæ vi à iustis dominis translata, longo spatio hæreditatibus, emptionibus, dotibus & aliquorum mancipio, coloratè tamen tenebantur, redimeret, & sine detectorum iniuria suum cuique transcriberet. Hac æquitate perfectum est, vt & ij quorū bona atrocissimæ voci præconis subiecta fuerant, suum reciperent, & qui longo interuallo in possessione fuerant, rei dispendium pecunia sibi resecta solarentur. In quo verè principis animus intelligitur ita à iure discedere, vt nemini iniuriam facere videre. Hos vt plenò ore laudamus, ita profectò turpe & odiosum est, apud Homerum Agamemnoni regi ditissimo frequenti Græcorum concione, sordes & auaritiam ab Achille exprobari, & eum

qui subditis cauere debeat *δημοβόρον βασιλέα*, & πάντων φιλοκτεανώτατον appellari. Vt enim nulla re magis ij qui reipublicæ præsumt, pietatem colere, & ciuium beneuolentiam conciliare sibi possunt, quàm continentia & liberalitate: ita certe ij labefactant fundamenta ciuitatis, qui ex subditorum dispendio & iniusta collatione fortunas suas volunt ampliari. Nam neque bene imperare potest, qui non omnino commodorum suorum fuerit oblitus; qui si in fortuna ciuium liberaliore rem se suam facere existimet, non arbitrabitur ea ad amplificationem patrimonij sui pertinere, quæ publico reipublicæ luctu & damno de fortunis popularin sunt decisa. Sed in imperandis uectigalibus & *επικεφαλίοις* seruabit eā mediocritatem,

quæ inter nimium & parum sita est, vt neque illi ad amplitudinem

• quicquam desit, neque populo grauis esse videatur.



*Contra veteres, nullam Fortunam
esse.*

Ex Augustino.



*A spice vt in nostris pendet Rhamnusia furcis
Et recipit scelere debita pensa suo.
Quaque olim (si diis placeat) consecit vtrunque
Paginam, apud Gallos vltima fata luit.
Quid tibi Fortuna cura est rota mobilis? illi
Quid tecum est? sapiens solus apud te habita.*
Narra

NARRATIO PHILOSOPHICA

FORTVNAE deæ tantum veteres ethnici tribuerunt, vt illi ætatum omnium concessu in rebus prosperis & aduersis potestas, imperium, dominatus, omnia denique expensa & accepta referrentur. Si quid ex animo accidisset, laudabatur sola: in luctu autem & calamitate etiam eadem accusabatur, & vna vtranque paginam faciebat. Neque illius solum in rebus domesticis & vrbis apud gentes valuit authoritas, sed eius quoque dominationem & vim ad rem militarem perduxerunt: vt cuius exercitus dux victor euasisset, is tantum beneficium à fortuna consecutus esse videretur. Itaque illi publicè templa posita sunt, & diuinitatis delatus honos: quod fortasse eo cultu in amicitia & benefaciendi consuetudine retineri posse crederetur. Quod vt suspiciosa illi antiquitati vnusquisque nostrum facildè condonat: ita profecto Basilius Magnus diligenter cauendum esse censet, ne huiusmodi superstitione, aut etiam vocabulis Christianorum animi occupentur. Qui enim in rerum euentis memoria repetendis Fortunam nominat, id efficit vt mundus & vniuersum hoc quod conspiciamus, quasi extra prouidentiam summi Dei esse iudicetur. In quo præclara sunt illa quæ à Stoicis contra Epicureos latissimè explicantur. Nam si fortuita sunt quæ quotidie hominibus accidunt, neque stare Nemesis Adrastia, hoc est, statum & æternum rerum omnium decretum potest: neque colligatio, qua Deus ab omnibus sæculis, ex Homeri

sentent

sententia, successus rerum humanarum æterno nexu & vinculo deuinxit. Neque enim si in aqua mortuus est Fabius, videatur illud aut non à Deo decretum esse, aut fortuito obtigisse, quod ille ad aquas poterat non venire. Sed si ab aquis abstinuisset, & alio mortis genere è vita migrasset, quod secus in illius fato esset factum, id quoque constans, æternum & ratum Dei consilium posset appellari. Ac rerum futurarum ignoratio in nobis fortunam parit, & quia variè in variis hominibus euenta cadere perspicimus, id à Deo in fatis positum non esse arbitramur: quod ut non eueniret, Deo longè antè certum erat & decretum. Quæ igitur fatis continentur, eadem nec mutari, nec perfringi queunt: quæ si aliter eueniant, iniuste in fatis recenseri possint: cum quod secus accidit, illud ex fatis necessitate contigisse sit putandum. accadat autem necne quamuis in opinione videatur situm esse, quicquid tamen eueniet, id ex decreto contigisse putandum est. Itaque Augustinus in his libris quos contra Academicos conscripsit, sibi haud omnino placere ait, fortunam à se nominatam esse. neque enim eiusmodi vocabulo eam deam quam variam & inconstantem nobis fabulæ tradiderunt, significare voluit, sed fortuitam illam rerum humanarum rationem. Erit igitur in nobis fortuna & casus; quod certè ratio cogit fateri, si humanum istud & opinionem spectes: sin autem ad æternam illam Dei summi prouident

dentiam rapimur versabitur profectò illa, quam *εμπεριένει* Græci vocant. Ea est ex omni æternitate fluens veritas sempiterna, series & perpetuus causarum ordo: non tamen vt Stoici voluerunt, cum ex statò syderum astrorumque motu causæ nexa aliquid ex se gignit. Sed vt Dei prouidentia certa necessaria & æterna in factis hominum statuatur. quod & Augustinus in libris de ciuitate Dei multis verbis contra Ciceronem comprobauit. Nò est igitur aliquid factum quod non euenissè oportuit, & quod instat; etiam & illud futurum est. Ex quibus tamen non id effici volumus quod Socratus apud Lucianum à Minoë summa contentione petit: dum eorum quæ turpiter & flagitiosè egerit, non iure se ad pœnam expeti quiritatur: quòd ea facinora necessitate fati & propter antecedentes causas non ex animo gesserit. quæ enim contra ius & leges facta sunt, futura sanè erant cum euenerint, sed tamen à volente facta sunt. Nam quæ turpia sunt, non tamen minus Deo præuidentur: cui licet omnium mortalium voluntates longè ante sint perspectæ, non continuò tamen minus voluntates dicendæ sunt. Erit ergo & bonorum & malorum lata differentia: neque iniurià iis qui rempublicam conseruarint & auxerint honores & triumphì in ciuitate decernuntur. nam quæ præclare gesserint, etsi euentura erant, vt tamen euenirent singulari illorum virtute perfectum est. Sic & maxima

ratione in sceleratos leges animaduertūt: nam au-
deant maleficium necne, in illis positum est: hoc
autem an illud faciant, quod conse-
quetur, id Deo Immortali lon-
gè antè fuerat scitum
& perspe-
ctum.





In Grillum.

Voluptatem immanissimus quisque
sequitur lubens.



*Quis tibi Grille feri stomachum mouere parētes?
Quæ te sors miseris terruit oscinibus,
Vt te immunda iuueni fædi veſtigia porci,
Et renuas iterum munus obire viri?
Quæ semel in turpi retinet ditio voluptas,
Huius vel gratis vititur imperijs:
Et quo plus demens eget assertore patrono,
Hoc magis blanda sui vindicis ora fugit.*




QUEM ADMODVM (vt inquit Cicero) iis qui se è Leucade Epiri promontorio in cōuallem demiserunt, non omnino integrum est quo velint insistere : ita qui se voluptatibus & animi morbis permiserunt, neque si velint se in virtutis libertatem possint asserere, neque opinor si possint, velint. Tanta est enim apud nonnullos voluptatis opinio, tot in ea fruenda delitiæ & lenitates, vt contra illam imitatricem honestatis, sapien- tiæ momenta à perditis & contemeratis homini- bus nequeant ponderari. Et plerunque accidit, vt ei qui se totum ad eam rem applicauerit, summæ molestiæ perferendæ sint: & tamen in calamitate & luctu turpitudine affert delectationem. Diony- sium superiorem omni crudelitatis & flagitij ge- nere impurum, audiuius tanto metu & crucia- tu inter suos versatum esse, vt reiecta hominū cu- stodia, quòd illis non satis confideret, corporis tu- telam ad canes detulerit, & cultros metuens ton- sorios, barbā sibi candente carbone adusserit. Hic igitur tantum ex sceleribus suis fructum capie- bat, vt sordes & vitæ indignitatem lubens & cla- de & periculo capitis sui æstimaret: neque à malè agendo propinqui discriminis reputatione pos- set reuocari. Qui si virtutis formam oculis cor- poreis potuisset contueri, credendum est volu- ptatem vel illius suffragio facîle dignitati fuisse concessuram.

M

Ferrum.

In miseriam humanæ fortis.



*Cladibus in multis hominum iraducitur ævum:
Sed stit in accessu mortis inempta quies.
Hæc duce vel miseris subitò licet esse beatis:
Quam qui obiit, credo ne superesse velit.*

. ALIVD

Vitam hominis similem ferri posuere rigori,

Qui cernunt varia telaminaeque dea.

Si ferrum exerceas tandem consumitur usu,

Et patitur vitæ publica damna sua:

Quod si leihao pateris residere veterno,

Et tabem ducit conteriturque situ,

Et rubiginei sentit dispendia belli:

His potes humanum conciliare genus.

Si qua Cleanthea nos ducunt acta palæstra,

Et retinent Samii dogmata sancta senis,

Incipimus vitæ medio tabescere cursu,

Et nimio incauti pondere deprimimur:

Verum si studio retinemur amabilis oci,

Hic nos pueritæ peruius humor habet.

M ij

NARRATIO PHILOSOPHICA.

VETVS fuit Salomonis sapientissimi regis,
 atque adeo Sileni, & Ethnicorum sententia
 " Beatissimos esse eos qui nunquam in hanc vitam
 " essent ingressi: proximè verò ad eandem felicitatem
 & illos pertinere, qui primum in lucem editi
 summo Dei immortalis beneficio his corporis vinculis
 essent liberati. Huius hominum calamitatis & talium
 miserationum magnum per diu argumentum est, quòd
 qui primum nascuntur eiulatu & clamore futuris malis
 illachrymari solent, & dolorem quem aliquando ex
 concursationibus huius sæculi capturi sunt, apud eos à
 quibus ad aspiciendam lucem euocantur, velut testatione
 complecti. Vnusque Zoroastres dicitur hora natiuitatis
 resisse, cum ante decimum & quartum diem nemo
 vnquam risum sustulisse memoretur. Et si autem
 aliquando euenit, vt incommoda quæ in hominum
 vita solent accidere, aliqua felicitate vel prospera
 fortuna leniantur: sæpe tamen in res tam secundas
 incurrit euentus tristis, cuius acerbitas etiam trium
 Nestoris ætatum prosperitate omni, nequeat compen-
 sari. Quæ cum Cleombroto & nonnullis aliis fortissimis
 viris in mentem venissent, contra Pythagoræ legem,
 beneficium naturæ defugerunt. Quod si immortalis illa
 animorum series præstantissimæ rationis cõiunctione &
 vinculo ad diuinam illam mentem pertinens, iussu Dei
 in corpora nostra sparsa est, vt ex isto inferiore
 globo cælum vnde esset profecta, & cælestia ipsa
 tueretur, semper aliquid inquireret, disceret, meditare

ditaretur, & perfectam illam Dei notitiam quam aliquando futura vita esset nactura, studio incredibili & diuinarum rerum cognitione anteuertetet, parum opinor feliciter cum his actum esse videbitur, qui turbulentissima ista vita ærumnis, calamitatibus, doloribus corporis & summis ægrotationibus à veritatis & rerum maximarum peruestigatione auocantur, vt illis nihil ferè cum animo, omnia autem cum corpore sint. Quanquam enim ea debet esse hominum in euentis ferèdis constantia, vt nulli neque dolori, neque perturbationi cedant: est tamen miserrimum esse aliquem tam effæto corpore & valetudine tam afflicta, vt in curationibus, pharmacis, & medicinis omnis illi ætas inanis & vacua elabatur, & nihil ei à tot negotiis otij tribui, quod ad legendum & intelligendum potissimum conferat. Nam ita viuere vt non sit viuendum, miserrimum est. Iam quo animo, qua constantia & fortitudine Paulus Apostolus in vitæ periculis versabatur? at vir tantus mortem expetebat: quæ vel eo nomine à nobis desyderanda est, quod & nos his corporis ærumnis leuat, & secum immortalitatem affert, qua nihil hominide syderatis & melius potest euenire. Non enim quanquam nobis ex edicto Domini sit retinendus animus in custodia corporis, continuo desertor militiæ appellari possit, cui viuere iactura est, & mori lucrum: quique eò se citissimè velit sistere, quod aliquando naturæ necessitate & præscripto sit venturus. Ac ne semper incommoda & aduersos fortunæ casus meditemur, quis inter tam va-

rias & discrepantes hominum de religione senten-
tias, non vitæ huius satietatē impendio tenetur?
quis tam à publicis commodis cogitationes defle-
xas habet, qui diuersa hominū sensa in rebus gra-
uissimis audiens non sibi vitam acerbam putet?
quæ diuersitas non tantum in homines leuiter eru-
ditos, sed in præstantissimos & doctissimos quos-
que iamdudum influxit: ex quorum numero qui
præstat, & ab altero dissentit lubens, & ipse non sa-
tis sibi constat. Neque verò sine multorum offen-
sione fieri potest, cum res eadem ab vno ad
perniciem, ab alio ad salutem vocatur:
eandemque alij pro scelere nefario,
alij pro vita & præsi-
dio ponunt.





In Vulcanum.

Sapissimè mundiores, rusticis & cœcis
esse ἀναποδιστοῦρος, hoc est vti Venere mi
nus propitia.



Non ego Vulcanus cupiā, aut Cillenius esse,
Sed magis Vulcanus Mercuriusque simul.
At si te satum similem vetet esse duorum;
Dic vtra manus conditione frui?

M iij.



A L I V D.

Hispidus ardentiregnans Vulcanus in Aetna;
Quem sibi vel generum pallidus Orcus emat:
Anne potest veneris tadas adyffse iugales?
Et χαρις aeterno conciliaffe t horo:
Quas nec Atlantei concors suadela nepotis
Ausa est Treicys sollicitare sonis.
Cui lacera impexo pendet lacinia mento,
Quemque suum, pingui iure, culina facit,
O quoties cultis palpum riuatibus egit:
Et retulit Paphia caston & arma dea:
Delusit quoties picta rectoria lingua,
Viciu & heroum lucida φιλτρα ducum.

P R O B L E M A.

Quæris despecta qua tanta occasio forma,
Et clarum ingenij tam iacuiffe decus:
Vt referant Cypria præstantia munera diuæ
Quæ nulla est patrio mista lepore venus?
Scilicet ista suas nostri docuere puellas,
Qui nisi non meritis prædia sacra serunt.

NARRATIO PHILOSOPHICÆ.

MIRETVR optimo iure quispiam præstantissimas formas & omni corporis venustate deas, Venerem & χαρίν in manu Vulcani fuligine & flamma squallidi conuenisse: Mercurium autem qui ad aptam illam membrorum compositionem, etiam egregias eloquentiæ & doctrinæ laudes adiecit, nihil tale vnquam assequi potuisse. An quoddam ita comparatum est, vt hominibus cultis & splendidis non ita ex animo & sententia in amoribus fortuna respondeat, quàm iis qui ad omnia inepti & tardi nihil vnquam tale animo concupierunt? An quoddam multa insperantibus & minimè optantibus eueniunt, quæ qui ad potiundum & spe, & cupiditate incredibili capiuntur, non possunt adipisci? An quoddam hodie indignis & insulsis omnia sunt prompta & parata: iis verò qui præclare se gesserint & promeruerint, magistratus, honores, officia, beneficia, omnia denique clausa & obsignata? An quia mulieres, ne cui in suspicionem non seruatae pudiciæ veniant, eorum potius desiderijs inseruiunt, qui ab amoribus iudicio multitudinis putantur esse alieni? An quoddam illæ nocturnum sibi obsequium deberi, in eos lege possint intendere, quos obsonatores, topiarios, mediastinos, & ad tales diurnas operas conductos habent? An quoddam qui sunt elegantiores, ad illud muliebris officij genus videantur magis imbecilli? An quoddam ea est erga nos naturæ benignitas, vt semper aliquod incommodum beneficio com-

penſet, vt quibus animi vim & ingenij ornamen-
 ta nō præſtitit, eos fortiffimis lateribus, validiſſi-
 mo robore & corporis præſidijs confirmet, vt
 mulierum cupiditatibus, & proli diligentem
 operam nauent: ex quo euenire poſſit,
 vt ea corporis immanitas illis
 apud mulieres ad gra-
 tiam ſuffra-
 getur.



In Platonem.

Honor debitus viro docto.



*A spice ut eximius niueis ad templa quadrigis,
Ante hac non solito pergat honore Plato.
Ecce Syracusia princeps immanis in ora
Vittatam mittit (regia dona) ratem.
Heu quanta est lingua, quanta est praestantia
cordis,
Cogat ut infranos ponere colla duces.*

NARRATIO PHILOSOPHICA.

PRÆSTANS homineque liberò digna re-
rum maximarum cognitio & doctrina, quæ
hominem in solitudine, neque solum esse, & etiam
procul à reipublicæ gubernaculis, sine dignitate
” vivere non concedit. Neque enim, quicquam ho-
” minum industria ad animos colligendos peperit
” accommodatius otio literarum : quarum tanta
inter utrumque extremum temperatio est, ut qui
in illis versetur, neque verè in otio, neque in ne-
gotio intelligi possit: & tamen iis qui in utroque
vitæ genere versantur instituti dignitate faciliè an-
tecedat. Itaque Pythagoras qui primus philoso-
phiam in Italiam inuexit, & præstantissimis ar-
tibus institutisque exornauit tam Græciam, quæ
Magna dicta est, interrogatus à Leone principe
Phliasiarum, quinam essent philosophi, & quid
inter eos & reliquos interesset, respondisse fertur
” ut Cicero author est, Similem sibi videri vitam
” hominum, & mercatum eum qui maximo ludo-
” rum apparatu, totius Græciæ celebritate habere-
” tur. Nam ut illic quidam corporibus exercitatis
” gloriam & nobilitatē coronæ peterent, alij emen-
” di vendendique lucro & quæstu ducerentur: esset
” autem quoddam genus eorum; idque maximè in-
” genuum, qui nec plausum nec lucrum quærerent,
” sed visendæ causæ venirent, studioseque perspice-
” rent, quid ageretur, & quomodo. Ita nos quasi in
” mercatus quadam celebritate ex vrbe aliqua, sic in
” hanc vitam ex alia vita & natura profectos, alios
” gloriæ seruire, alios pecuniæ: raros esse qui ceteris

ris omnibus pro nihilo habitis, rerum naturam »
studiosè intuerentur, hos se appellare sapientiæ »
studiosos. Et vt illic liberalissimum esset spectare »
nihil sibi acquirentem, sic in vita longè omnibus »
studiis contemplationem rerum cognitionemque »
præstare, & eos qui se rerum maximarum perue-
stigationi dedidissent, faciliè cæteris hominibus
anteire. quæ etsi non modo naturæ, sed dignatio-
ni hominis accommodata esset, nonnullos tamen
sua perculit maiestate. Huius opinor offensi ho-
mines nostri, filios suos eosque quos in clientela
& potestate retinent, non patiuntur in literis cõ-
quiescere & versari. hos si ita animo affectos esse
vident, vt in præstantissima illa studia toto pecto-
re incumbant, in suis domibus malè accipiunt. li-
terarum otio distineri non probant, nisi quatenus
ex eo ad rem familiarem amplificandam adiuven-
ta petuntur. Antiquitatis & rerum humanarum
notitiam non putant ad virum sapientem perti-
nere, quòd ea cognitio parum admodum sit quæ-
stiosa. præclari homines qui honesti & virtutis
rationem vtilitate metiuntur: neque enim si quæ-
dam virtutes rei domesticæ fructuosæ non sunt,
ideo minus videantur perhibendæ. Quanquam
non tam profligata & afflicta Philosophia est: ne-
que qui in ea versantur tam ærumnosi & miseri,
vt si eis sit commodum pecuniam facere, nõ pos-
sint: quod declarauit Thaletis sapientissimi viri
authoritas, qui cùm ex antecedentibus naturæ
causis faciliè annorum sequentium sterilitatem in-
telligeret, vniuersam oleam illius animi coëmit,
ex qua

ex qua vir philosophus & contemplationi deditus ingentem pecuniam refecit. Non enim si paupertatem colere & paruo cōtentum esse philosophicum aut Christianum est, ideo qui sapientes aut Christiani sunt, pecuniam facere non poterūt: „ sed tamen pietatis & perfecti cuiusdam est, cū
„ id possis nolle: Ac quia sunt nonnulli, qui vsura gloriæ mirificè delectantur, illis certè ex eodem virtutis genere ad laudem & commendationem patefacta via est. Nam & Dionysium Syracusanum, cuius præter cæteros nobilitata est crudelitas, audiuius tantum honoris & iudicij Platoni detulisse, vt illi naueſ vittatam mitteret, eūque summis muneribus & incredibili liberalitate honoraret. Pompeius verò Magnus hoc honore Posidonium Stoicum philosophum affecit, vt ad illum domum venturus, lictores demissis fascibus adstare imperaret. Et Ennio poëtæ Africanorum familia hoc benignitatis largita est, vt illi mortuo ius familiaris sepulchri concesserit. Tantumque Alexander Magnus Pindari studiis & doctrinæ testimonium reddidit, vt in Thebarum obsidione familiæ illius pepercerit. Fertur quoque Scuerus Imperator Oppiano in singulos versus aureum appendisse. Adeò regium est eos honoribus & beneficiis prosequi, per quos summorum virorum res fortiter præclareque gestæ „ immortalitate & memoria sempiterna consi-
„ gnantur.

In C.

In Corycium.

Nihil est, quod labore non assequamur.



*Aspice ut assiduo sitientia culta labore,
Corycius subigit nocte dieq; senex:
Et ducit sulcos, & glabas occat inertes,
Et sterilem iniecto stercore nutrit humum.
Qui se igitur musis ducit lachrymantibus ortū,
Diffiditque sui viribus ingenij:
Transigat insomnes noctes, vigilique labore
Natura superet crimina nota sua.*

NARRATIO PHILOSOPHICA.

QUEM AD MODUM multa accidunt in hominum vita, quæ deliberanti & cogitanti facillima appareant, sed tamen nihil experienti minus: ita & nonnulla sunt quæ hominibus in spẽ cogitationemque defixis extra facultatem videatur esse sita, eadem si ad contentionem & actum reuocentur, industria laboreque vinci possint. Ut
 » enim dicitur, volenti nihil operosum aut difficile
 » esse, ita ei qui nervos animi in aliquam rem cõ-
 » tenderit, minimo negotio etiam ardua superan-
 » tur. Et quanquam Græcis Troiam obsidentibus
 nonus annus propè iam sine gloria esset confectus, tamen Nestori & Vlyssi sapientissimis viris deorum & hominum testimonio laudi datum est, quòd Græcos animo fractos labātesque, & iam de reditu consultantes cõfirmarint, & magnifica oratione reliqua belli ex Chalcantis vaticinio conficere incitarint. Etsi enim graue est multa contendentem nihil proficere, est tamen longè turpius, eum qui se tot laboribus diu confecerit, re
 » infecta consilium deponere. Nam ut quidq; præ-
 » stantius est, hoc certè difficilius: & quò plus operæ in realiqua posueris, hoc in ea fruenda maior voluptas consequetur: fereq; rebus omnibus quæ aliqua laude dignarentur, difficultatē natura attribuit, ut eorū qui animi magnitudine excellūt, virtus inter homines stupidos & remissos eluceret. Quòd si qui sunt qui tātē se à natura tarditatis teneri putent, ut à rerū cognitione & doctrina propemodum arceantur, est tamen opinor aliquid,
 quod

quod labore & assiduitate cōsequi possunt. Nam
 quæ vnquā tellus, quisager aut fundus tam sterilis
 esse potuit qui non labore excolatur? Quæ itē ho-
 minis mens, quod ingenium tam incultum & hor-
 ridum, quod non opera & vigiliis splendescat, &
 quasi subigatur? Demostenes quidem vir & elo-
 quentiæ & sententiæ in populo Atheniensi prin-
 ceptis, eo vitio à natura laborasse dicitur, vt ei-
 us artis cuius antistes esset, literam primam efferre non
 posset. At is vitium illud adhibito ori calculo emē-
 dauit: tantumque accuratione & diligentia per-
 fecit, vt æquales suos, qui tum in eodem elo-
 quentiæ genere versabantur, cū cæteris
 omnibus rebus, tū vocis suauita-
 te decoroq; actionis, etiā
 aduersariorum te-
 stimonio su-
 pera-
 ret.

N



Dipsas.

In παρθενώϊας, & sectatores me-
retricum.



Imbibit humorem lethali noxia mersu
Dipsas, & in veras frigida virus agit:
Paulatimque suum miseros effundit in artus,
Et sicca indignis conficit ossa modis.
Insani meretrix censum expiscatur amantis,
Poscit & accensa pignus amicitiae.
Captaque propositis retinet praeordia philtis
Huius, & immemorem non sinit esse sui.

NARRATIO PHILOSOPHICA.

OMNINO certè scēminarum institutis & legibus teneri, miserum & indecorum est: sed in isto genere nulla est aut turpior, aut infestior seruitus, quàm eorum qui se flagitiosè ad alicuius scēminæ amores contulerunt. Nam quid in hominum prouentibus tam sanctum esse potest, quod non ab eiusmodi scortis violari, quid tam sacrum aut religiosum, quod non pollui scēdarive queat? Quæ enim arario sanctiori, hoc est patrimonio Christi referri debent, ab his ne mulieres quidem istæ manus abstinere possunt: quibus non satis est sacras oblationes exhaurire (vt de diis illis qui quondam tempore Danielis apud Babylonem colébantur, accepimus) nisi etiam & sportulas & si quæ sunt alia quæ recuperatoribus honoris causa dantur, sibi deposcerent. Sed tamen quia vt quisque bonitate præstat, ita minus alios improbos suspicatur, Christiana est & plane laudanda eorum existimatio, quibus mulieres quæ magnorum hominum porticibus & foro vti solent, non continuò improbantur. Nam & Pontificum proprium est, & cum Euangelicis illis præceptis magnopere coniunctum, vi-
duas obsequio meritisque retinere. Cui sententiæ canonistæ minimè aduersantur, apud quos ex æquitate quadam prætoria relatum est, clericum qui arctius mulierem fuerit complexus, non sceleris alicuius, sed benedicendi causa (sic enim loquuntur) ex benigna interpretatione, id

- videri admisisse. nili forsitan & illi in hoc quæstio-
 nis genere, testes parum idonei, & non omni ex-
 ceptione maiores iudicari possint, quòd illorum
 „ magnopere intersit. Sed tamen quia ut quisque
 „ est optimus, ita se maximè virum bonum & esse
 „ & nominari vult, cauendum erit ei cuius vita in
 luce omnium posita est, ne qua illum ex mulie-
 rum aditu infamix vel minima suspicio attingat.
 Nam omnino negligere quid de nobis dicant ho-
 „ mines, dissolutum est. Præterea ut Hesiodus dixit.
 „ *Ὅς δὲ γυναῖκιν πέποιθε, πέποιθ' ὄγε φίληται.*
 „ Qui fidit, inquit, mulieribus, & is furibus fidem
 habet. quod tamen de his dictum existimamus,
 quarum vita ad omnem licentiam & libidinem
 parata est, à quibus qui Deo acceptus esse
 cupit, facile se liberabit, ut inquit Sa-
 lomon, qui verò scelera-
 tus est, ca-
 pietur.



In tabulis Hipparchi.

Πάντα ἰδὼν διὸς ὀφθαλμοῖς καὶ πάντα
νοήσας.



Lynceus in medijs castris Hipparchus oberrat
Et desertores conijcit in tabulam,
Omnia perlustrat, nihil illerelinquit multum,
Imperat & miseris stigmata dignareis.
Non potes aeterni tabulas calare tonantis,
Omnia sunt oculis crimina nuda suis:
Quaque latent, vigiles miseri seſtoris ocellos,
Cernit ab Aethereo maximus ille polo.

N iiij

NARRATIO PHILOSOPHICÆ.

QUÆ æternam Dei immortalis prouidentia sermonibus & disputationibus suis conuellere conati sunt, nulla re magis reliquos homines tam absurdæ disciplinæ adiungi posse putauerunt, quàm si scelerum omnium impunitatem summa contentione prædicarent, & vulgus imperitum velut proposita vtilitate demulcerent. Nam si ad mortalium facinora & sordes diuina illa virtus quasi sopita putatur conuiuere, si nullis nostris aut beneficiis, aut malefactis impellitur, si inferiora ista non curat, quis tam à natura bene informatus est, qui in summa animi ægrotatione non lubens desipiat, & non aliqua peccandi illecebra capiatur? Vt enim Pythagoras tum maxime pietatem cæterasque virtutes in animis nostris versari ait, cum rebus diuinis operam daremus: ita cuius studium malè agendo non erectum retinetur, cum ab actionibus nostris Deum alienum esse suspicamur? Itaque sapientissimus Thales hoc omnibus persuasum esse debere existimauit, deos omnia cernere, & deorum plena esse omnia. Ex quo necessario sit euenturum, ut & meliores simus, & ad omnia pietatis virtutisque officia paratiores. Quia verò magna vis est conscientia (ut ait ille) in vtranque partem, euenit certè ut hominibus probis rectè actæ vitæ recordatio sit iucundissima: sceleratis autem, quorum malè agendo vitæ districta est, suæ perpetuò occurrant iniuriæ: ut ducere animam de cælo, nisi in summo luctu & mœrore non queant. Neque quisquam vnquam

tam

tam flagitiosus est repertus, qui nihil sibi à diuino
 numinè metuendum esse iudicaret. Nam & is qui
 omnia Græciæ fana spoliarat Dionysius, ita suis
 delictis terrebatur, vt noctes & dies pœnam antè
 oculos versari existimaret. At is in tanta flagi-
 tiorum impuritate, summi Dei prouidentiam ne
 exclusit quidem: qui cùm templo Locris expilato
 secundissimè Syracusas nauigaret, videtisne (in-
 quit) amici quam prospera nauigatiò sacrilegis,
 à diis immortalibus tribuatur. Et si enim patien-
 tia & benignitate Dei abutebatur ad conuitium,
 quodammodo tamen concedebat versari quan-
 dam in humanis rebus illius numinis præscien-
 tiam curam, & pronœam, quæ omnia nostra am-
 bitu suo & maiestate contineret. Neque enim si

homines omni criminum macula conteme-

rati felicissimè cursum tenent, conti-

nuò Deus optimus maximus

tantam impietate aut

nò videre, aut ni-

hil curare sit

dicen-

mus.

N iij



Aspis.

Amicitia post aras.




Non prius è fovea visu truculentior aspis
Exit, quàm comitem senserit esse sibi:
Vt si forte hominis violentis occidat armis,
Vindicez. hac tandem tristia fata comes.
Vnusquisque sibi fidum conquirat Achatem,
Cuius post aras duret amicitia.

NARRATIO PHILOSOPHICA.

EREGIVM immortalitatis decus, & mea sententia castellanis omnibus triumphis antepōnendum, tam sanctè piēque amicitiam alicuius coluisse, vt illi quibuscunque rebus, neque gratia, neque officio, neque voluntate defueris. Neque verò minus Thesei & Pirithoi, Orestis & Pyladis, Damonis & Pythiæ amicitia veterum scriptis & historiis celebratur, quàm eorum imperatorum virtus, qui patriam suam exterarum nationum spoliis, & triumphis ornauerunt. Quo in vinculo tantum ius & fides, tantum religio valet, vt ad duorū mirificam coniunctionem ne tertius quidem possit accedere. Nam quamuis non vulgare esset Dionysij tyranni erga Dāmonem & Pythiam beneficium, qui vitam illis donauisset quam adimere potuerat, non tamen præstantissimo illo amicitiae nexu obligari potuit: quòd summum beneuolentiæ, tuendæ ius ex tribus constare nequit. Huius in naturis hominum tanta vis est & potestas, vt quiverè amet, dum amico suo officiosus esse cupit, neque se, neque suā velit meminisse: & coniunctionem illam non modo clientelis & fortunis, sed etiā vitæ anteponat. In quo verè Christianus animus intelligitur, sic alteri prodesse vt etiam ex iactura, tua te fructum & commodum capere arbitrere. Neque sunt audiēdi illi (nollem homines nostros) qui tantum vtilitate sua amicos complectendos putabunt: quosque non ipsa honesti specie, nō pietate, non generis cognatione, sed proposita vtilitate ad beneficentiam adduxeris. Nam et si ratio

bene merendi eam habet legem, vt semper recipro-
cetur, pessimè tamen in amicitia res geritur, cum
sola commodorum expectatio ad officium exusci-
tat. In eo enim simulationi amicitia præstat, quodd
sua ipsius gloria & mercede contenta est: in qua &
illud præclarè dicitur, extinctos nos in amicis quo-
dammodo superesse & extare, quorum studio &
diligentia in summo liberorum luctu & negotiis
orbitas nostra farciatur. Nam plerumque amicitie
& necessitudines quas hæreditarias à patribus ac-
cipimus quiddā secū afferunt vberius, quàm
locuples hæreditas. Et multa sunt quæ
pecunia & patrimonio paran-
tur, at amicitia ne-
quit.





*In belluones librum.
Aliquando feriandum.*



*Proctogenes nimium pictura intentus inani,
Non norat dextram tollere de tabula.
Qui genium fraudas & iusti chænicis vsum,
Vt possis studijs inuigilare tuis:
Obductasque sibi tractas sine pulvere chartas,
Non metuis sati conscius esse tui?*



NARRATIO PHILOSOPHICA.

CATONEM cum qui postea Vticensis dictus
est, Marcus Cicero librorum helluonem ap-
pellauit, quod doctrinæ studia nūquam intermit-
teret, & quantum illi forentium negotiorum la-
bor otij tribuebat, ad legendum conferret. In iis-
dem literarum studiis immori audiuius C. Pli-
nium, qui omne tempus sibi perire affirmabat,
quod non rerum magnarum contemplationi im-
penderet. Qua in sententia principes illi philoso-
phi fuerunt, qui cum se à publicis negotiis remo-
uissent, animum ad veritatis cognitionem accom-
modauerunt, & dies noctesque in contentione ver-
sabantur. Quod etsi laudandum & gloriosum est,
erit tamen ei qui ita animo est affectus, omnino
videndum, ne qua sua iactura & valetudinis offen-
sione illud oneris sibi imponat. Sed forsitan homi-
nibus discendi studio inflammatis difficile factu
fuerit rationem sui habere, seque à mirifica illa di-
micatione reuocare. In quorum vitam per media
literarum studia velut quadrigis vehementem, si qua
misera fortuna ægritudinis incurrerit, discunt cer-
tè suo incommodo, quantum interposita remissio
ad sanitatem fuisset profutura. Nam etsi conten-
tioni quies incredibiliter aduersetur, accidit tamè
ut illa maiorem in modum contentionem iuuat,
eosque qui in negotio sunt, maiores postea ad rem
gerendam efficiat. Neque verò iis qui opère disti-
nentur minus peruidendum erit, quomodo labo-
rem suum mediocritate & remissione leniant,
quàm

quàmvt facile quod volunt, assequantur. Habet e-
nim sèpissimè nimis operosa còcursatio tar-
ditatem, & qui sine intermissione in a-
liquam rem fertur, interdum à cal-
ce ad carceres re-
uocatur.



*In æquos poetarum prurientium.
Ex Polycleto.*



*Sic ænum, artificis medios permanet ad ungues,
Hunc vitæ damnas o Polyclete modum.
Effuge lascivæ sapientia scripta poetæ,
Adpingunt luteas unguibus illa notas:
Talia nativum ledunt monumenta pudorem,
Atque inculpatis moribus officiunt.*

NARRATIO PHILOSOPHICA.

PLATO grauissimus veteris sapiētiae antistes, è re ciuitatis, quam ille præclarissimis fundabat institutis, esse existimauit, poëtas & reliquos voluptatū artifices procul à republica amandare. Qui enim dum magnam doctrinæ & virtutis speciem præ se ferunt, imprudentes fallunt, iis mea sententia non debet esse in ciuitate locus. Honorem quoque huic hominum generi antiquitus nō fuisse, M. Catonis declarat oratio, in qua ille pro scelere Nobiliori ponit, quòd consul Ennium duxisset in prouinciā. Sed ista opinor nimium stoica & seuera: Erat enim poëta ille, vt accepimus, » haud magna in re, sed fidei plenus. Nam si ad pœ- » nam constituendam aut decreta ferenda irati non debemus accedere, & qui certè & placati in illos esse debemus, quorū opera non modo ad res magnorum virorum memorię mandandas, sed ad hominum nefariorum flagitia verbis coercenda, vtilis reipublicæ esse potest. Neque verò mihi omnino persuasum est, Platoni in eo albo poëtas præstantissimos fuisse, quorum scriptis legentium animus, non modo ad turpissimi facinoris cogitationem non deducitur, sed incitatione quadam ad virtutem efficitur propensior. Itaque Alexander Macedo, cum in Sigeo ad Achilistumulum astirisset, felicem eum prædicauit, cui Homerus tantus rerum à se fortiter gestarum præco contigisset. Is enim summi viri historias tanta cum gloria est persecutus, vt difficile factu sit iudicare, vtri

plus laudis ex illo scriptorum genere fit allatum. Nam vt facere laudanda magnopere gloriosum est, ita certè & illa prodere literis ad eandē fermē commendationem accedit. Vnde & apud Græcos mos valuerat, vt in conuiujs poëtę adhiberentur, qui magnorum virorum laudes poëtica illa facultate recitarent. Et Simonides parum gratiæ à Scopā dicitur iniisse, quòd in eo carmine, quod pecunia se in honorem Scopæ facturum receperat, nonnulla de Tyndaridis honorificè prædicasset. Sed postquam in perhibendis præclarè gestis, poetarū studia sunt neglecta, homines quoque (vt ait Plinius) facere laudanda desierunt. Non enim à præstantibus & magnis viris posteritatis cōsolatio repudianda est, neque omnino gloria negligenda, si modo ex benefactis & virtutis actionibus quæritur. Erunt igitur modis omnibus in republica tuēdi, per quos plerunq; accidit, vt homines studio gloriæ inflammati, facere scribēda non recusarēt. Sed qui ita scribunt, vt legentibus illecebram peccādi afferant, qui hominibus satis à natura in libidinem propēsis voluptatū stimulos admouēt, qui detestanda quæque flagitia, quæ ne prohibere quidem propter verecundiam veteres legislatores voluerūt, ob oculos proponūt, qui naturæ & virtutis omnis seminaria in nobis restingunt, quid, quæso illis cū optimis ciuib; cōmune esse possit? Odiosum verò est, quod à nonnullis dicitur, non posse poemata nisi pruriant, placere: quasi ipsa virtutis forma nō sit omni corporis voluptate aut amabili-
 or, aut magis expetenda:

In vete-

In perfunctorie iudicantes.

Μέδῃ δὲ δίκην δικάσας πρὶν ἀποποιῆσθαι
ἀνδρῶν.



Diceret Aemathius populis dñi iura Philippus,
Maximus innasti torpida membra sopor.
Tandem experrectus sortes coniecit in urnam,
Et causa ignota iudicat ille reum.
Dum sudant rauci tenebrosi in lite patroni,
Sape Senatorum corpora somnus habet.
Quis potes obscura momenta expendere cause,
Si lite in media membra sopore ruunt?

NARRATIO PHILOSOPHICA.

E GREGIA illa & præstantissimo senatore digna sententia, qua apud Homerum Somnus Deus Agamemnonem regem in quiete his verbis affatur,

Οὐ χεῖν παννύχιον ἐνδειν βελιπόροισιν ἀνδράσιν.

- ” Non decet, inquit, totam noctem dormire consiliarium virum. Neque enim ad reipublicæ temperationem, aut iuris reddendi authoritatem satis affert instrumenti ea quæ in re familiari gubernanda recepta est accuratio: sed quiddam cumulatius & plenius postulat ciuitatis tuendæ status, ad cuius moderationem qui accedit, etiam rebus pacatis nunquam sine cura & sollicitudine esse debet. Nam cum erit publicis negotiis & opere vacuus, tum demum opportunissimum erit tempus de negotio cogitandi, vt de Africar. o’ anæ-tium dicere audiuius. Semper aliquis inquireret & disceret. semper futura prouidebit, & noctes in arctissima cogitatione ponet, vt his malis aliqua ratione niederi possit, quæ celerius opinione hominum solent obrepere, vt ad vtrunque fortunam egregiè sit armatus. Vnde in pace & florentissimis ciuitatis rebus, de bello cogitabit. sicque nihil omnino poterit accidere, quod non longè antè sit meditaturn & præuisum. Itaque homini senatori & publicis magnisque rebus distecto, tantò turpius est antelucana opera à fabris vincere, quantò ille sedentariis & artificibus dignitate præstat. Alexander quidem cum pomeridiano tempore dormiisset, quod putaret opinor imperatori sum

summo naturæ necessitatibus parcè inferuendum
 esse, dixit se tutò & sine culpa dormiisse, quòd vi-
 gilasset Antipater. Quo minus erit ignoscendum
 iis qui de maximis rebus iudices accepti, in ipsa
 iudicij contentione, reliquo ordine omni & po-
 pulo inspectante dormiunt, & momentis causæ
 vixdum tribatis sententiam ferunt. Felix certè &
 immortalitate dignum ingenium, de his rebus ho-
 minem somno oppressum iudicare posse, ad quas
 audiendas qui se attentius accommodauerint, ne
 illi quidem satis ad iudicandum parati esse pos-
 sint. Neque verò sperandum est vt illi publi-
 ca negotia domi curæ sint, qui inter
 ipsa subsellia & iudicio iam
 constituto in som-
 nū conuer-
 titur.

O ij



Vetus nuptiarum ritus.

In licentiam virginum.



*Mos fuit ut iustis nuper socianda hymenais
 Multoties liquida perlueretur aqua.
 Ecquid ita? ut casta virgo sacrata Diane
 Prodeat in sanctum non violata thorum.
 Credita virginea cui sunt areana iuventa?
 Ecquis scire dolos paruaque furta potest?
 O quoties facili mentita puella marito est
 Falsa colorata signa pudicitia:*

NARRATIO PHILOSOPHICA.

TANTVM semper apud veteres illos matrimonio
nij valuit religio, vt nemo nisi diis appro-
bantibus, & aliquo sacrificio placatis, se nuptiis
alligaret. Iam verò ea quæ in manum viri conue-
niebat, ad ipsam aram aqua conspergebatur, vt il-
lius pudicitia & anteaçtæ vitæ integritas non in
tenebris latere, sed testata omnibus & in oculis to-
tius ciuitatis posita esse videretur: & ad colendam
etiam in matrimonio castitatem quasi instructior
accederet. Fit enim quodammodo vt quiddam cu-
mulatũ de illius castitate futuro matrimonio no-
bis promittamus, quæ in iuuetute longa officiorũ
omniũ constantia & fide, sibi continentia nomen
peperit sempiternum. Ac in vetere illa lege, cuius
descriptio à Domino Mosi data est, tanti est ha-
bitum vxorem virginem, & nulla impudicitie ma-
cula contemeratam in mariti domum perducì, vt
viro de mulieris suæ existimatione laboranti, &
ante matrimonium violatam ab illa pudicitiam
suspiciãti, potestas à lege facta sit de ea re apud Cõ-
siliũ querelam perferendi, & primam vxoris
pueritiam ad iudiciũ famæ deposcendi. Habet
enim muliebris ille animus virtutis significatio-
nem, quæ tamen sæpius & tempore, & multis
postea euentis collabascit, neq; locum suum apud
homines tueri potest. Nam quantis simulationum
inuolucris tegi, & quasi quibusdam velis obtendi
earum naturam existimamus, quibus plus studij
& operæ in externis illis blanditiis, quàm in vero
amicitiæ cultu esse solet. Neque verò ea quæ sem-

per priuatim & domi vixit, subitò continens appellanda est. Nam sicut in comitiis & prensandis magistratibus dici solet, nox vna interposita perturbat omnia, & saepe vno temporis momento labefactatur, quod diuturna probitatis apparitione, ab illa sit perfectum. Vt enim non tantum poetis elaborandum est, vt aliqua parte placeant, sed id etiam efficiendum erit, vt perpetua fabula & vsque ad extremum delectent: ita nunquam aliqua castitatis & continentiae laudem feret, nisi extremum vitae actum perpetuae integritatis constantia confecerit. Sed vt animorum omnium, ita

certè muliebrium maximè iudicium diffici-

le est: neque de ea longa probitatis opi-

nio esse potest, cui omnia in vestis

compositione, saltationibus

coetu & rerum fortuita-

rum appetitio-

ne posita

sunt.



Ad Trapezitam.

In Aulicos.



*Dum tu intentus inis rationem, calculus vnus
Hac vice mille valet, qui modo tressis erat.
Turgidus aurata regum qui degit in aula,
Et cui magnanimi principis aura fauet,
Sæpe peregrinis inglorius exulat auris,
Fortunâsque eius siebilis hasta quatit.*

O iij



NARRATIO PHILOSOPHICA.

DECLARAVIT iamdudum *διονύσιος* & *ἡ κρισις* quàm parum tuta esset illorum navigatio, qui multitudinis iudicio & populari aura iactati, nunquam cupiditatum suarum portum inuenire potuerunt. Tantò enim eorum conditio miserior existimanda est, quantò turpius habetur aliorum nutu & euentis rationem vitæ nostræ circumscriptionem teneri. Vt enim hic fortis, hic sapiens, hic moderatus est, hic denique viuendi rationem bene comparatam habet, qui siue in aduersa, siue in propitia fortuna, perpetua quadã animi æqualitate & constantia paret & obedit præcepto illi veteri, vt lætetur aut moereat. nunquam, sed in seipso omnem spem reponat sui: ita hic stultus & amens est, qui tam ex aliorum iudicio & voluntate pendet, vt eodem die quacunque mutatione irrepente & fortunatus & miser dici possit. Clito amico & necessario suo Alexander valde familiariter utebatur: at is à tam intimo, victus credo iracundia, ne manus quidem abstinere potuit. Sed in hominis boni & sapientis iactura dolendum omnibus, atque ipsi Alexandro fuit. Adeo non est tutum apud principes in amicitia & clientela esse. Nos verò quàm mirifica voluptate impellimur, cum noui in republica motus impotentes istos & rerum secundarum prosperitate elatos, aliquo casu perculerint. Qui enim neque ex philosophiæ præceptis, aut si placet ex Evangelica disciplina, neque ex aliorum successibus memoria repetendis meliores fiunt, quorum animus ad virtutem


& mo

& moderationem omnem obfirmatus est, qui in populi damno & iactura non mouentur, ferè accidit vt antequam è vita migrent periculo suo rerum humanarum & honorum inconstantiam ediscant. Quod non in eo est, vt hoc illis in pœna malè actæ vitæ ponam, & quasi iudicium Dei optimi maximi anticipem, qui sæpe fortissimos ciues eiusmodi calamitate pepulit: sed non possum non lætitia affici, quoties alicuius casus acerbitas id secum boni affert, vt insolentes homines iuuenili audacia & inani quadam potentia exultantes, primum coercere, deinde etiam ad æquitatem animi possit deducere. Pulchrum est certè regum clientelas iactare posse, gloriosum est maximos apud principes magistratus gerere: vtile reipublicæ est sese iis qui præsumt ad consulendum accommodare, neq; viro bono recusanda est rerum gerendarum cura: sed iis qui in eo genere se exercebunt erit diligenter videndum, vt præclare in officio sint, & neminem eorum lædant, quorum vtilitatibus procurandis quasi tutores lege principali dati sunt. Nam si ita ratio & natura postulat, vt qui belluis & feris sunt præfecti, earum commodis diligenter seruiant, quid eos facere oportebit, quibus æqualium suorum temperatio attributa decreto est? Sed quorundam hominum appetitus in eo quod populo calamitosum est, sæpe triumphat & exultat, neque sibi vnquam satisfacit, nisi multorum ciuium caput & fortunas offenderit. Quorum mores quia ad tantam cupiditatem incubuerunt, vt totam reipublicæ moderationem vtilitatibus suis

metiantur: ferendum est æquo animo, si nonnulla in eorum vitam incurrant, quæ rebus prosperis fracti posse euenire nunquam erant suspicati. Fundum ærarij & inopiam auribus multitudinis inculant, sed moderationis est & temperantiæ, proscriptos magistratus & vanales pati in fiscum deferri, & ex eis publicè pecuniam refici. Qui autem illos à principibus impetrât, & postea populo addicunt, vt pecuniam quam negotiationis nomine ab emptoribus abstulerint, in rationes suas referant, habent profectò quod de se querantur.

Non est enim consentaneum, cum qui in exhauriendo ærario valde occupatus est, alij afflicta & profligata vectigalia reponere.






In nodum Gordium.

Virtuti fata plerunque obstant.



*A spice ut implicitos, ad tēpla immania nodo,
Nec queat Aemathius solvere vincla puer.
Gordius est nodus, quem si dissolvere possit,
Ex Asia solus regia sceptr'a feret,
Sed cui nodorum primordia cognita non sunt,
Tentatum toties qui reserabit opus?
Non quius superare potest ingenti aragna,
Sed nianus aut populus cui dare fata volēt.*



NARRATIO PHILOSOPHICA.

LY S A N D R U M Lacedæmonium ferunt, cùm
 Sardis ad Cyrum legatus à suis venisset, ab eo-
 dem rege in conseptum quendam agrum dedu-
 ctum esse: vbi cum proceritates arborum & miri-
 ficas descriptiones valde esset admiratus, intelle-
 xit eos ordines ab ipso Cyro esse digestos. Tum in-
 tuentem ornatum Persicum & purpuram regis di-
 xisse, Bene certè te beatum aiunt ò Cyre, quòd vir
 „ tuti tuæ fortuna coniuncta est: quibus verbis apud
 Xenophontem Socrates quiddam egregiè felix
 & fortunatum videtur designare. Nam victorem
 esse & imperandi gloria præstare, ex Peripatetica
 disciplina sunt in bonis: quibus si æterna societate
 virtus sese adiūxerit, efficitur etiam Stoicis placa-
 tis admiranda quædam in rerum natura felicitas.
 „ Sed tamen ita à natura facti sumus, vt nobis ad vir-
 „ tutem facilis sit & via & doctrina: nec aliud est
 „ peccare quàm contra naturam facere: cui, qui ma-
 „ lè agunt quasi bellum videntur indicare. Hanc ve-
 „ rò qui ducem sequuntur, nuquam à recto, nun-
 „ quam ab honesto deduci possunt. Sed præesse &
 principatum in cæteros habere, non omnibus cer-
 tè à sempiterna illa mente datum est. Nam iis qui
 auri copia & maximis exercitibus abundant, qui
 latè rerum potiuntur, qui barbarorum auxilia in
 promptu habent, qui regum & nationum cliente-
 las gloriantur, non continuò licet vincere, castra
 capere, aut vrbes in potestatem fidemque redige-
 re: frustra que multivi & armis cõtenderunt quod
 Dei prouidentia & fatorum necessitas prohibe-
 bant.

bant. Persas innumerabili propè militum manu in Græciam venientes, superatos audiuius in Marathone agro à Miltiade Atheniensium duce. Idè paulò pòst & Themistocli contigit, vt eos profligaret, quibus aciem instruentibus non solum terræ, sed ne maria quidem stare posse viderentur. Ià quantis cladibus nostri Turcas affecerūt, licet numero militum, reliquoque omni castrorū instructu illis concederent. Ac si quis tempus illud, quo ad Octauium puerum res Romanæ deueniunt, memoria complectitur, possit adduci vt tam præcipitem & celerem florentissimæ ciuitatis commutationem, non fabulæ similem existimet? Quis puerum, quis iuuenem, vix dum aliqua perfunctū dignitate, ad rerum tantarum fastigium vocari potuisse ante cogitarat? Sed hæc extra hominis cōiecturam versantur, & omnino ab æterna illa discretione pendent: cui qui in amplissimo dignitatum gradu locati sunt, tantum splendorem acceptum referre debent: qui verò aliis subsunt, non ita animum demittere, vt suæ se fortunæ pœniteat: sed tam bono & forti animo erunt, vt etiam in abiecta fortuna verè liberi & regum reges appellari possint:

In Anaxarchum.

Dolor non est malum.



Fortis Anaxarchus Cyprii tormenta tyranni
Negligit, & subitas non timet exequias:
Tunde, inquit, magis atque magis quod conte-
ris, inquit,
Arca mea est: in me nil tua poena potest,

NARRATIO, PHILOSOPHICA.

SI VT multorum philosophorum longa fuit
consensio, malum omne opinionis est non na-
turæ, viro sapienti summopere erit. contendend-
um, vt dolorem si quando acciderit, summa cō-
stantia & æquabilitate ferat. Neque opinor patie-
tur in se valere, quod Dionysio Heracleoti leuissi-
mo philosopho contigit: quem cum Zeno Stoi-
cus & sapere & aduersus malum omne paratum
esse docuisset, ferunt morbo quodam incurrente
tam fracto & demisso, animo fuisse, vt falsa esse in
ipso eiulatu clamitaret, quæ antea de dolore sen-
serat. At nō oportuit hominem philosophum ex
renibus laborantem de gradu prudentiæ discede-
re. Habebit verò semper in ore Epaminundam il-
lum, qui graui vulnere accepto morti appropin-
quans non prius sibi telum auelli, aut sui ratio-
nem haberi passus est, quàm de victoria suo capi-
te ciuibus suis parta nuncium accepisset. Ad-
mirabilis illa animi elatio, vitæ suæ dispen-
dium & iacturam reipublicæ commodis so-
lari posse. Iam verò, si tales nos natura ef-
fecisset, vt non ex fortitudine animi & recte-
factis fructus gloriæ esset capiendus, dolo-
rem tamen vel hoc ipso placatè ferre debere-
mus, quòd pusillum & planè muliebri iudi-
catur in dolore siue malo exclamare. At si
lumen aliquod virtutis aspiciamus, si præ-
stantiam naturæ hominis, si honesti for-
mam contuemur, possit aliquis tam ab-
iectus

icētus & humilis videri, vt in doloris pressu vlu-
 lantem se sine verecundia audire possit? Multi e-
 nīm pudore attolluntur, qui nulla alia ratione vin-
 ci possunt, qui modus in prāstantibus & magnis
 vīris ad æquitatem deducendis non mediocriter
 valet. Calanus verò homo Indus & Barbarus quā
 ta alacritatē in rogum processit? cuius tanta fuit
 in morte, quam sibi priuato consilio sumpserat,
 gratuitas & constantia, quanta nulla alia in philoso-
 pho fuisse memoratur: quasi opinor in æternam il-
 lam domum esset venturus, in qua mortalis ista
 & plena periculorum vita, cum immortalitate sit
 commutanda. Ad quam cogitationem qui se ac-
 commodant, habent certē aliquid, quod in sum-
 mis periculis non admodum pertimescendum pu-
 tent: qui verò nihil tale animo cōcipiunt, se tamen
 sēpissimē à dolore inuictos prāstant, vel vt glo-
 riam sibi parēt, vel vt ciuibz aut patriæ suæ quie-
 tem relinquant. Itaque fortissimē Lacedæmo-
 „ nij Philipo minitanti responderunt, essetne is
 „ prohibiturus quominus morerentur: quasi
 „ nihil homini accidere in vita possit,
 „ quod sit horribile, si cul-
 „ pam & scelus su-
 „ stuleris.

Noctua.

Cum Turcis bellandum.



Oppida collatis inuadite Turcica signis
 Reges: vos etenim summa trophæa manent.
 Cernite sperati præsagia certa triumphi,
 Vobis à dextra Noctua venit aus.

P

MIRETUR non iniuste aliquis, quod cum maiores nostri perpetua quadam constantia in opprimendis Othomanorum viribus occupati fuerint, & per illos tot calamitates & clades à communi Turcarum peste depulsæ sint, tandem eas ipsas in caput posterorum recidisse. Nam ne externa semper meditemur, quot victoriis Galli principes eam gentem in Asia & Africa dicuntur profligasse? Testes sunt illi, qui dominatu Turcico liberata Syria, multos annos in oriente imperium tenuerunt, atque eos à quibus ipsa virtus & Christianæ religionis ornamenta quondam ad nos profecta fuerant, Christianis institutis iterum viuere, & inter mortuam fidem, & barbarorum tyrannide oppressam recipere coegerunt. Quorum victoria & magnitudo animi si tam parum profecit nobis, vt non tantum quæ illorum virtute parta fuerant, tenere non potuimus, sed ea ipsi amissimus, quorum iusta hæreditas ad nos pertinebat, quid est quæso quod homini Christiano magis efficiendum est, quam vt eam cogitationem toto pectore complectatur, quæ in repetendis rebus per Asiaticos Turcas ablatis posita est. Nam si qui sunt tam pacis & otij amantes, vt gentes eas Christianorum spoliis & sanguine refertissimas non existiment bello prouocari oportere, non video sanè tempus vllum quo iustum bellum indici possit. Neque verò in eo nostra versatur oratio, licitane sint in-

ter Christianos ultro citroq; bella: scio enim multos in ea sententia fuisse, ut aliquo casu iustum bellum indici posse iudicarent. sed hæc fortasse nihil ad hoc pensum. Qui autem quominus cum Turcis & barbaris prælio decertemus, religione impediri nos existimant, neque vllum relinquunt Christianis locum res ablatas auferendi, videntur, mea sententia, non solum in retinendis Christianorum principatibus eam gentem præsidiiis firmare, sed ad reliquias quoque opprimendas reddere instructiorem. Iam verò quæ iniustitia est, aut quæ potius improbitas, per quos armis fueris læcessitus, eos bello appetere non licere: qui delubra, qui fana & templa, qui aras & focos, qui sepulchra familiaria in luce omnium expilârunt & violauerunt, horum impunitas Christianorum autoritate & sententiis possit esse consignata. Ac si quis est qui Christianam fidem vi & armis in vulgus profeminandam esse non putet, habet certè me opinionis suæ laudatorem & sequacẽ. Malè enim se res habet, cum quod cõsilio si, & Dei optimi maximi benevolentia geri debet, id tentatur vi & armis. Nam cum in omnibus actionibus quæ ad animum pertinent, tum certè in religione plurimum priuata incitatio valet. Sed non est ferendum, vetus illud & iustum Christianæ fidei patrimonium, nobisque à maioribus hæreditarium, hominum nefariorum audacia violari, & diripi: quibus non tantum cum religione nostra (hanc enim vel ipsa natura oderunt) sed cum reliquis virtutibus omni-

bus perpetua semper dimicatio fuit: qui veterem
 illam Græciam sapientiæ & humanitatis omnis
 theatrū: qui florentissimas Asiæ ciuitates, in qui-
 bus primū clara voce & incredibili constantia
 de religione Christi decreta perscripta sunt, tanto
 studio & admirabili cōsensione bonorum omniū,
 qui Christianorum conuentus frequentes oriente
 toto, funditus deleuerūt, hi tandiu nostrorum ho-
 minum patientia abuti possint, horum scelus &
 impietas in oculis, in auribus, in lateribus regum
 & principum versari permittatur. Sed vt ait lon-
 ge optimus poëta, κακῶν ἔκ ἐσσιται ἀλκή. In
 quibus forsā frustra naturæ necessi-
 tas accusandā sit, cū in calami-
 tatibus & miseriis accersen-
 dis simus perquam
 .. diligentes .





In Stesichorum

De mulieribus, neque bene neque malè
loquendum esse.




*Stesichore, offensus quæ tandem numinis ira
Imprudens oculos eripuerit tibi?*

An quod Ledeæ decus immortalæ puellæ

Ausus es insanis ledere carminibus?

*Mitte leuis peragat Milesia veller a virgo,
Et neat obscuro culta puella fæco.*

*Nam est digna tuæ quæ sentiat arma Camæne,
Quæq; Licambæis concidat ætæa notis.*



NARRATIO PHILOSOPHICA.

STESICHORVM poëtam, cum in eius ætatē siam ingrauescentem misera cæcitatē fortuna incurrisset, merito illo supplicio à diis immortalibus affectum fabulæ crediderunt, quod parum honorificè de Helenæ pulchritudine & elegantia cecinisset. Quod etsi naturæ potius aut senectutis vitio quàm aliqua deorum offensione illi accidisse credendum est: non est tamē opinor extra noxam, qui muliebria illa ad otium stylūque suum voluerit pertinere. Nā Thucydides nō solum doctrinæ gloria, sed genere quoque princeps ciuitatis suæ, existimauit, de mulieribus neque bene neque malè loquendum esse: & quemadmodum natura, ea quæ in hominum corporibus deformem aspectum habent, longè amandauit ab oculis: ita earum animantium memoriam, quæ cogitationē angusti & infirmi animi legentibus esset allatura, in tenebris latere homo prudētissimus voluit. Neque enim ea exempla ad memoriæ diuturnitatem valent, quorum imitatio periculosa esse potest. Ac ut magnorum virorum res gestæ monumētis proditæ, multis sapissimè ad eandem gloriam stimulos addiderunt: ita certè fatendum est, non pullos ex flagitij aut rei turpiter gestæ historia ad omnē sceleris indignitatem incitatiores esse factos. Vnde & sapientissimus legislator Solon de parricidis legem non tulit, ne antea inauditum crimē potius docere quàm vetare videretur. Sed quia in fœminarum genere nonnulla egregiè facta extiterunt, digna certè quæ & testimonio hominum & lite-

ris nostris illustrentur, non existimârunt Romani alienum à dignitate ciuitatis suæ, si honestissimæ matronæ postquam ex vita migrauissent, laudarentur: Marcoque Antonio summo oratori laudi datum est, quòd Popiliam matrem fœminam primariam nouo exemplo apud populũ laudauisset. Habet enim commendationem, cùm in animo muliebri plane virilis fortitudo & virtus elucescit.

P iij



In certamen equi & tauri.

Libertatem vedit qui beneficium accipit.



*Cum timet infrani truculentia cornua tauri,
Nec cōferre pedem mollior audet equus:
Implorat opes hominis, fr̃ an'oque recepto
Hostem persacili proterit ille manu;
Verum ubi signa domũ retulit victricia, frustra
Aeternum queritur colla subire iugum.
Sic caueat meritis aliorum qui volet uti,
Ne libertatem venditet ille suam.*

In quendam, qui cùm meam fidem leuissimo
beneficio sibi obstrictam haberet, in me fa-
ctus erat licentior.

*Me dudum ab misero retinet Longinus in are,
Et pensum ingrati quaritat officij:
Nec pudet hunc fatuis me compellare querelis,
Dum stultus merito non putat esse parem.
Quo superi redimam malè faustas munere grates?
Ne gleba Sardum me putet esse sibi*

A L I V D

*Iam neque me Siculi terrent prasagia tauri,
Nec durum addicta conditionis opus,
Aut aliena olim miseris signata calendis
Aera, Saguntina deteriora fame.
Dum ne, qui euentis partes metitur honesti,
Me scriptum ex tabulis vendicet ille suis.*

P ▼

NARRATIO PHILOSOPHICA.

NE tu quæso istas ineptias homo tuo quidem iudicio valde sapiens. Pergisne iterum tanquam ex syngrapha agere nobiscum? In quo valde miror, tibi mea sententia non indocto in mentem venisse, religionem, fidem, pietatem, officium, libertatem (quæ mihi vita ipsa charior est) animum denique meum apud te obsignatum teneri posse, pusillo credito voluntatis tuæ. At beneficium gratiæ & benevolentia non mutuum pecuniæ fuit, in quo parum laboro: sed tuæ existimes me ullis rebus adduci potuisse, ut iudiciū animi mei postponerem clientelis tuis. Tu nos vitæ ratione tam malè comparata, tamque parum ex nobis aptos fuisse: tu de toto genere institutorum meorum tam fractè & demissè iudicasti! tu hominem, & quod in hominum animis æternum & ingeneratum est, vno merito obstringi existimasti! tu præclarissimum libertatis patrimonium, pro quo etiam vim parenti afferri debere veteres sapientes iudicauerunt, vno obsequio profligari & affligi! Tu leges, tu ius gentium, tu vinculum religionis, quibus authoribus nemo vnquam à se sui principatum abdicauit, obstringi mancipio voluntatis tuæ: Tibi denique persuasum esse potuit, eos quorum utilitatibus & terrarum orbis, &

Hoc sublime candens quem vocant Aethera
se se accomodat: quorum causâ vrbes ædificatæ,
vineæ institutæ, arborum descriptiones & ordines digesti, fluminum fontiumque perenitantes inuentæ, quorum commodis & leuationi so-
lis

lis & Lunæ circuitus, reliquorumque syderum
 anniuersarij statique motus inseruiunt, eos mi-
 nutissimis officiis & leuidensa tua quasi nexu al-
 ligari. Sed quemadmodum apud Homerum præ-
 stantissimus ille rex regum Agamemnon, Achil-
 li præsentī iracundia inflammato, & verborum
 audacia exultanti, cū in maledicendo modum
 non teneret, fertur respondisse,

Παρ' ἐμοί γε καὶ ἄλλοι

Οἳ καὶ με τιμῶσσι, μάλιχα δὲ μετίετα ζῶς.

Apud me, inquit ille, & ij qui me colent, maximè
 verò consiliarius Iuppiter. Ita & apud te possum
 prædicare, me iudicio beneuolentiæ tuæ mirifi-
 cè delectatum (etsi certè id in nos & perexiguum
 & vulgare fuit) sed non patiar etiamsi multo-
 ties sit mors oppetenda, vel minimam seruitutis
 labeculam aspergi libertati nostræ: neque enim
 existimo Deum tam esse auersum à cuiusquam
 salute, vt in vnius homunculi beneficio dignita-
 tis & splendoris omnis iactura sit ponenda. Ita-
 que iis libenter debebimus quibus volumus, vo-
 lemus autem apud eos qui nostri rationem ha-
 bebunt, sed in omnibus consiliarius Deus. Quod
 si tuū in nos semel officium constitit, agnosco sanè
 beneuolentiam & liberalitatem tuam: sed molestè
 fero tanti te hoc bene merendi genus æstimasse, vt
 tibi nos eo nomine mirabiliter deuinctos iudica-
 ris: & liberius quàm vel pudor tuus, vel etiam
 dignitas, aut si malis libertas nostra pati posset,
 mecum expostularis. Miserrima medijsfidijs eo-
 rum in quos aliquid sit collatum cōditio, si ex ac-
 cepta

„ cepta benignitate & gratia velut capite minuam-
 „ tur, vt iam illis, vel suis vel liberis esse non liceat.

Quod si à me tibi beneficium repræsentari refi-
 ciq̃ue postulas, rationem habet: sed permitte me
 meo more & arbitrato viuere, neque stomachere,
 si id meo iure sumam, quod post homines na-
 tos ne crudelissimi tyranni subditis suis vnquam
 „ inuiderunt. Itaque si omnis beneficij comme-
 „ moratio homini pudenti verecunda est, quod
 quasi gratiæ exprobatorem habeat, vide ne pa-
 rum honestus iudicare, qui non meriti memo-
 riam renoues, hoc enim certè nobis minimè
 tibi subiratis ferendum fuisset, sed mecum tan-
 quam ex tabulis agis, quasi mihi accepto à te be-
 neficio non sit integrum, non me velle quod tute
 apud te domi cõceperis. Quid igitur tãto peret tibi
 nō probatur ratio volūtatis meæ. An me tã parum
 subducta vitæ ratione esse putas, vt in eo quod
 priuato consilio sumpserim, esse mihi per te non
 liceat? An quod tale est iudicium animi tui, vt ni-
 hil laudes nisi quod gesseris? An quod eos qui à
 te dissentiant, plurimùm à veritate abesse putas?
 An quod homini bene à natura informato nefas
 esse existimas, id minimè assentiri quod ab amico
 rogetur? sed id opinor longè turpius est in amicis
 & necessariis rogandis cupiditates suas illorum
 dignitati antepone. Nam vt de se etiam Pericles
 dicebat, *ἀλλ' οὐκ ἐν συμπαρίῃ τοῖς φίλοις, ἀλλὰ μέχρ' ἑωῶν*
 Quod si in tantis angustiis mens versatur tua, si
 tã ex aliorũ arbitrio tibi vita suspensa est, si deri-
 que tam pusillus es & abiectus, vt libertatem vno
 ben

beneficio proscribas, vt assensionem tuam, iudicium, mentem, addo etiam rationem vno merito quasi numo addicas, quæso ne me in societatem sordium tantarum voces: & patere eum esse ita vt vult, qui iandudum à rebus tam deploratis & abiectis tanquam à seuerissimo tyranno profugit. Potius igitur me viuo terra misceatur ignibus, aut mihi Deus non ita sit propitius, quàm vt tua in nos beneficia, quæ tamen nisi modica esse non possunt, me naturæ immutent meæ. Quæ si tanta extitissent, vt ea nec remunerando illustrare, nec ferendo animus meus capere vnquam potuisset: debebas tamen pro tua sapientia iudicare, nullam esse gratiam tantam, pro qua se homo liberalis & ingenuus, qualem me & esse & nominari volo, in seruitutem abduci patiatur. At collocan-
tem beneficia amicum non piscatorē oportet esse,
ne non tam bene mereri, quàm fœnus ad mensam
exercere videatur. Ac ne forte existimes nos aliqua
ægritudine aut dolore animi, his de rebus tecum
agere, sic statuo, non tam de nobis ipsis, quàm de
viri boni officio & decoro disputasse. Quid enim
magis viro forti & sapienti contendendum est,
quàm vt in omnibus vitæ actionibus in seipso
omnem spem reponat sui, & ea gerat, quæ si non
multitudinis approbatione, at certè honestatis
præsidio sese ipsa tueantur. Nam si in suscipiendis
actionibus à virtute ad alium scopum acies oculorum
reflectenda est, si honesti forma non satisfacit,
si alius finis præter dignitatem quæritur, ta-
men

» men & illud reliquum est, Præstantibus & ma-
 » gnis viris contra populi opinionem semper
 » nitendum esse. Quod enim præclarum est, ex se
 » certè præclarum est, etiam si in vulgus non probe-
 » tur. Quod si quis est tam mirificè egregius &
 » sapiens, ut ea præstare possit, non valde opinor
 » laborabit num consilio & voluntate sua homi-
 » num cupidorum studiis sit defuturus. Hactenus
 » enim amicis & necessariis obsequendum esse
 » puto, quoad eius fieri per dignitatem & officium
 » potest, in cæteris amicitiam & benevolentiam
 » colas. Neque verò vir is, quem sapientem nomi-
 » namus, ad cuiusquã de se bene meriti sensum ap-
 » plicabit voluntatem suam, neque in his offi-
 » cium suum desiderari grauatiè patietur, quæ si-
 » ne damno existimationis suæ non queunt expli-
 » cari. Quid enim per Dei immortalis fidem, in
 » homine, bene informata voluntate præstantius?
 » quid libertate animi melius? quid hominis ex-
 » cellentiæ accommodatius? Non igitur aurum
 » habere, non diuitiis & clientelis præstare, non
 » in purpura gemmisque conspici gloriosum est:
 » sed habet mirationē in mediocri fortuna, tã elato
 » & magno animo esse, ut non tantũ aurũ & diuitias
 » aspernemur, sed iis qui ea possident dignitate, no-
 » mine, libertate, vita denique videamur antecire. In
 » quo igitur M. Cicero Publio Crasso inferior. An
 » quod ab eo longè pecunia superaretur. O animos
 » nostros nunquã fortunatos, si ex eo quod quisque
 » possidet dignitas hominis æstimetur. Tibi ergo
 » cum sit exploratũ, nihil vel diuinius, vel excellen-
 » tius

tius à Deo immortalī hominibus datum esse ipſo animo, qui viget, qui ſentit, qui diſcernit, qui antecēſſiones replicat, qui conſequentia prouidet, qui deniq; res præſentes admirabili cōſilio moderatur, ipſe cōmittes vt nihil inter hominē & quadrupedē intereſſe videatur? Egone homini quòd diues eſt de via decedam? Ego illum propter opes ampliſſimas valere iubeam? ego me ei ad placendum accommodabo? ſic me denique ipſe componam, vt illius fortuna & res domeſtica plus apud me authoritatis & ponderis, quàm eius ratio & mens habitura ſit? Nam ſi mediocri homini qui virtute & reliquis animi bonis cum diuite comparandus eſt, id ego iudicij non ſim delaturus, at hoc diuiti tribuā, videor ſanè id honoris & ſtudij non illius animo (qui tamen in homine princeps eſt) ſed fortunæ & purpuræ præſtitiffe: eoq; genere pluris opes & tecta laqueata, quàm hominem qui ea tenet æſtimare. Sed neſciunt homines in eo illud præſtantiam animi ſui. Ego verò quæcunque res euentura eſt, non adducar, vt ea vel probem vel admirer. Nam in quo elaborauerunt curæ & cogitationes meæ, quid ego vſu rerum & cognitione mihi ipſe attuli, vt id expendū iudicārē, quod non eſſet perpetuum. Quæ ſunt igitur illa quæ appellas bona? clientelę, amici, opes, dignitates: at illa nō improbo: ſed non tã me abiiciā & proſternā, vt illi me poſtponam, qui nōs hac vna re antecedit. In quo ego prudentiam tuā deſyderare ſoleo, qui præſantiſſimum illud dignitatis & animi elati decus quāſi cum conuitio nobis

nobis inuidisti. Quòd si me virum bonum, si ciuē,
si liberum existimas, desine ista auribus nostris in-
culcare, quæ nemo sapiens vnquam comproba-
uit: neque in eo mihi sis molestus, quod vt cuique
saluum esset & integrum, Dei optimi maximi cō-
silio & decreto perfectum est. Quòd autem ad no-
men illud tuum, habebis debitorē nihil mo-
rātem, & si voles etiam cū vsura: quod
cū dissoluerō, alios tibi quæres
qui & mores tuos & tā in-
solentē licentiā ani-
mo moderatio
re sint la-
turi.



In statuam deæ Viriplacæ.

Concordiam in matrimonio colendam.



*Quæ dea, quæ nostris etiã nunc visitur aris?
 Quanta in corde fides, quãtus in ore decor?
 Hæc inimicitias, genialisq; intima lecti
 Iurgia, & coniugibus ponere diua iubet.
 Tu cui gratus hymen, cui vincla iugalia curæ,
 Hanc cole, connubium soluteare putes.*

Q



VIRI PLACAE deæ (quod coniugibus inter
se conciliandis præesse crederetur) statuam
Romani posuerunt: cuius tantum apud illos va-
luit religio, ut quoties aliqua domi inter maritum
& uxorem odia intercessissent, die ex conuentio-
tione dicta uterque ad illius statuam se velut ex va-
dimonio sisteret, & ciuilis dissensionis causas re-
citaret: quibus peroratis, similitate vtro citro-
que deposita, quasi per Patrempatratum nouum
,, fœdus inibatur. Ac profectò coniuges in matri-
,, monio concordia potius, quam subsidiis pecunia
,, rum septos oportet esse, quæ si pie & sancte ab eis
,, colitur, diuinum quiddam adfert inter ipsos. Quod
Romanos spectasse non absurdum fuerit iudica-
re, qui ad retinendam in matrimonio beneuolen-
tiam, conciliandasque nuptias authores deos cita-
uerunt. Quam rem etiam ad Iunonis prouiden-
tiam pertinere existimauerunt, ut non prius in ma-
trimonium conuenirent, quam illi diuinos hono-
res peregissent. Extipices vero quibus cum immo-
latorum fisis omnis versabatur cura, de victima
fel extrahebant, ut ea notatione omnibus perspe-
ctum esset, coniugium ipsum felis & iracundiæ
expers esse debere. Nam si à natura hominibus tri-
butum est, ut se vitam corpusque tueantur: eadem
opinor tutela idemque studium coniugibus in-
ter se ipsos præscribitur, quos tanto vinculo colli-
gauit Deus, ut vnum idemque corpus efficerent.
Quod si quis malè uxori suæ euenire cupit, tam
certè

certè naturæ ipsi pugnasse sit existimandus, quàm si ipse sibi bellum indixerit. Et quamuis temporibus Mosis, cui à Domino legis perscriptio data est, temporum & populorum cupiditatibus sit permissum, vt coniuges à seipsis diuerterent, & res sibi suas haberent: tantum tamen licentiæ genus velut dignitati Christianorum minimè consentaneum Christus antiquauit, hancque cautionem lege est cõplexus, vt nisi ex causa fornicationis diuortium celebraret nemo. Propius est enim, vt quæ scelere suo ius illud sacrosanctum hospitij & societatis violauit, tantæ cõmunitatis beneficio priuetur. Artemisia quidem apud Cares Mausolũ coniugẽ eo affectu & obseruantia coluit, vt ad incredibilem illum amorem nihil adiungi posse facile omnes iudicarent. Quo deinde mortuo, tantũ ad illã voluntatem accessit, vt antea dilexisse solum, tunc verò amare videretur. Nam cum moderatè desyderium mortui ferre non posset, hac vna leuatione se dolorem, si non abstergere, at certe lenire posse credidit, si mariti cineres absorberet, & illi in corpore suo monumentum extrueret. Præclara certè illa erga coniugem significatio amicitia, quæ etiam post aras viuit. Et Cn. Pompeij vxor, cum mariti vestẽ sanguine conspersam è foro domũ relata vidisset de salute illius vehemẽter cõmotã repente exanimata est: quo in casu certissima beneuolentiæ muliebris signa apparuerunt: Tanta est enim plerunq; inter coniuges suauitas, vt si forsitan vinculum illud, naturæ necessitas dissoluerit, vnusque ex illis vita sit perfunctus,

qui superstes est, non nisi inuitus amœnissimam hanc lucem possit aspicere, & æqualium consuetudinem, congressumque hominum, vitam denique sibi acerbam putet. Quæ si vniuersi in vita sibi tuenda esse proponerent, nõ tãtæ mediufidius sordes, non veneficia, non adulteria in laribus & focis versarentur. Quia verò in colloca ndis filiabus Themistoclis sententia minime probatur nobis, longèque antiquius esse iudicamus, pecuniam sine viro habere, quàm virum sine pecunia: videatur certè quodammodo de lucro accidisse, si quod matrimonium apud nos ira vacet. Nam vt æqualitas plurimum ad beneuolentiam momenti habet, ita certe nihil est ad maleuolentiam accommodatius quàm animorum fortunarumque dissimilitudo. Quærit adolescens mulierem cui amplæ sint facultates domi, neque ei omnino curæ est, si forte illa multum ætate processerit: vnde efficitur vt qui ætate & opibus inter se sunt dissimillimi, etiam vita & opinionibus plurimum discrepent. Iubet Aristoteles Hesiodum secutus, vt virgines ducamus, quòd faciliè ad voluntatem nostram deduci possint. Nam vt canē vetulum ægrè ad lora condoceris: ita iam natu grandes mulieres, maximè si in aliorum manum aliquando conuenerint, quocunque duces difficilius sequentur. Bene igitur Thales Milesius parès paribus connubio iungi debere existimauit, vt ea concordia, qua ferme vna matrimonium constat, morum similitudine retineri posset.

In her-



In herbam Moly, ex Homero.
 Magne res sine magnis periculis nō fiunt.



*En tibi Maonijs vasis suavisima Moly,
 Ostendit vira fata, decusque tua.
 Lactens est illi floris color, airaque radix,
 Exoriturque nigro palmi e lactis honos.
 Quid speras magnis rerum successibus uti,
 Qui reuocas oculos longe ab agne tuos?
 An tibi Idumæa cedit sine pulvere palma?
 Proxima quarendus damna triumphus habet.*

Q iiij



NARRATIO PHILOSOPHICA.

MOLY herbammagnis rebus efficiendis nobilem mirabiliter Homerus versibus suis honorauit. Nam illius inuentum diis immortalibus attribuens eam à Mercurio ex terra euulsam Vlyssique traditam esse ait, ut is inter Circes veneficia securus versaretur,

Ρίζη μὲν μέλαρ ἔσκει γάλακτι δὲ εἴκελον ἄνθος.

Radice, inquit, nigra est, sed lacti flos simillimus. Quare vniuersæ hominum vitæ concursationes & studia scientissimè complexus est. Nam in rebus aggrediendis ita natura adfert, ut radices nigrae sint & obscurae, principiaque ipsa molestiarum plena: multiq; homines inuenti sunt, qui difficultate deterriti in cursu restiterunt. Cum verò paulum vltra radicem res ipsa processerit, mirabiles gloriae fructus consequuntur. Iam res magnas & memorabiles gerere gloriosum est, sed tamen non sine magno fortunarum & vitæ discrimine res tantæ perfici possunt. Darius quidem eo prælio quo apud Issum ab Alexandro Magno superatus est, in concione apud milites suos dixisse fertur, RES MAGNAS sine magnis periculis non geri. Nam & multi exercitus eo profecti esse prædicantur, vnde se nunquam redituros confiderent. Tanta est enim in maximis animis incitatio, tantumque pugnandi studium, ut victoriae laudem facile omnibus periculis anteponant;

veri

Veritas in puteum demersa.

Ex Democrito.



*Qui toties putei fundo versaris in ino,
Vt verum ignotis prodeat è latebris,
Desine, frustra sunt hæc monumenta laboris:
Quidnam illi & nobis scèderis esse potest?*

Q iiiij

NARRATIO PHILOSOPHICÆ.

MIRETUR sanè aliquis, cur cum in peruesti-
gatione veritatis tot tantorúmque hominũ
ætates sint confectæ, hodièque reperiantur pro-
pe innumerabiles, qui in ea se versari dicant impẽ-
sius: Democritus autem eam ab hominibus seces-
sionem fecisse, & in intimis putei cuiusdam latere
opinetur, neque illi nobiscum aliquod esse com-
mercium. An quòd simul atque in lucem suscepti
sumus, in tanto vulgi errore versamur, vt ea veri-
tatis & virtutis præsidia, quæ omni studio tuen-
da nobis natura ipsa commendarat, opinionum
prauitate deleantur? An quòd iis opinionum flu-
ctibus obruimur, vt in nobis naturæ lumen obscu-
retur, vanitatique veritas, & confirmatæ opinio-
ni virtus concedat? An quòd animus ipse in homi-
ne princeps, à corporatis voluptatibus tanquam à
barbaris captus, laribus sepulchrisque auitis non
inuitus caret, neque ad præclaram illam virtutis
ciuitatem postliminio redire cupit? An quòd in
præstantibus & summis animis fere vsu-venit, vt
inter sese dissentienti studio summopere tenean-
tur: magisque in scientiis pertractandis domesti-
ca gloria, quàm ipsa luce veritatis capiantur, eaq;
sola probent, quæ ipsi secum domi fuerint medi-
tati? An quòd eam quamprimum animo expresse-
rimus opinionem, nunquam deponimus, diutissi-
mèq; nos noster delectat error? An quòd nihil ho-
mini melius, nihil præstantius imperiis & popula-
ri gloria iudicamus, & adumbratæ laudis imagi-
ne speciem illam honesti contegimus: vt plerun-
que

que in optimis actionibus potius magistrum populum & ad vitia consentientem multitudinem, quàm sapientiam sequamur? qua tamen nihil homini à Deo optimo maximo excellentius tributum est. An quòd tanta habendi cupiditate cōficimur, vt sine pecunia nullam vitam esse existimemus, & præstantissima illa animi bona tantum expetenda iudicemus, quantum amplificatio patrimonij, & rerum subsidia pati possunt? Socrates quidem, qui primus à rebus occultis, in quibus omnibus philosophi ante eum occupati fuerant, philosophiam auocauit, ea re se ab Apolline omnium sapientissimum dictum esse iudicabat, quòd se nihil omnino scire palam profiteretur, eamque se putare summam sapientiam, non arbitrari se scire, quod nescias. Quæ sententia cùm altius animis eorum insedisset qui illius fuerunt discipuli, prodierunt Academici noui, qui nihil certo sciri cōstanter affirmarent, verique rationes velut ab assensione cohiberent. Qui quanquam (vt ex eorum sermonibus & vita constare potest) magis veritatis perquirendæ desyderio, quàm aliqua animi ægritudine de rebus omnibus disputarent: hoc tamen potissimum disciplinæ suæ caput effecerunt, vt ab omnibus rebus velut incognitis iudicium suspenderent. Nobis verò quorum variè perturbantur animi, quid efficiendum erit cumulatius, quàm vt nunquam incerta pro certis habeamus: eaque sit nostra in omnibus sermonibus moderatio, vt nisi consultò de re aliqua nunquam iudicemus. Ac quocunque te animo & cogitatione con-

Qv

uerteris, quid nisi lubricum aut sui parum simile
 in hominibus nostris reperias? Nam vt ius ciuile
 cæterasque artes, quæ maximè opinionibus con-
 tinentur, omittamus, quot quæso inter nos degūt
 dispares dissentientium hominum familiæ, quæ
 de religione aliter atque aliter sentiunt? Neque
 temerè aliquis quicquam probat, nisi quod sibi
 cum cæteris non est commune. Quòd si nos simi-
 litudine sententiarum Deus colligasset, & ea quæ
 variè in animis hominum profeminata sunt, ad
 idē vinculū, cōsensumque reuocasset (quod omni-
 no nō despero) facile ex Democriti puteo emergēs
 veritas, quæ nonnullis obscurior videtur esse, in
 „ luce omnium versaretur. Et quanquam ita res sint
 „ affectæ, vt plus vno verum esse non possit, nullum
 tamen ex illis qui à seipsis dissentiunt reperias,
 qui non opinionem suam in veritate sitam esse
 arbitretur. Vnde fit vt quemadmodum in omni-
 bus rebus, tum certè maximè in religione pericu-
 losæ sint dissimilitudines animorum: quas qui to-
 lerat, perniciosum quiddam inducit in Ecclesiam,
 confusionem videlicet & varietatem. In quo
 minus forsan sit ignoscendum iis, qui
 incredibile apud omnes Reip. cō-
 stituendæ spē sustinēt: quo-
 rū tamen negligentia
 totius religionis
 seminaria pla-
 nè occi-
 derūt.

*In resupinos.
Ex Africano.*



*Si sompes celebri forsitan qui vicit Olympo,
Ducitur insuetacredulitate sui,
Nec patitur dulces proprij sessoris habenas,
Sed frana indomito discutit apta iugo.
Hunc exultantem domitori trademagistro,
Vt discat solitis currere carceribus.
Qui tollis cristas, re' usque elate secundis,
Cerne inconstantis tela purata dea,
Et te ad solius virtutis confer habenas,
In qua vera animi dicitur ess. quies.*

P. Africānum dicere solitum refert Panætius, qui illius equalis erat, equos triumphorum & victoriarum opinione plus æquo ferocientes, dōmitoribus tradi debere, vt illis facilioribus fessorum res vti possint: ita homines rebus secundis & externarum rerum subsidiis nimium sibi præfidentes, ad gyrum rationis & consilij deducendos esse, vt aliquando fortunæ inconstantiam & humanæ naturæ imbecillitatem possint perspicere. Quibus enim fortuna paulo liberalior in votis est, iis certe euentorum ratio non nisi obscura esse potest. Quorum autem variis procellis & fluctibus vita iactata est, iis facilis est omnis euentus. Seianum consularem hominem memoriæ proditum est, tanta apud Tiberium Cæsarem gratia valuisse, vt vniuersa penè respublica in eius temperatione sita esset. Is in rebus tam prosperis nihil sibi deesse posse existimabat, quod ad bene & feliciter viuendum faceret. Sed tamen quia plerunque euenit, vt qui florentissimis suis rebus lubentes desipiūt, si quid aduersi contigerit seipsos facile recolligant, subita quadam tempestate omnes eius spes & expectationes conciderunt. Nam & de repetundis reus actus pœnas ambitionis dedit, & omnium ordinum sententiis damnatus est. Iam verò eiusmodi hominum plena est ætas nostra, quorum tam ambitionis labore vita districta est, vt in fortuna sola suspensas habeant rationes suas: neque quicquam aut expetant aut admirentur, nisi quod imperitæ multitudinis approbationem moueat. His
idem

idem propositum est quod Cyrenaicis, vt in eo vitæ genere felicitatem statuerent, quod in dignitatibus obeundis, & tenendo concionibus populo maximè accommodatum esset. Qui si ad eos magistratus, quos assidua concursatione prensabant, sint euecti, videas homines tam parū ex sese aptos esse, vt illa honorum accessione se sibi immutatos putent, nefasque esse existiment, eos in amicitia & fide retinere, quibuscum ante processum dignitatis coniunctissimè vixerant. Miserrima certè hominum conditio solū ea probantium, quæ nemo sapiens vnquam expetuit. Tanti verò faciunt ex plebe ad patritios transiisse, vt ea omnia, in quibus antea & multi & prolixi fuerant, infra se posita, & dignitati nouæ minimè consentanea esse putent. Si forsitan iis assurgere & quasi de via decedere, à quibus eodem honore prouocabantur, humanum esse iudicauerant, nunc quasi in deorū immortalium album cooptati, salutantibus eundem honorem impertiri, & graue, & à sua dignitate alienum esse arbitrantur. Viam ingressi integrum sibi persuadebant hac & illac oculos deflectere, nunc quasi aliquid supra mortalitatem omnem adepti tam se insolenter gerūt, vt in aliquem oculos cum amoris testificatione cōiicere habeāt peccati loco. Vno se digito scalpunt, vt illa nota à reliquo vulgo separentur. Non enim decet eos qui in populo principatum habent, aliqua morum & sententiarum similitudine ad populum pertinere. Inepti sanè homines, à quibus quod in animis nostris elucescit maximè adumbratæ gloriæ forma
penit

penitus obscuratur. Neque verò ij sunt, qui qui
 sint, nesciamus, quique non pluris ornamenta
 præclarissimæ virtutis, quàm illorū Appianitatē
 aut Lētulitatem vllam æstimemus. Potest verò ali-
 quis esse. tā omnis disciplinæ rudis, qui istas
 ineptias aliquid ad hominis splendo-
 rem & gloriam adiungere sibi
 persuadeat? Quæ si nōnul-
 lis probentur, sic ta-
 mē statuo, ea ex
 doctis pro-
 baturum
 nemi-
 nē.





In immortalitatem litium.

Ex Hieroglyphicis Ægyptiorum.



*Voluitur in sese, rursusque reuertitur ad se
Serpens, nec finis flexibus esse potest.
Hac species expressa fori est, hac forma, senatus,
Dum nequi heus minimis litibus esse modus.
Quumque putas finem tantis instare querelis,
Auditur tibi lis, quæ fuit una, duplex.*



VIDEATVR forsitan à pietate quavnuſquis-
 que noſtrum erga antiquitatem affectus eſſe
 debet, alienum, ea quæ nobis hieroglyphicis ſuis
 veteres Ægyptij prodiderunt, ab inſtitutis patriæ
 ad conſuetudinem moremque noſtrum traduce-
 re. In quo etſi illi nobis magnopere laudentur, qui
 iſta præclara primùm pepererunt, non erunt ta-
 men opinor improbandi, qui res abſconditas &
 arcanas ad naturam & ſenſus retulerint. Nam Æ-
 gyptij & qui ad idem littus pertinent Phœnices,
 omnium mortalium primi res occultiſſimas ad
 ſtudio & pulverem perduxerunt. quos cùm in
 rebus tantis pertractandis ea literarum inſtrumē-
 ta deficerent, quæ poſtea temporum beneficio ho-
 minibus donata, & multarum gentium inuentis
 conſecrata ad poſteros peruenerūt, ij notas quaſ-
 dam, & ſimulachra dicuntur inueniſſe, quibus ea
 quæ diuturna rerum notatione effecerant, memo-
 riæ ſempiternæ commendarent. Quia autem de
 anno & eius partibus apud eos mentio incidebat
 frequēs, belliſſimè annū designari poſſe iudicarūt,
 ſi ſerpens mordicus caudā tenens oculis ſubiicere
 tur. Vt enim ſerpens hoc modo expreſſus tam ſe
 in orbem componit, vt in ea figura neque princi-
 pium neque finem reperias: ita cum ſol trecentis
 ſexaginta quinque diebus & ſex horis curſum
 ſuum confecerit, tanta celeritate ad alterius anni
 ſpatia & anfractus reuertitur, vt neque prioris
 exitum, neque naſcentis initia facilè poſſis agno-
 ſcere. Quin & ea figura, vt ex Ori Apollinis Hie-
 rogly

roglyphicis apparet, mundum & vniuersum hoc designat, & nonnulla alia, quæ idem author libro suo persecutus est. Quæ minus forsan nobis sunt necessaria, apud quos multarum linguarum characteres in consuetudinem, & familiaritatem venerunt. Propius igitur ad temporum disciplinam videtur esse, vetus illud Ægyptiorum simulacrū ad subsellia forensesque controuersias deducere, eoque genere iudiciorum infinitū & litiū æternitates adumbrare. Si enim ita tuæ rationes ferunt, vt cum aliquo actione vel sacramento contendas, aut certè serò reum tuum iudicatū facies: aut si qua te fortuna ad id beneficij genus adduxerit, rei primū iudicatæ & decisæ, nouæ aliæ lites velut posthumæ agnascentur. In causâ hæc sunt: iudicium remissio & negligentia: dum non nisi translariuè & perfunctoriè munus suum exequuntur: & auaritiæ lues, quæ homines nostros in præstantissimis honoribus cum dignitate versari non cōcedit. Quid igitur nos de illis sperare oportebit, quibus cum longo vsu temporum abundè sit perspectum, tot imminentium causarum fluctibus facile se non posse satis, nolunt tamē æquo animo pati, alios in eundem ordinem adlegi, qui in eodē equo inclusi, & publicis malis medeantur, & causas quascunque anno vno vel altero possint concludere. Ac profecto qui sua non populi causa ad magistratus accedunt, dum à se dies tanquam à Chaldæis peti, & totius ciuitatis commoda domū inferri volunt, quamuis soli res tantas & tam immensas sustinere nequeant, parum tamen mode-

ratè ferunt in idem munus alios conscribi , quo-
rum societate omnia negotia maturrimè expli-
centur. Mihi certè ij grauissimè offendunt, qui
cùm certò intelligant nisi sex aut decē annis clien-
tes iudicatos sententiis suis dimitti posse, non ta-
men sibi conuentum alium dari postulant. Parum „
enim Christianum est, iustitiam quam iura omnia „
liberaliter & in procinctu reddi voluerunt , his „
apud nos in angustiis esse vt neque gratis , neque „
pecunia, neque labore tibi eam parare pos- . „

sis. Sed tamē & hoc in illis hominibus
ferendum est, qui in dignitatibus
renuntiati, magis sua, quàm
ciuium causa
laborant,



*In morem Lacedæmoniorum.
Contra mulierum licentiam.*



*Qui Lacedæmonias cernis sine veste puellas,
Certa illibata signa pudicitia:
Tectique matrona diffusis ora tiaris,
An potes his tenebris Cinibius esse mihi?
Si qua suo mulier iam desponsata marito est,
Tunc sola incipiat tectior esse domi.
Sed virgo optatis nondum coniuncta Hymenæis,
Quinque nimis seri coniugis vrit amor:
Prodeat in vulgus, vultu speciosa nitenti,
Ut properet Subigere reddere vota Dea.*

NARRATIO PHILOSOPHICA.

APUD Lacedæmonios moris fuit, vt puellæ quæ nondum in manum viri conuenissent, aperto capite & minimè velata facie in publicum prodirent: quæ autem viris nuptum essent traditæ, nunquam prius nisi fasciis aduerso vultu contentæ de domo procederent. Quod forsitan in prudentissima ciuitate non alia de causâ receptum esse iudicare possumus, quàm vt vtrunque fœminarum genus diligentius eas partes tueretur, quas sibi vel voluntas vel fortuna tribuisset. Neque enim ab institutis felicissimæ reipublicæ alienum esse putem, puellas in luce ciuitatis versari, & ab iis ipsis prospici, qui ex gestu & venustate corporis etiâ animi periculum facientes, ad honestas nuptias sæpissimè faciliores esse possunt. Etsi enim non omnes Zopiri sunt, tamen in humano vultu nescio quid natura indidit, ex cuius longa notatione de moribus iudicium esse possit. Et plerunque nonnulla sunt in virgine corporis vitia, quæ ne ipso quidem nuptiarum die maritis animaduersa sunt: quo in genere non fortasse illos euentus fefellisset, si puella ex umbraculis suis aliquando in solem prodiiisset. Præterea quia ætas illa vel ipsa natura à labore ad solatia & otium est procliuius, benignè in eam constituendum est, neque omnino vitio vertendum, si ei permittatur aliqua sodalitatum & colloquiorum yfura perfrui, & eiusmodi leuatione diuturnum futuri mariti desyderiū sarcire. Et si enim nulla maior homini pestis impendet quàm ab homine, nihil tamen magis ad morū probi

probitatem & honesti actiones valet, quàm hominum consuetudo bonorum: quæ opinor puellis non sit prohibenda, si modo ea sicut somno & cæteris quietibus, cum scilicet rebus necessariis satis fecerint, utantur. Vnde fit ut usu eorum quibuscum vixerint instructissimæ, sint maritis suis & ad animi voluptatem chariores, & ad res gerendas aptiores. Quæ si omnino se maritis elocauerint, non sit illis condonandum, si tantum sibi in matrimonio licere velint, quantum antea optimo iure sumpserant. Quid enim ei quæ se ad viri nuptias & voluntatem contulit aliud in posterum contendendum est, quàm ut eius moribus inserviat, cui se Deo optimo maximo authore, & hominibus laudantibus æterno vinculo colligauit? Quid denique tantum voluptatis & iucunditatis ei quæ virum duxit externa afferre possunt, quæ non domesticis oblectamentis, & priuato otio facillimè compensentur? Itaque non sine causâ laudatur ille, qui non alio nomine vxori libellum repudiij dedit, quàm quòd ea minimè velata in publicum prodiisset. quod etsi paulò seuerius nonnullis videatur, admonendæ sunt tamen mulieres, ut nunquam à domo & maritis suis oculos deiciant: & omnino persuasum habeant, se maritis non tantum noctes, sed etiam dies debere. Et sanè quàm bellissimè Cæsar Dictator: qui vxorē suā non tantum crimine, sed & omni criminis suspitione vacare voluit. Nam licet ex veterum sententia cum bonis bene agere oportet, & hominis sapientis est non leuiter in sceleris suspitionem venire: fit ta-

men nescio quo pacto, vt ea quæ conuentus hominum & consortia tantopere appetit, etiam à viris bonis in discrimen famæ subito deposcatur. Quid enim tantum mulieri coniugatæ cum Præ-
latis, iisque qui rem possident, negotij est, cuius non maritus, iustus arbiter & disceptator locuples esse possit? Quòd si id illi à marito concedatur, desino: quidam enim tam à natura viri boni facti sunt, vt nihil habere velint, quod non illis cū cæteris commune sit. plusquam Pythagorei opinor, qui nō tantum amicis omnia debere velint, sed etiam iis libenter de suo largiantur, quibuscum nulla amicitia & pietate deuincti sunt: liberalisq; animi est & sibi & vxori amicissimos patri officiorū ratione demereri.



*Ad statuum Arimaspi.
In fordidè & per gratiam iudicantes.*



*Riphaeos linquens, harissimâ limina, montes,
Tractat Hyperboreus Gallicâ ira senex:
Et sedet in rostris, oculumque in fronte locatum
Litibus in nostris iudicat esse satis.
Quos habet attonitos vnius gratia partis,
Alierius calant dum benefactarei,
Et totos vni se deuouere clienti,
Hos perhibent vno dicere ius oculo.*

R. iiii



NARRATIO PHILOSOPHICA.

MIRETVR non iniuste quispiam tā res alias populum agere, vt apud nos Arimaspsis possit esse in subselliis, & iudicando locus. Quod etsi à cultu & humanitate prouincię videatur alienum, magis tamen sit mirandum, eorum temperatione vniuersum Reipu. corpus cōtineri. Quid enim tā contra temporum omniū disciplinā esse potest, quā eos ex decreto cæteris duces dari, à quibus & itinerum notitia, & oculorum acie lōgo intervallo superentur? Nam neque cum ratione fit, illos qui ea infirmitate sunt, vt aliis præeuntibus subsequi debeant, eum locum in procedendo tenere, qui & princeps & primus est. Neque verò tanta nobis cum natura dimicatio est, vt ea quæ velut cum lacte nutricis expresserimus, improbemus. Sed tamen dolendum est in eo nonnullos tam studiosè occupari, vt se maximum fructum capere existiment, si ad eas calamitates quas hominibus naturā asferre solet, alias adiunxerint. Nam neque cum corporibus omnino decertamus: at in illis hominibus non sit ferendum, qui animum suum immortalitate & tantarum rerum notitia præstantem, altero oculo priuauerint. Et sapienter apud omnes opinor populos statutum est, vt non prius iudices de causa constituerent, quā die dicta, litigantibus pro se agendi potestas facta esset. Cuius æquitatis tanta est in iure civili religio, vt ea (ex Iurisconsultorum sententia) etiam principali authoritate non possit antiquari. Qui autem vnā in partem decumbunt

bunt, & ab alia se voluntate auocant, perinde certè mihi videntur agere, atque si ea parte cuius utilitates & iura deferunt, minime ad iudicium euocata in causa perorarent. Hos nō eluscatos vt aliās non oculis vt sæpe, sed mēte captos saluis legibus appellemus. Quibus enim æquitatis, iustitiæ, fortitudinis & constantiæ partes ex Senatusconsulto vel principum placitis attributæ sunt, ij omnibus bonis desipere videantur, si iustitiā in iustitiæ, animi magnitudinem avaritiæ & sordibus commutarint. Væ (inquit Esaias) vobis, qui statuitis lucem tenebras, & tenebras lucem. Quò proximè eos pertinere non iniuria aliquis existimare possit, qui in controuersis decidendis æquitatem ad sordes, iustitiæ momenta ad beneuolentiam aut odium solent traducere. Iam non est consentaneum, vt qui in publica administratione degunt, priuatas amicitias curent. Quid enim singulorum cognationi & affinitati cum republica commune est? An verò existimant se in tantum ordinem lectos esse, vt familiæ suæ negotia procurent? An tanta pecunia sibi aditum ad dignitates illas parauerunt, vt amicos quorum res commodissimè priuati peragebant, opibus suis & gratia sustentent? An se maximis honoribus beneficio principum ornatos esse putant, vt domestica incrementa quieti popularium & communibus studiis anteponant? An vt ea sacerdotia de quibus iam à litigantibus aditi sunt, tacitis concursationibus filiis suis stipulentur? An vt gratiosorum authoritate & diuitum pecunia religionem suam expugnari patiantur,

cosque quibuscum nulla officiorum aut sanguinis ratione coniuncti sunt, sententiarum laqueis irretiant? Tales certe qui sunt, magnam sui rationem habuisse dicerentur, si privati procul à rerum gubernaculis domi quiescerent, neque omnino republicam attingerent, quam domus suæ clientelis & affinitatibus non desinunt perturbare. Qui enim tam sunt in amicos & necessarios à natura officiosi, ut omnia pro illis non dubitanter suscipiant, errant non mediocriter, mea quidem sententia, si se magistratus & ea dignitate homines esse velint, apud quos non potest esse aliquis cognationi & amicitiae locus.



Vulgatum de Opilione.
Moderatio in subditos.



*Cui dedit vpilio finas tondere capellas:
 Abcruciat miseris terga cruenta modis.
 Quem tenet Herculei mæstum præstatio voti,
 Inq, vno duplex iugere munus obit:
 Paruo multa querens inſta: e tributa non ali,
 Sæpe graue immenſo deſerit ære ſolum.*

qui accusatoribus pecuniosis quæsitores ad iudicij corruptelā vendunt, qui pro vno vel altero cliēte litem suam faciunt, qui iudiciorum aditum iis à quibus nihil acceperint, intercludunt, qui ab oppidanis suis maiorum fundos & familiaria sepulchra violenta pactione emunt, qui denique nihil agunt aliud quàm vt rem suam efficiant pleniorē: hos profecto nemo in officio suo esse existimauerit. Et quemadmodum multa sunt vitia quæ virtutem ipsam proximè imitentur: ita & nonnulli sunt, qui cum se bene & fortiter in magistratu gerere videantur, tum demum grauius peccent. Horum plena est ætas nostra, qui simulatione probitatis aliquos in vitæ discrimen & accusationem vocant. dumque foris acerrimi publicorum commodorum propugnatores videri volunt, intus tamen ita se res habet, vt omnibus facile constet eos non cum hominis salute, sed cum fortunis & pecunia bellum suscepisse. Sed tamen in tanta oppressæ virtutis & innocentiae calamitate, nihil est cur non eos potius qui ista agunt, quàm qui hæc patiuntur, miseros esse putem. Nam qui falso nomine apud iudices rei deferuntur, habent certè & hoc cum Christo & Apostolis commune: qui autem publicè ad innocentium cladem, & bonorum perniciem operas suas locant, qui que quos collatis signis, & (vt aiūt) aperto Marte opprimere nequeunt sentent iis suis intercipiendos esse censent, tantum conscientia perturbantur sua, vt semper pœnam ante oculos versari putent: & dies noctesque crucientur. Nam & Dionysius Syracusanus rebus suis
flore

florentissimis & tanta imperij gloria, ne quidem
se fortunatum prædicabat: quod illi vt furia, sic
sua occurrerent malefacta, quæ illum etiam in tā-
tis opibus tutò respirare non finerent. Si autem in
turpissimis illis flagitiis hac vna re se sustentant,
quod bene curati in vulgo apparent, multo auro,
multis gemmis, non habent illa, mea quidem sen-
tentia, tantum apud Christum & sequaces suos au-
thoritatis, vt non baiulos & ex vltima fece
plebis homines, adde etiam ex Chri-
sti sententia meretrices, hisce
leuiculis & impotentibus
præstare iudi-
cemus.





Appij infamia.

In constuprata iudicia.



*Virginia parat insidias & retia tendit
Appius, & veneri ponitur urna sua.
Sit manus truncus iudex, sit lumine capus,
Qui volet in nostro dicere iura foro.
Qui potes aequali causas tractare lapillo,
A Etoris ceniux si sit amicitili?*



NARRATIO PHILOSOPHICA.

NONnulli sunt qui errore suo & peccandi licentia tam impensè delectantur, vt eorū animus in præclarissimis dignitatibus obeundis nō tantum cupiditate & auaritia nō expleri possit, sed etiam gradū illum suū stupri & libidinis accessione audeant funestare. Et quemadmodum Appius decemuir, quam priuatis pollicitationibus, & occulta largitione expugnare non potuit, eam sententiæ suæ & iuris constituti vinculis irretire conatus est: ita homines impuri à qua in amoribus bene sunt accepti, vel si hoc sibi præstitum iri non desperant, facile in sententia ferenda ad illius nutum & beneuolentiam se conuertunt. Quod cō detestabilior est improbitas, quod sanctissimo æquitatis & iuris iustrumento, cuius moderatione reipublicæ salus & tutela continetur, abutuntur ad sordes & impuritates suas. Itaque bene Pericles ad Sophoclem, qui conspecto eleganti forma puero, exclamauerat, Decet, inquit, Prætorem non tantum manus, sed etiam oculos habere continentes. Qui autem ita perturbationibus suis cruciantur, vt se non sibi solis à natura creatos putent, sed partem auaritiæ & sordibus tribuant, partem libidini, partem gratiæ aut iracundiæ, quæ in defungendo magistratu hominibus illis pestis capitalior esse potest? quod portentum ciuitati perniciosius? Phrynem meretricem Thespiensem narrat Athenæus libro decimotertio *Δαπνοσυφισμῶν*, ab Anaximene quodam apud Athenienses de crimine delatam esse: sed cum illa pectus nudasset, totius or

tius ordinis sententiis absoluta est. Hoc certè qui fecisset in symposio, cū fortasse deposito pignore ad cōtrouersia vêtū est, excusationem haberet: sed qui in loco maiorum, extra quem salua imperij dignitate, saluis auspiciis & legibus iudicari non potest, tam infame iudicium constituerit, is opinor sit dignus qui non in senatum, sed pistrinum dedatur. Iam verò non impudentis tantum, sed hominis prorsus dissoluti est, in ea causa iudicare velle, cuius alteram partem vel omnium testimoniis sibi amore nefario deuinxerit. Sicut enim voluptate titillari & impelli humanum est, ita facinus est, mea quidē sentētia, omniū scelestissimū, in subselliis & iudiciis libidinē ducē & magistrā sequi. Sed qui ex sceleribus suis fructum capiūt, illis forsità sit cōdonādū, si ea omnibus nota, & etiā publici iuris autoritate cōfirmata esse velint. Marcus quidē Cato Q. Flaminiū cōsularē hominē Censor iēnatu mouit, quòd is in Gallia Proconsul vt gratū scorto faceret, hominē nocentē quē in vinculis habebat, pœna affecisset. Turpe enim & notādū esse grauissimus Censor existimauit, petente meretrice etiā fontē iusto supplicio condemnari. Qui enim in republica magistratus gerunt, refrenent cupiditates, libidines coerceāt, affectibus imperēt, & seipsos non tantū in testimoniū, sed in iudiciū vocent, vt eodē iure, quod in alios cōstituerint, & vtantur ipsi. Is enim bene populo imperabit, qui sibi ipsi prius nouerit imperare: estque perquam inuidiosum, cum cui à publico legis propugnatio decreta est, leges offendere.

*Ad imaginem Neuroorum.
Contra agentes in rebus.*



Prisca tibi memorant homines miracula Neuroos.

*Quis suliò Antei sit data forma lupi.
Quis putet humani rutilantia signa decoris
Tam facile in turpem degenerare feram?
An quia pascendi quorum est custodia ouilis,
Et quibus in populo fors dedit esse duces,
In mediis faciles linguunt incurfibus agnos,
Et miserum offendunt improbate gregem?*

NARRATIO PHILOSOPHICA.

NEVROS populos in Scythia ad Boristhenē fluuium habitantes, memorant historiæ certis temporum interuallis, tanquam aliquo Ciræo poculo ex hominibus lupos fieri, & humanitate velut pro derelicto habita, in consuetudinem feritatis venire. Quod si ægrè aliquis nostrum in mentē induxerit, valebit tamē opinor apud nōnullos itineris longitudo, & fortè perficiet, vt quod à patribus traditū re ipsa experiri nequeūt, id doctorum hominum authoritati nō grauātē velint concedere. Quos tamē si nō adducimus, vt hoc miraculi genus sibi persuadeāt, poterunt tamen illos ni fallor domestica exempla ad eam rē satis inuitare. Quis enim eos lupos nō appellet qui in gubernaculis & moderatione populi degentes, fortunas ciuiū euertunt, hæreditates expilāt, & præstātissimū egenorū patrimonium rationibus suis referūt. Quis illos ab hominū tribu ad lupos trāsisse nō iudicet, qui quasi ciuibus bonorū omniū tutores ex legis cōmētario dati, neq; à capite rationē reddūt, neq; se pupillis suis in eā summā debitores scribūt, quā nō solū eos naturæ vis, sed etiā lex Dei nexu obligauit? Nā si poëtarū præclarissimus Homerus, agētes in rebus ποιμένας τῶν λαῶν appellauit: appositè certe eos lupos nominemus, qui nō modò à grege suo oculos deiiciūt, sed in eius dignitate minuēda, fortunisque omnibus expilādis occupātur, & ea ad se mācipio & fructu pertinere volūt, in quorū parte vel minima non satis ex æquo & bono se à tot sæculis tutari potuerunt. Quod si primū in eun-

te Ecclesia ei qui omnibus bonis liberaliter datis mediocre quiddam sibi recipiebat, pro nefario scelere datum est, & pœna auaritiæ constituta, quid faciet qui non tantum sua sibi habet, sed hæreditatem Dei & pauperum fortunas diripit, & dimensum Domini ad amplificationem familiæ suæ conatur traducere. Nam ut nouissima cōferamus primis, cui tandem ex nostris iudicatum non est, principes illos viros qui quondam Christianam rempublicam legibus & institutis fundauerunt, ita animo affectos fuisse, ut à propriis commodis oculos remouerent: seque propemodum & sua à se longè posuisse, ut reliquos eiusdem fidei societate Domino adiungerent. Qui cum omnem pro præstantissima religione concertationem susciperent, rebus suis non parcerent, & finem apud populum agendi non facerent, inter eos tamen inuentus est nemo, qui tot officiis piè & sanctè seruatis non se officio suo defuisse certissimè iudicaret, Horum res gestas pleno ore laudant omnes: illorum vitam imaginibus, trophæis & immortalitate consecrant: quam etiam si facillè possint, non tamen imitando consequi. Prædicatur à nostris, & mea sententia optimè D. Martinus, quod hominem paupertate & vi hyemis planè confectum parte vestis liberaliter concessa recrearit. Hoc tam peæclarum facinus si quis ex nostris in populi corona faceret, ab omnibus opinor rideatur. Talium virorum exempla quotidie in teëtis nostris versantur. quàm benignè, quàmque hospitaliter erga suos se gesserint, domestica monu-

men

menta nos ignorare non sinunt. Sed tamen in ea
 opinione sumus vt non tantum ad res tam præ-
 claras accedere, & iisdem beneficiis de nostro ho-
 mines demereri non velimus, sed sit nobis mole-
 stissimum parem illis rationem ascribere, quorum
 opes non Christus tantum, sed etiam Ecclesia re-
 cens fidei nostræ commendauit. Itaque maiorem
 in dies ex libertate cuiusdam mendici voluptatis
 fructum capio, qui cum præsentem me sordidatus
 & supplex ab Ecclesiastico homine diuite preci-
 bus cõtenderet, vt illius opibus in summa sua pau-
 pertate tegeretur: is vbi primùm se nihil proficere
 perspexit, iam non vt reus aut pullatus, sed quasi
 quidam magister morum diuitem illum seueris-
 simè increpauit: nihil se quod non suum esset pe-
 tere asseurans, Tibi, inquit, saluis legibus pur-
 pura & vestibis oloberis indui, diffluere deliciis,
 & Christi patrimonio ad lasciuiam abuti possit li-
 cere: nos autem pauperes, quorum salus & Domi-
 no iucunda est, & vobis etiam commen-
 data, fame & vulneribus oppressos,
 iacere: ex vobis autem reperi-
 ri neminem, qui diuitiis
 suis rationes tam affli-
 ctas & tantam ca-
 lamitatē so-
 lari ve-
 lit.

In Hesiodum.

Dij laboribus omnia vendunt.



Dic Ascræ senex, quæ lenta insomnia noctis
 Tam cū d' Pieriam te docuere chelym?
 Stenere repentinum te Cætalīs vnde pœtam
 Fecit, & Aoniū ferre irophæa chori?
 Sicne licet nobis spaiantibus esse peritis?
 An cuius pauo Pythagoræus adest?
 Dij solis almas vendunt sudoribus artes:
 Non alio eloquium Palladis asse licet.

A L I V D.

*Qui sibi Cætopia querit monimenta Sophia.
 Et clara Aetherei sydera nosse poli:
 Temporeque, & causas fugientis cernere luna
 Et tota Ausonia discere iura togæ:
 Non Cræsingentes loculi, non Persicagaza
 Castalias potis est sollicitare deas:
 Sola labor gratæ confert compendia palma,
 Sedat & immodicæ pocula larga sitis.*

NARRATIO PHILOSOPHICA.

HESIODVM vetustissimum poëtam accepi-
 mus cōfectis apud Heliconē aliquot spatiis,
 poëtā repētē euasisse. Et Enni⁹ ipse Homeri animā
 per quietē in corpus suū infusā esse prædicabat.
 Vetus enim fuit, & iā ab antiquis ducta tēporibus
 opinio, animas postquā his creptæ vinculis in celū
 euolauerāt, iterū deorū immortalīū iussu in corpo-
 ra migrare. Cuius sentētix Pythagoras summus phi-
 losophus princeps fuit. Verū quem tandem existi-
 mamus tatū gratia & authoritate apud Domi-
 nū valuisse, vt nullis vigiliis suis, nullo studio & tā-
 quā aliud agēs, artibus iis quæ cognitione percipi
 possunt, omnibus instructissimus euaserit. Salomo-
 nē quidē referūt historiē rerū diuinarū & humana-
 rū notitia à Domino auctū esse: tātaq; fuit in ho-
 mine illo rerū varietas, vt de omnibus quæ in disce-
 ptationē cadere possunt & natura rerū cōtinētur,
 sciētissimē disputaret. Sed hoc Salomōi, cui⁹ gloria
 Deo gratissima erat, licuit: nobis forsitā, quib⁹ pau-

pertatis & rerum externarum despicientiæ partes à Christo attributæ sunt, non licebit. Itaque qui ita animo est affectus, ut nihil sit quod malit quàm se quam doctissimum esse, vix temerè ad rerum magnarum cognitionem productus esse poterit, nisi omni studio, opera, contentione in eam partem incubat. Nam si eos meminisse lubet, à quibus præclara illa literarum monumenta ad nos de- uenerunt, quis illorum non impiger, quis non diligencia planè incredibili in libris animum suum defigebat? Plinium, cum qui libros naturalis hi-
„ storiæ conscripsit dixisse accepimus, omne tem-
„ pus perire, quod non studiis impenderetur. Et philosophi, cum sibi persuaderent rerum magna- rum scientiam sine summis laboribus percipi non posse, doctrinæ studia nunquam intermiserunt, & ad extremam senectutem in gymnasiis suis garrierunt. Nam & Isocrates eum librum qui Pa- nathenaicus dicitur, quarto & nonagesimo æta- tis anno scripsisse fertur. Neque Gorgiam Leon- tinum, qui centum & septem compleuit annos, ætatis progressus à studiorum dimicatione reuo- cauuit. In quibus, si Græcus & ea conditione vir, ut de omni re quæcunque proponeretur se ornatif- simè dicturum prædicaret, tantum operæ posuit: quis tandem per noctis insomnium doctrina ex- cellens esse poterit? Sed tamen homines quidam tanta celeritate quæ discuntur arripiunt, ut non tam primum scire, quàm reminisci videantur. Qui autem ea sunt animi tarditate, ut nisi serò, & inuita quòd aiunt, Minerua aliquid in studiis pro-
moucant,

moueant, contentius in opere sunt, sed ediscūt tamen: neque enim quicquam est quod labore non simus affecuti, & si intenderis ingenium valet. Et multos audiuius imperatores, qui in rebus planè exulceratis tanta fiducia sunt elati, vt ea oppida, quæ vel opere ipso, vel loci natura expugnari non poterāt, labore & diuturnitate obsidionis capere se posse nō desperarent: quorū tantū valebat audacia, vt sapientissimè cōtra opinionē hominū præclarissimas victorias domū referrent.

S v



*Simulachrum trium Gratiarum,
Aglaiæ, Euphrosines & Thaliæ.*

In amicitiam hodiernam, hoc est, vsque
ad pecuniam exclusiue.



*Quisquis amat Chari ñ præstantia dona sororũ
Subsidioque tuos expetis esse tibi.
Cuius obsequere, & studijs te dede tuorum.
In meritis laus est non tenuisse malum.*

A L I V D.

Túne verecunda pingis Po'yclete tabella
Artifici Charitum corpora nuda manu?
Cur non Assyrio spectatur Aglaia cocco?
Et comites cur non byssina palla tegit?
Hac sunt syncera fulgentia stemmata mentis,
Quae sua dum confest omnia, nuda manet,
Anteit vna, duae retro vestigia figunt:
Sic debet meritum gratia bina sequi.
O quantum antiquo iam nunc decessit honesto?
Quis nequeat nostra de pietate queri?
Nan: ne socrer genero solum vix mutuatur vnum,
Ni traiectionis sentiat ille lucrum;

T R E s gratias, præclarissimum post homines
 natos retinendæ nos inter nos societatis mo-
 nimentū, nobis poëtæ in fabulis reliquerunt: quo-
 rum solertiam pictores imitati, aditum homini-
 bus ad ea officia diligenter colenda aperuerunt,
 quibus humanæ vitæ splendor & honestas cerni
 solet. Nam in tabulis semper nudæ exprimentur,
 & ea forma, vt vna aduerso vultu procedere, aliæ
 autem auersæ subsequi videantur. Quæ res non
 tantum ad referendam gratiam, & ad bene meren-
 dum de eo à quo primum beneficio aucti sumus,
 animos nostros incitare debet, sed ad omne pieta-
 tis & obsequij genus reddere paratiores. Quan-
 quam enim ad φιλαυτίαν & amorem quæ primum
 in nobis natura peperit, consentaneum minime vi-
 deatur, tantum de tuo largiri vt postea alieno indi-
 geas: est tamen & Charitum naturæ & Evangeli-
 cis nostris præceptis perquam accommodatum
 de dimenso tuo detrahare, vt alterius infirmitatem
 opibus tuis leues. Si enim non pauperum tantum,
 sed æqualium nostrorum fortuna tantopere no-
 bis à lege commendatur, vt præter officium face-
 re videatur, qui magis se quam proximum bene-
 uolentia fuerit complexus: grauius opinor sit ar-
 guendus, qui proximum in aduersis rebus non ad-
 iuuerit. Nam angustè rebus tuis uti, vt aliorum te
 nuitati sis officiosior, liberale & Christianum est:
 eæque solæ res extra fortunam esse à poëta memo-
 rantur, quas amicis lubens contuleris: neque vn-
 quā pecunia apud nos magis in numerato & præ-
 sens est dicenda, quàm cum beneuolè necessariis &
 egenti

egētibus suppeditatur. Cū enim aduenerit moriē-
di tēpus, & vitæ & fortunis cedendum est: ea autē »
sola tua sunt benefacta quæ in alios collocaris. Ne »
que enim quicquam est principi illi Deo infestius
quàm res eas quas summa sua beneuolentia & be-
nignitate nobis concessit, tam clausas & obsigna-
tas tenere, vt neque domini qui eas tenet, neq; cæ-
terorum vtilitatibus inseruiant. Sed quam à Deo
acceperimus, eadem illi referenda gratia est: maxi-
méque erit enitendum vt pauperibus rem gratam
faciamus: quibus si quid præstitum est, tanquam
sibi collatum Deus rationibus suis infert. Quia
autem nullum est officium referenda gratia magis
necessarium, in eo genere primū pictorum in pin-
gendis gratiis sagacitatē sequemur, deinde & He-
fiodū authorē adhibebimus, qui iubet aut eadem »
mensura referendum esse beneficium, aut etiā ma- »
iore si modo facultates nostræ largiantur. Sed »
quia homini pudenti & bene informato molestū
est ab illo aliquid contendere, cui aliquando fue-
rit officiosus, ei qui primū beneficio prouoca-
tus est, erit videndum, qua in re, ab amico benefi-
ciū suū desyderari possit: neque enim in eo quod
vltro facere debet interpellatio expectanda est: il-
ludque amicitiae & petentis verecundiae erit tri-
buendum, ne non tam is rogare obsequium, quàm
vetus debitum exigere videri possit.

Contr

Contrarium priori.

Ερμῶνιο χάρις.



*Quid tibi nobiscū est suavis Hermonia vultu,
Cui dextra n̄ semper trita lacerna tegit?
Cuique rapax lena in medios supereminet ungue
Polipus, inorati signa supercilij.
Hinc effer scelerata pedem, teq̄ abde tenebris,
Nec tibi sit tota dictus in vrbe locus.
Num satis est mentis generosa in senia Galla
Tam subito calabris contemerasse notis?*

NARRATIO PHILOSOPHICA.

HARMONIAM gratiam iis quas superius memorauimus veteres ex-aduerso posuerunt: ex cuius opinor officina capitalis illa vox est profecta, quæ seipsum omni officio & studio complecti, eam demum summam & bene constitutam charitatem esse censer. Illi nihil vnquam probari potuit, nisi quod cum priuata vtilitate rationē coniunctā habet: & ei cum præstantissimis virtutibus, quæ homines ad mutua benefacta exuscitant æterna prope est dissociatio. Quia enim regalis illa Iesu Christi sententia, Hoc vnū tibi superest, vende omnia quæ habes, & sequere me, vel ab iis qui christianæ disciplinæ principatum tenent, repudiata est, placuit vt de saluberrimi decreti abrogatione ad senatum referretur, tandemque populare senatusconsultum factum est, ex quo qui commodis suis immorerentur, neque de pecuniis cogitandi tempus vllum intermitterent, diligentia & etiā charitatis virtutisque omnis laudē ferrent. Et quem admodum apud Aristophanem quidam dii, quia parum vtilēs ē ciuitate eiiciuntur: ita nostri eas virtutes quæ sine aliqua patrimonij iactura explicari nequeunt, reliquarū ordine mouēt, & quasi stipēdiis expungūt. Quorum cupiditati eò minus iudicio optimorum mos sit gerendus, quod non tantum in eo genere offendunt, sed facinus suum honestatis patrimonio conātur prætexere. Quem enim ex illo hominū numero reperias, qui nō eos potius inuidos, qui ista damnant, quàm ceteros qui approbāt stultos & demētes arbitretur.

Apud

Apud necessarios suos in creditum ire pro scelere habent, quasi ea re filiorum causa fiat deterior in quo non vident homines inepti, nullum patrimonium præstantius à patribus filiis relinqui posse, amicitia & necessitudine, ex qua sæpissimè filii maiores quàm ex paternis bonis fructus capiunt. Se & Christianos & viros bonos appellari volūt, Christianas autem actiones ne attingūt quidem. In beneficiis collocandis fortunā ipsam, non mores aut genus sequuntur: quod eum qui aut benemoratus, aut consanguineus est, satis insita illa bonitate aut coniunctionis vinculo ad illorum compendia incitatus sit futurus. Apud eos gloriosum est citò rem facere, & ipso momento ex paupere diuitē apparere: quod tamē ex eis qui inter Ethnicos sapientes habiti sunt, laudabile duxit nemo: qui autem paucis contenti viuunt, quia illis forsitan ad rem suam locuple tandem de foro adiumenta de sunt, & stolidi & ignari nominantur.



Ad Tenediam securim.

Tribunal boni iudicis.



*Prodigiosa vides Tenedæ tormenta securis,
Quam vigil aduerso Rege viator habet:
Illa patronorum mendacia stulta coercet,
Et captis refecat crimina pio noribus:
Imperat & positis rabiosa silentia multis,
Inceptisque iubet litibus esse modum:
Condignasque frequens affert ad iurgia pœnas,
Sic omnis sensim causa sopita manet.*

T

NARRATIO PHILOSOPHICA.

IN Tenedo Helleſponti inſula longè celeberrima, nunquam reges forum egiffe memorantur, niſi adēſſet liſtor cū ſecuri, qui iudicantis maiestate in apud eos qui ſe vadimonio ſtitiffent, tueretur. Nam & ſi Ageſilaus qui apud Spartam magna cum laude imperauit, principem beneuolentia magis inter ſuos ſeptum eſſe debere, quàm armis exiſtimauerit: tamen cū nihil ſit tam ſanctū quod non hominum violet audacia: eſt mea quidem ſententia iudiciorum dignitati ſummè conſentaneum, eos metu ſupplicij petulantia ſummo ueri, qui loci religione & ſedentis dignitate in officio nequeunt retineri. Itaque ſapienter veteres lege lata minoribus magiſtratibus modicam coërcitionem detulerunt, quaſi ſine ea iuriſdicēdi munus diutius ſtare non poſſet. Iam verò iſ eſt noſtrarum rerū ſtatus, vt quem locum maiore & obſeruantia & cultu honorandum eſſe maiores ſtatuerunt, iſ certè turbulentiffimis & importunitatis pleniffimus appareat. Qua enim fronte, qua ueracundia, quo vultu in agendis cauſis verſantur illi qui procuratores nominantur? Nam, vt omittam fidem (qua tamen vna iudiciorum authoritas maximè continetur) quid illis hominibus in dicenda cauſa petulantius, quid magis importunum & loquax? ita verò dicunt vt non precario, ſed vi & armis in præclaram illam ſedem veniſſe videantur: in mala cauſa ita plerunque quiritant, vt nō equitatis comparatione, ſed ſtrepitu & clamore diſceptari quæſtio videatur. Eas lites quas vel ipſo nomine

mine ex inuidia laborare animaduertunt , ita tran-
figunt , vt nihil nisi per contumaciam & eremodi-
cium cum aduersario gerant. In quo tantum calli-
ditate & astutia valent, vt etiam eos qui præsentes
liti adsunt, quasi defuerint condemnatos faciant.
Quorum eò capitalior est improbitas, quòd is lo-
cus quem maiores sacrum , & qui ei præsènt sa-
cro sanctos magistratus appellauerunt , istis dolis
omnino deformatus iacet . cuius tanta fuit apud
Romanos religio , vt eum qui altius in curia ster-
nutasset , multa dicta in carcerem conijcerent. Ne-
que enim rabulis & proclamatoribus de foro de-
bet dari ad dicendum locus: quique magis firmi-
tate vocis & laterum contentione , quàm
momento rationis ad causam instru-
ctus venit, ei opinor plurimum
iudex sit concessurus, si
consilium dimi-
serit.

T ij



In veterem morem.

Contra parentes qui filios sine iudi-
cio in monasteria coniiciunt.



*Filius ex alto grandaenum ponte parentem,
In rapidas quondam precipitabat aquas.
Sed nunc in miseros reiecta est alea natos,
Et patrias norunt in sua fata manus:
Anne quod inuitos in claustra immania patos
Subrigida impellunt religione patres?
Subque feris cogunt traducere legibus aenum,
Et quasi pistrini volue: e pondus iners?*

NARRATIO PHILOSOPHICA.

NEc verò illud omittendum puto, quod & præsentis Christianorum luctus indicium est, & præteritæ calamitatis significatio, ad eum statum res nostras consiitisse, vt deliberatius multò ad stipulationem rerumque contractarum negotia, quàm ad vota religionis nuncupanda accedamus. Nam qui res mancipij emunt, aut pecuniam ad fœnus collocant, non prius negotium transigunt, quàm rei quæ in contractum venit cõditionem, & debitoris qualitatem accuratè perspexerint: at in monasteriis capellendis, tantus plerumque est nostrorum hominum impetus, tanta voluntatis incitatio, vt re sæpe non quæsita eò se cõpingant, vnde aliquando sese vellent explicari. Ac profectò diu est deliberandum quod sit semel statuendum, neque longa voluntatis permanens in eo esse potest, quod temere & sine iudicio sis aggressus. Sed tamen temeritatis suæ pœnsum ferant, & de se ipsi querantur tantum qui se scienter necessitate voti alligarunt. Qui autem ea sunt ætate vt de bonis aut fugiendis iudicium ipsi ferre nõ possint, & in honesti & turpis delectu omnino cæcutiant, non videantur in culpa esse, si iussu & seueritate parentum adducti ei se vitæ generi addixerint. Incredibile profectò immanitatis exemplum, tam parum filio patrem prospectum vel le, vt id ab eo exigit, quod ipse sibi in vita præstare non potuit. Neque verò mea sententia quicquã sceleratius in vniuersa Christianorum communitate dici potest, quàm quòd inter nos vulgo audi-

tur, ab aliquo parente, filium vnum aut plures in monasterium elocatos esse. Indigna certe Christiana religione sententia: non enim aptè neque ad decorum accommodatè dicitur, Pater filium suum monasterio deuouit: sed & melius & ad voti naturam ornatius, filius ex politica ad monasticam vitam discessionem fecit. Nā si in his quæ facti sunt ex Iurisconsultorum sententia patria potestas nō cernitur, si qui monasterio se obligāt, pōtificiali auctoritate ab imperio patris absoluuntur, quid est quod in religiosa vita attingenda plus momenti & ponderis paternis iussis quàm liberorum volūtati tribuatur. Non enim ex patris aut cuiusquam alterius vindicis auctoritate ingressus ille metiendus est, sed eius qui in illa vita sibi senescendum esse putauerit, voluntas erit ponderanda, qui si se totis animis tali solitudinivelit applicare, verendum opinor nō erit, ne non Deo propitio & laudatore id fecisse iudicetur. Non est verò consentaneum quosdam aliorum causæ tam parum æquos esse, vt vitæ suæ felicitatem in viola & rosa ponant, in cæteris autem vitam beatam etiā in taurum Phalaridis putent descensuram. Et quæ tanta est iniustitia, vt qui ægrè in matrimonio pudicitæ leges seruauerit, alios in cœlibatu velit esse continentes. Quæ non eò à nobis dicuntur, vt eos qui se à negotiis popularibus ad illud vitæ otium contulerunt, de sententia decucam. Bellissimè enim cū eo videtur agi, qui ex Pauli consilio animū suum ab hac forensī vita, tāquam ab aliquo libidinis scopulo, ad cœlibatum appulerit: sed patribus venia danda non est

est, qui vel imprudentes vel etiam inuitos liberos
suos eo nexu deuinciūt: quasi verò Deum optimū
maximum in consiliū adbibuerint, qui solus quos
voluerit beneficio continentiae augere potest. Ac
sanè finem nunquam inueniet cupiditas, cuius no-
ta si qua nobis impacta est, facile omnes pietatis
& iustitiae leges ex animis nostris delet & dispun-
git. Ex qua & illa lates nōmini Christiano inusta
est, vt qui patrimonium suum cumulatius facere
volunt, & nonnullis filiabus conditionem amplio-
rem quærere, cæteras in monasteria coniiciant.
In quo turpe & flagitiosum est tantum quæstu &
lucro retineri, vt filiorum salus futura vita
negligatur. Sed hæc fortasse frustra a-
pud eos, qui comparatione pe-
cuniae non habent quod
laudare pos-
sint.

T .iiiij





In Lisymachum.

In eos qui diuitiarū dulcedine delin-
ti ad Ecclesiæ gubernacula accedūt.



*Empta placet multis funesta clade voluptas.
Et magnū interdum pœnituisse licet.
Disce ergo, & tristes veterū reminiscere casus,
Quos latuit verus posteritatis honos.*



A L I V D.

Lisimachus siciens sauo se dedit hosti,
Possit ut irriguo fonte leuare sitim:
Qui postquam expleuit largo praeordia potu,
Dicitur his lachrimas v rba dedisse modis:
O decies breuitate sui miseranda voluptas,
Cuius in exortu tam cito finis adest.
Tunc ne amens tam torquet opum vesana libido,
Quas nec aquis pretio dixeris esse pares,
Vt cleri in numeros venias, & muneris impar
Des consanguineo nomina pontifici:
Dum tu diuini speras insignia fundi,
Et patris sacris iam morientis opes:
Queis sine saua ferox in praelia principis isse,
Aut vxor voris esset amica tuis.
Quamuis hoc etiam nobiscum pignore certes,
Vt iam tota tuo manzere terra fluat.

T v

SAPIENTER maximus ille eloquendi magister Appollonius Molo, qui quanquam mercede doceret, non patiebatur tamen discipulos apud se operam perdere, sed vnumquenque ad id quo naturæ ductu ferebatur, dimittebat: frustra enim animi neruos intenderis si natura & ingenij vis non suffragatur. Sed quemadmodum terra non ad omnem seminis rationem sese accommodat: ita nec hominum animi ad omnes artes capeffendas parati sunt. In semine igitur spargendo agricola, & in scientiis edocendis magistri naturam & mores explorabunt: homines autem in opere Ecclesiastico & sacris faciendis occupati, propensitatem naturæ ductumque suum non videbunt? quorum humeris nititur communis salus, quorum descriptione leges, æqui & boni studia, ciuium æqualitas, religio, virtus omnis, denique & totius reipublicæ nerui continetur. in quorum tutela pacis ornamenta iacēt, & quibus quasi ducibus inimicorum iniurias à capite nostro propulsamus. Qui Dei optimi maximi auspiciis & renuntiatione, orbis terræ prouinciam cum imperio sunt sortiti, vt de pietate & iustitia inter homines soli statuerent, his honestum esse possit in petendis ecclesiæ magistratibus, & vitæ genere deligendo cupiditatem & ambitionem potius, quàm naturam sequi. Quòd si ex Pauli sententia, nemo dignitatem in ecclesia prensare debet, nisi

nisi vocatu summi Dei, vt de præstantissimo illo „
sacerdete Aaron vetera scripta testantur: quæ tanta in hominibus nostris honorum appetitio est, vt avaritia cæterisque animi ægrotationibus perturbati, se in ea munera vitæ compingant, quæ nisi à summis & laudatis viris non possunt explicari. Quòd si tantum ex avaritia & cupiditate laborant, vt inter maximas opum lenitates salutem suam (qua nihil homini commendatius esse debet) aspernentur : quætiõ ne in eandem necis perniciem vocent eos qui infirmitate consilij minus sibi possunt prospicere. Quot enim homines rerum agendarum imperitos, & de via longè aberrantes in populo reperias , qui si aliquem ex his quibus procuratio rerum diuinarum data est, virum bonum & de ciuium salute vigilantem nacti fuerint, non faciliè ad rectam rationis & officiorum omnium normam dirigi possint. At forsità in officio nõ esse, & ea negligere quæ gerere curareque debeas, moribus nostris leuissima culpa est, nisi ad tantam negligentiam etiam improbitatis multorumque scelerum accederet infamia. Hæc certè qui tolerant perniciosissimum quiddam inducunt in ecclesiam, vt neque contracta ex antecedentibus vitiis labes abstergi, neque res tam inclinata vnquã attolli possit. Ex his opinor magnorum hominum de religione controuersiarum, ex his bella intestina, ex his maximæ tēpestates in populo Christiano semper acciderunt. Nam quæ tanta Dei beneuolentia erga nos esse po

test

test, nisi vulgaris? quæ placabilitatis signa nisi obscura? An verò eum populum benignitate & largissimis officiis suis complectatur Dominus, in quo qui deprecatores ex lege sunt, ad ipsas deprecationes omnium flagitiorum turpitudinem adiungunt? Quid, qui ad decretas more institutoq; maiorum supplicationes non sit venturus, nisi pecuniæ & præbitionis expectatione, is ne apud Deum immortalem in iis orationibus, ad quas pro populo erit assumptus, voluntate & gratia valere poterit? Sed non est consentaneum in sacris faciendis cupiditatem & avaritiam adhibere. Nam (ut inquit Dominus) *ἐὰν τὸ ἄλλας μωρανθῇ, ἐν τίνι αλλισθί-
σεται?* Et si ij, quorum pietate & precibus ira Dei, tanquam aliqua machinatione ad benevolentiam contorquenda est, malè actæ vitæ conscientia cruciantur, in quo tandem spes salutis erit collocanda? Et si qui legum autoritate & bonorum omnium suffragiis oratores apud Deum sunt electi, in tanta vitæ indignitate versantur, ut ipsi pro se dicere reformident, quidnam illi in aliorum causa assequi se posse confidant? Verum quia peccandi necessitas nescio quo fato hominibus attributa est, iis opinor ignoscendum erit, qui ipsi domestica testatione sese reos non diffitentur: sed qui furtis religionum, avaritia, reliquisque sceleribus impuri, non tantum se de reis eximunt, sed eos qui contra statuerint hæreticos audent nominare, non video sanè. quodnam rei tam contemperate & infami patrociniū afferatur. Demosthenes quidē non tā sua quàm reipublicæ causa Philippo Maced

cedonũ regi infensus, dicere solebat *πυθίαρχ. λαίπ-*
πύαρ: quòd in exponendis Appollinis Delphici re-
 sponſis, pecunia ſe à Philippo oppugnari patere-
 tur, & ab eo religionis calumniam contra Athe-
 nienſes deduceret. Ita quidam homines (nollem
 certè noſtros) quia ampliſſimis ſacerdotiis aucti
 religionis principatũ tenēt, Euāgelicæ legis autho-
 ritatem ad ſclerum ſuorum prætextum tradu-
 cunt, & illo veluti caduceo ſordes ſuas non impu-
 nitate ſolũ, ſed honore, congiario & vacatio-
 ne perſequuntur. Quòd ſi quis eſt reipublicæ
 amantiſſimus, qui præſtantiſſimas illas dignita-
 tes nefario ſcelere violari ægrè ferat, is illorum
 ſententia & patriæ hoſtis & de religione malè ſen-
 tiens iudicabitur: quaſi verò ſit iniquum contra
 eos de ſacro commiſſo querelam perferre, quos
 veterum conciliorum authoritas de leuiſſimis
 noxis ad pœnam expetebat: aut etiam is de reli-
 gione temere loquutus iudicari poſſit, qui ſcorta,
 qui auaritiã, qui ſacræ pecuniæ dilapidationem
 maleficiorum loco & nomine habuerit. Ego verò
 ſi qui cum vitiis & ſcleratis prælio decertant, &
 miſeri & hæretici ſunt, in illo equo cum hæreticis
 viris includi non recusabo. Poſſe verò tam præ-
 claræ ſententiæ ſocietas turpis eſſe? poſſunt qui de
 pœnitentia & cæteris virtutibus decreta ferunt,
 impij nominari? iis denique mors calamitoſa &
 terribilis eſſe poſſit, qui pro re tam egregia vitam
 conſtanter perfuderint?

In



Exemplum sapientis & stulti.

Longinquitas temporis adfert
omnia.



*Vir sapiens caudam paulatim vellit equinam
Quam non vna seivel vis superare potest.
Tēpus, dāx, v'vī' s'q. labos tibi cūcta repēdet:
Aude igitur, nec spe deiciare tua.*



NARRATIO PHILOSOPHICA.

PRAECLARA certè illa à veteribus vsurpata sententia, par esse omnes omnia experiri, qui,, res magnas & magnopere expetendas concupie-,, runt. Sed tamè in iis qui desperatione minimè debilitati illud cursum tenere solent, varij sæpe & mutabiles casus acciderunt. neque enim magna sequentem satis est spe assequendi non deiici: sed ea præparatio adhibenda est, ex qua non omnino incerta potiundi expectatio consequatur. Nōnulli autem sunt qui quanquam à rebus magnis difficultate nō possent remoueri, quia tamen ea sibi non deligebant, quæ ad potiundum accommodatam & coniunctam rationem habent, sapissimè in media contentione restiterunt. Nam & aliquæ sunt res, quæ primo impetu neque diligentia, neque labore teneri possunt: eadem beneficio temporis & patientia facilè superantur. In his adipiscendis si quis tam malè de rebus iudicat, vt neque euentum sustinere, neque desyderium suum aliqua spe lenire possit, plerunque accidit vt temeritatis suæ pœnas luat. at verò & alia sunt per multa, in quibus nisi prima aggressione animum intenderis, eas nō sis adepturus. In his omnibus qui acres officiorum disceptatores esse volunt, iudicium adhibebunt, vt quoties res ita postulabit, vel rem celeritate incredibili exequantur, aut in laxiorem diem negotium trahant. Cn. quidem Pompeius vir omnis memoriæ & omnium sæculorum princeps, Caium Cæsarē in Macedonia pugna memorabili fuderat, & vel ipsius Cæsaris testimo

stimonio bellum ciuile penè confecerat, si in tam prospera fortuna hostium reliquias esset persecutus. Sed præstantissimo imperatori vincere parua
” quidem res est, nisi etiam victoria uti possit. Itaq;
” misera illa prælij Pharsalici fortuna consecuta est, & Pompeij direpta castra: hacque vna plaga accepta populi Romani maiestas & splendor concidit. In eo prælio Pompeium suis ferunt edixisse, quod etiam ab ipsis Lacedæmoniis sæpissimè factum accepimus, ut impetum inimicorum, & primos illos motus patiendo sustinerent, & quo ad eius fieri posset à suo capite depellerent: se autem ad nocendum seruarent, cum aduersa acies penè defessa & labore confecta videretur. Quod tamen C. Cæsar neque probat, neque à Pompeio summo imperatore edictum esse existimat. Est enim, ut
” inquit ille, quædam incitatio atque alacritas in
” nobis quæ studio pugnae ducitur. Hanc non re-
” stinguere, sed inflammare imperatores debent.
” Contra verò Carolus is, qui ad deditionem compulsa Ioanna regina Neapolim & vtranque Siciliam occupauit, Ludouicum Andem cum maximo exercitu venientem fugiendo fregit, neque cū eo intempestiue bellum committendum esse existimauit, quem aliquando temporis longinquitas esset oppressura: neque vnquam adduci potuit ut in eum acies suas explicaret, quem patientia frangi posse non diffidebat.

*In virgam Palladis.
Scientiam ditare.*




*Virgula, et ecropia quondam sacra a Minerva
Fertur Amalthea plura dedisse capra.
Fius enim optatis succedent omnia votis,
Cuius in acceptum se dabit illa sinum.
Illam Neritium fractum labentibus annis,
Ad pubertatem restituisse serunt.
Quisquis Palladis totis quinquatribus artes
Imit, & Aoniæ præculâ sacra iugi,
Huic nil deesse potest, hunc pleno copiam cornu
Imperat Attallica conditione frui.*

V

NARRATIO PHILOSOPHICA.

OPTIME certè & ad rerum maximarū diuturnitatem accōmodatissimè machinata est natura, vt in quibus rebus multum operæ & laboris impendimus, in his mirifici vtilitatis & commodorum fructus consequantur. Quæ res ad leuationem vigiliarum, quibus qui in studiorum cursu versantur seipso conficiunt, magnopere valitura est. Quis enim tam parum sui memor à natura est effectus, quem non aliquando in studiorum contentione præmiorum & dignitatum ceperit expectatio? Quis tot noctes & dies commodorum magnitudine non sariat? Nam nec mea sententia principes illi Philosophi, qui quondam doctrinæ studiis nomen sibi immortale pepererunt, tantum in gymnasiis contendissent, nisi ad ipsam gloriam, vtilitatis ratio accessisset. Quot vero existimamus spe lucri maiores ad nauandam in literis operam esse factos? Nā & Plato, qui primus nouum & perfectum eloquendi genus ad Philosophiam attulisse fertur, non existimauit à dignitate & Platonis & Philosophi alienum esse, si clientis foroq; Dionis & Dionysij tyrannorum vteretur: paucique sunt tam duriter Stoici, qui summorum regum & principum liberalitatem defugerint. Optima igitur ratione in eo consilio quod turbulentissimis Ecclesiæ temporibus Basileæ habitum est, decreuit conuentus frequēs, vt ij soli ad beneficia & magistratūs ordinatum in ecclesia petendos vocarentur, qui vel Theologiæ, Iurisq; studiis, vel humanioribus literis præstantes haberentur.



tur: quod etiam memoria nostra cōuentorum fide
præstata, inter sedem & Regnum confirmatum est.
Vt ij. ex quorum ludo principes viri ad reipubli-
cæ gubernacula aptiores esse solent, fructum ali-
quem caperent contentionis & operæ suæ. Sed ta-
men quotus quisque est qui in beneficiorum desi-
gnatione facienda, non magis affinitatis & amici-
tiæ, quàm virtutis & scientiæ causam sequatur:
quicquid non potius ex domo histrionem aut corum,
quàm eruditum hominem de ludo instituat?

Bene enim se rem habere putât, si qui-
bus auspiciis in eas dignitates
aliquando sunt adlecti, iis-
dem cæteri homines il-
lorū autoritate
magistratus
ineant.

V. ij



*In oraculum Appollinis Sybarithis
redditum.*

Deus dignitatis & gloriæ suæ retinēs.



*Sybaris arcanas cupiens cognoscere causas,
Fatidicos fertur consuluisse deos:
Audiit ex tripode est, aderit tū terminus vrbis
Et cadet infesto cusside genis honos,
Quum plebs diuinis mortalibus addet honores,
Et quum homine incipiet vilior esse Deus.
Impie quid properas homines equare Tonantis:
Te docet extrema Sybaris vsa malo.*

NARRATIO PHILOSOPHICA.

PERNICIOSVM & infame genus eorum hominum Paulus existimauit, qui cum anniuersarios syderum astrorumque motus, cælestiaque ipsa contuentes præstantissimis testimoniis maiestatem Dei sibi perspectam cognitamque habuissent, tam se naturæ immutarunt suæ, ut in hæreditatem gloriæ, quam solam Dominus amplitudini suæ propriam esse iudicauit, homines deducere non formident. Quæ enim vlla hominibus cum Deo optimo maximo laudis societas esse potest, nisi leonina? ut cum omnia summa de Deo prædicaris, nulla vel minima pars ad hominē traduci possit. Et certè per Esaiam Dominus velut testator prædicauit, se gloriam suam alteri non daturum. Quis enim tam parum sacra monumenta cognitione attigit, qui non videret aliquando Deum gloriæ suæ tam Zelotem esse, ut alium in possessionem illam venire temere non sit passurus? Magistratibus quidem & iis quos fortuna in amplissimos dignitatum euexit gradus honorem tribuere, & ethnicis & Christianis iubemur decretis. Nam Mariæ sorori Moysi, quod contra fratrem silentiarium Domini liberius esset locuta, ex continenti pœna temeritatis à Domino constituta est. Et pueri qui Helisæo cum Iocis & risu obuiam processerant, à canibus discerpti sunt. Census verò qui à populo regibus inferretur, à Samuele iussu Domini descriptio facta est, ut omnibus notum esset eos quos Deus tantis dignitatum insignibus decorauit, à nobis quoque summa obseruantia coli debere.

re. Sed tamen si qui sint inter nostros tam minuti Philosophi, ut Deum & principes viros eodem honoris concludant loco, tales insanos & dementes impunè quiuis iudicauerit.

Quid enim, inquit poëta ingeniosus, sibi c'edere de se Non possit, cum laudatur diis æqua potestas?

Iam igitur qui in aulis degunt, maximam se gratiam apud principes inituros sperant, si eos diuinis laudibus socios ascribant. Ridiculum certè mentiendi genus ea ipsa comminisci, quibus naturæ, senectutis & valetudinis incommoda penitus repugnant: quorùmque veritas tot rerum & euentorum periculis perspicui cognosciq̃ue potest. Placet igitur Philippus ille rex Macedonum apud Lucianum, qui Alexandro filio pro summo flagitio ponit, quòd is rerum gestarum magnitudine elatus diuinos honores sibi decerni & haberi passus esset: cum tamen antea in bello vulnere accepto lacrymarum vim minimè tenere potuisset. quæ res à Dei præstantia aliena est. Ciuitas quidem Sybaritarum, cum rebus secundis vteretur, quid Reip. euenturum esset oraculum sciscitatum venit: cui responsum est, ciuitatem omnino labefactatū iri, cum is honos quem diis immortalibus maiores tribuerant, ad homines transferretur. Quæ enim re animum Dei à nobis magis alienari posse arbitramur, quàm illius maiestatem tam apud nos obliuione sopitā iacere, ut humanam imbecillitatē ad præstantissimum illud numen deducamus? Neque verò Diagoram Melium, Theodorum Cyrenaicum, & eius generis homines, si modo sunt alij, qui

qui Deum hominino esse negauerunt, existimem ciuitatibus suis capitaliores vnquam fuisse, quàm eos à quibus excellens illud & perfectum quod Deum vocant, moribus nostris exprimitur. Qui enim, quod cum summa illa æternitate perpetuò sociatum est, sermonibus suis ad alios conatur traducere, quid aliud quæso putetur effecisse, quàm vt eam mirationem, qua Deum suspicimus,

• nobis de manibus excutiat, & pietatē,
quam erga Deum optimū maximum in cuiusque nostrum
animis vel ipsa natura
peperit, penitus euellat?

V iij





In Amphionem.

Pax.



*Musiciis Amphion ci. haram dum pectine
pulsat,
Septifores Thebas condidit ad numerum;
Trahsit hoc concors in dulata gratia chorda,
Mœnibus v. populum cingeret ille serum.
Sic diuina statim concordia continet v. bis,
Et ligat vnanimi barbara corda fide.*



NARRATIO PHILOSOPHICÆ.

AMPHIONEM Mercurij filium cantu & fidibus tam præstantem fuisse fabulæ retulerunt, vt summa illa numerorum suauitate saxa raperet, eaque ad muros vrbis Thebanae construendos in locum vnum modorum flexionibus deduceret. Quam rem ideo à poëtis effectam possumus suspicari, quòd Amphion omni eloquētiæ & prudentiæ laude cumulatus, barbaros homines & ferarum more in syluis degentes mœnibus sepsertit, & ad societatem vitæ reuocarit. Sed non erit meo iudicio à proposito fabulæ alienum, si nouam illam Thebanae vrbis structuram ex variis æquabiliter citharæ concentibus effectam, ad ciuilem concordiam referamus. Vt enim ciuitates iam constructæ diutius in splendore & maiestate esse non possunt, nisi in vnum conspirantibus ciuium animis respublica temperetur: ita neque vrbes condi, nisi eorum qui ad ædificium conuenerunt, eadem sit ratio & voluntas. Neque verò Agesilaus aliis propugnaculis & muris firmandam esse ciuitatē existimauit, quàm ciuium corporibus: qui si se summo studio & consensu ad alicuius sapientis voluntatem ductumque applicauerint, erit opinor factu difficile, firmissimis illis concordiae prædiis firmatam rempublicam euertere. Iam verò ne externa meditemur, cedo quibus artibus Christianorum opes in Asia conciderunt? quæ res Græcorum florentissimum imperium funditus deleuit? quæ vis Rhodum insulam, oræ maritimæ oculum effodit? quæ res Othomanos Christianorum

spoliis & triumphis tantopere decorauit? intesti-
næ certè Christianorum inter sese similtates. Ne-
que enim vnquam Barbari illi Christianos bello
laccessendos esse iudicauerunt, quàm de illorù do-
mesticis odiis certiores facti essent: neque prius
Mahumetes Magnus de oppugnanda Conslanti-
nopoli consilium cepit, quàm Europam suis pro-
stratam armis iacere perspexisset. Et patrum no-
strorum memoria, Gallorum imperium quod Ca-
roli Magni & cæterorum regum armis florentis-
simum ad illam ætatem permanerat, popularibus
principum studiis penè deletum est. Ex quo satis
efficitur, sæpe ciuitatibus perniciosum fuisse pa-
rem summorum ciuium principatum: quò enim
quisque animi magnitudine maximè præstat, eò
certe gloriæ auidior est: quam qui appetit, vult
omnium princeps esse vel potius solus: ex quo tur-
bulentissimæ in multis populis dissensiones exti-

terunt: neque enim cæteri cõsiliorum & do-

minationis in republica socij æquo a-

nimo ferre possunt, ab vno di-

ripi patrimonium to-

tius domina-

tus.






In Orpheum.

Vis eloquentiæ quam Euripides reginam,
Ennius flexanimam appellauit.



*En ut Treicius numeris & carmine vates
Permoveat aurata barbara saxa celi:
Utq; arbuta tenet cantu, platonosque sequentes,
Et ciet insolitis per uia monstrat sonis.
Circa homin. s. tantum retinet sacundia nomen,
In sua ut inuitos vota disertus agat.
Condidit hic hominum cœtus, & mœnia primus
Artifici posuit non violata, manu.*



NARRATIO PHILOSOPHICA.

IN omnibus his quæ non tantum in rerum gubernaculis, sed in ciuitatibus condendis plurimum valuerunt, princeps semper meo iudicio eloquentia fuit. Vt enim, cum à Romulo pastores & aduenas ad ædificandam urbem cōgregatos legimus, id eloquentia (cui cum sapientia æterna est societas) perfectum esse suspicamur: ita illa retinenda in repu. Romana pacis & quietis author semper fuit. Quo in loco præclarum est quod de Menenio Agrippa dici solet, cuius oratione inuidiosa illa plebis à patribus secessio reuocata est. Sulpitius quoque Gallus exercitum Romanum de lunæ defectione trepidantem & animo fractum dicendo excitauit, tantumq; eius eloquentiæ omniū testimonio tributum est; vt potius vnus orationis tractu, quàm vi & armis victoria parta esse videretur. Idem quoque Pericli apud Athenienses ferunt contigisse: cuius oratio animos suorum ob solis obscuracionem desperatione metuque fractos, recreauit. Quid verò est magnificētius, quàm rem eam quæ sit dictione explicanda, illustrare dicendo posse, & eorum qui audiūt animos quò velis impellere, vnde autem velis deducere? Quid magis admirabile, quàm in frequenti hominum corona, vt eo munere quod omnibus à natura commune est solus cum dignitate perfungi posse videris? Quid verò pietatis & religionis magis proprium, quàm nefarios perditosque ciues orationis flumine ad rectam officij normam traducere? Hoc genere qui valent, quocūque orationē suam appu-

appulerint, facile efficiunt quod volūt, modo perfringunt, modo opiniones nouas inferunt, modo peruellūt insitas. Taliū virorū ornatum & vim dicendi admiratæ gentes, plurimum semper eloquētiæ tribuerunt. Itaque & ætate nostra multi in id studium diligentius incubuerūt, quod illis maximo emolumento & honori fuit: nonnullique sunt inuenti, qui quanquam penitus in iure ciuili & maiorum institutis rudes essent, tamen quia aut soli, aut cum paucis ad hanc ciuilem scientiā verba illa selecta, dicendi que ornatum, & quasi vestitum attulerunt, soli prope iurisconsulti sunt habiti: & quasi in possessionem suā venissent, veteres illos iuris magistros, scholis & bibliothecis excluderunt. In quibus magnopere laudandum est, res, quæ primum ab eloquentibus sunt traditæ, oratoria facultate tractare: est tamen infantia propè simile in verborum collocatione solum occupari, scientiam autem ipsam intactam, & nulla accessione abs se cumulatam præterire. Quorum fortasse labor, eò minus in multis probabitur, quòd qui discere ius volent, nec illorum libros legēt, quòd procul ab arte & præceptis absint, neque ea attingant, quæ in forensibus cōtrouersis explicandis posita sunt: qui autem latinè scire expetent, & orationis flore & copia magnopere capientur, nec ad illorum scripta se conferēt, quòd vberius & cumulatius ex libris Ciceronis & aliorum, qui plurimū eloquentia valuerunt, desyderium suum sint expleturi.

In tempora & morés.

Mulier imperator, & mulier miles.



*To alicui fatuis subistere spallica vuluis,
Et misera elunibes experiaur anus:
Sic satis excelso f. cinus placuisse Platoni,
Forte parum est nobis displicuisse deis.*

A L I V D.

Creditur infelix si ultis respublica vuluis,
 Fœmineoq̃ue amens vitur imperio:
 Bella gerit mulier, pacis quoque scœdera iurat;
 Atque magistratus datque mœtq̃ue foro
 Hæc quondam magno non sunt inuisa Platoni;
 Simulier secum mascula corda gerat.

P R O B L E M A.

Publica si domini regerent moderamina cūnni;
 Fœmineusq̃ue daret cinica iura pudor:
 Dic, an tuto em & Velleia legis honores
 Publica res causis possit habere suis?
 Forte: hinc est quod eam violata in iura reponunt
 Praetores, & ius illa minoris habet.

NARRATIO PHILOSOPHICA.

FOE MINAS publicis rerum gubernaculis & imperiis omnium ferè gentium mores & edicta remouerunt: quòd in eis neque animi magnitudo, qua potissimum foris nititur ciuitatis salus neque consilium, quod in vrbana- rum rerum temperatione maximam vim habet, satis præsidij & adiuuenti ad constituendam rempublicam afferre posse videretur. Quid enim eo genere aut ad re militari inep- tius, aut ad reprimendos populariũ motus magis imbecillum? quid ad conseruandum publicæ dignitatis patrimonium minus accommodatum & instructum? quid porrò in ferendis decretis magis varium & multiplex? Nam & videmus eas, quæ se veterum memoria ad res gerendas applicauerunt, aut turpiter ciuitates suas lacerasse, aut eum splendorem quem à maioribus acceperant, minime sustinere potuisse. Quamuis enim Semiramis laudetur, & sit nomen eius multis scriptis decoratum, citeturque omnium Orientis ciuitatum præstantissima, & præclarissimæ testis memoriæ Babylon, quam illa muro & fossa cinxit: non video tamen in quo tantopere videatur esse perhibenda, quæ florentissimum regnum stupris suis & sordibus funestauit. Iam qui reipublicæ moderationi præsunt, hoc primùm tenere debent, ne commodis suis & vtilitatibus inferuiant. At in mulierum animis auaritia tantam vim habet, vt quasi ad patrimonij amplificatione à natura creatæ solùm sint, sine lucro nullã vitam esse existiment, & plerunque in nuptiarum condi-
tione

tione quærenda habeant antiquius, pecuniæ quæ viro, quam viro qui pecunia indigeat desponsari. Quia tamen me ad eas mulieres quæ aliquando maximis virtutibus & præstantissimis in patriam suam benefactis claruerunt, genus quæstionis vocat, videar præter officium facere, si debitum earum virtuti testimonium non reddam. Nā & aliquot legimus, quæ in summis periculis, ciuitatibus suis magnopere profuerunt. In his apud Hebræos principes Debora & Iudith nominantur. quæ in rebus desperatis & afflictis, patriæ suæ tranquillitatem & salutem pepererunt. Iam & illis ferè temporibus Tomiris Scytharum regina Cyrum potentissimum Persarum regem incredibili animi elatione fudit & cæcidit. Et apud Romanos Chloelia virgo nouo stratagematis genere vniuersum fœminarum genus illustrauit, præclarumque toti mulierum posteritati imitandæ virtutis suæ stimulum iniecit. Ad harum egregias dotes & propè diuinam naturæ vim si quæ ex nostris mulieribus sese adiunxerit, illi opinor concessu omnium ad summam rerum gerendarum authoritatem aditus erit, licebitque ei consiliorum in republica sociam, saluis forsitan legibus numerari. Nam & Plato maximus & dicendi, & intelligendi magister, non omnino fœminarum principatum è ciuitate sua sustulit: si tamen in earum animis virilis splendor eluceat. Quia tamen plerunque euenit, vt mulieres vel ab ipsa natura effœminatos & muliebres animos gerant, non sine ratione maiores mulieribus

viam ad honores & magistratus præcluserūt: quòd
 ad illam rerum bene gerendarum gloriam, nihil
 instrumenti vel à natura, vel à domestica sua inci-
 tatione habere videantur. Non est verò consenta-
 neum vt quæ & priuatim & publicè à rerum ad-
 ministratone sunt exclusæ, ex foris & domi ma-
 gistratus instituunt: vt nulli per diu bono ad
 honores ordinatim in republica peten-
 dos, nisi illarum arbitratu, gra-
 tia, suffragio & renuntia-
 tione, aditus pos-
 sit pate-
 re.





Homo homini Deus.

Ex Plutarcho.



*Dum gemit impositob. s pondere, dūmq; camelū
In partem accepti muneris ire roga,
Denegat ingratus scias in pondera rires,
Et veteris fœdus negligit hospitij.
Verū ubi tot miserum iuga cōpressere iuvenē,
Cum boue & illius ferre iubetur onus.
Si potes obsequium repetenti confer amico,
Et meritis hominem de meare tuis.*

X ij



NARRATIO PHILOSOPHICA.

» **S**ICUT deorum & hominum causa creatum
» esse mundum philosophorum semper consen-
» sus fuit: ita & hominem hominis causa. Vt enim ea
quæ vicissitudine anniuersaria terra marique pro
creantur, hominum vtilitatibus inseruiunt: & tā-
ta est in nos naturæ benignitas, vt etiam ex iis quæ
ad nocendum facta sunt, aliquis fructus capi pos-
sit: sic par rerum fruendarum commoditas & gra-
tia quam à Deo immortali accepimus, homini ab
homine referēda est. Nam æqualium studiis & ne-
gotiis deesse cum opus erit, tam certè contra natu-
ram est, quàm contra Euangelicas cautiones: ad
quarum præscriptum qui se applicauerit, non ef-
ficiet, vt aut in referendis beneficiis fidem à se suā,
aut collocandis, liberalitatem requiri patiatūr.
Quia autem in externis rebus ex vulgi sententia,
potissimum fortuna dominatur, iis qui tempori-
bus valent animaduertendum erit, ne cuius euer-
sam afflictamque fortunam aspernentur: sed eos
opibus suis tueri debebūt, à quibus fortuna vtrin-
que commutata se magnopere cuperent in eodem
genere sustentari. Nam secundis illorum rebus ad
inopiam redactis, eueniet vt quod in hominum
euentis propè consuetum est, illis in pœna & fla-
gitio deputeretur.

In

In simulachrum tuis dia. olis. Ex Appelle..

Contra eos qui antequam bona relati
inter reos ex commisso in fiscum defe-
rantur, ea petunt à principe.



*Pressit Appellum vindex calumnia nomen,
Ast eadem afflicti proditur arte rei.
Sector in insomnes oculis siona ecruentis,
Iam ne indemnati pradi p'scerei.*

X iij

A L I V D.

*Aspice ut inuicem toruo calumnia vultu,
 tuomit arcensa fulmina dira face:
 Vtq; tenet puerum passis sui ibunda capillis,
 I est autem magni numina summa Iouis.
 Anteis & toruo miserandus linor ocello,
 Quem toto fusus corpore langor habet.
 Vtq; comes structis se nitur; Fallacia technis,
 Et multo infamis sanguine Predi'io.
 Iamque Mida auriculis alter spectatus & auro,
 Torrigit hinc grati signa supercili;
 Multa super multis quærens, dū mutua spōdet
 Munera delati, tristitia pensa rei.
 Sed latet à tergo lacera pertrāvoia lacerna,
 Multa gemens vita fata nefanda sua:
 Et veri pent amplexus atq; scula, nec se
 Illius indignam iudicat esse manū.
 Quot superi falso calumnia nomine preßit,
 Quotque nigris (miserūm) cōtudit illa fabris
 Quot bene nummatis tristem cōiecit in vrnā,
 Qui fisco taci'as pręparat infidias?
 Quiq; sub incertis metuenda sortibus vrnæ,
 Postulat insontis gemmea culta rei.*


NARRATIO PHILOSOPHICA.

EX eadem illa malorum omnium parente cupiditate & altera profecta est, quæ Calumnia nominatur. Hanc quædam pestes hominum aliena laude fortunaque dolentium semper in regendis ciuitatibus quasi ducem & magistram statuerunt: quod opinor sine ea diutius stare se posse non existimarēt. Quia enim si vetera recordamur, nulla vnquam tā felix aut tam bene morata ciuitas fuit,

quæ auaritia vacare potuerit: ita & singulis ætati-
bus extiterunt ij, qui nulla alia causa sibi rempu-
blicam attingendam esse iudicarent, quàm vt bo-
norum ciuium si fieri posset dominatum oppri-
merent & delerent. Qui enim aliquem in republi-
ca principatum animo sibi fingunt, qui non modo
soli dominari volunt, sed propemodum soli & esse
& viuere: qui è re & dignitate sua esse non putant,
aliquos in ciuitate degere, qui opibus antecellant,
qui aliorum patrimonia exhauriunt & expilant,
habent certè & impunitatis & virtutis loco cum
iis de capite dimicare, qui fortunis suis spoliari se
æquo animo ferre non possunt. In quo valde do-
lendum est tantum vim & tumultum in rerum gu-
bernaculis valere, vt iustitiæ præcepta deleantur.
Sed ex omnibus malis nullum est capitalius quàm
esse aliquos, qui eam iuris constituti æquabilita-
tem quæ in bonis beneficio retinendis omnino
posita est, ad bonorum perniciem conferre
velint: vt quos priuata vi & domesticis insidiis
sum mouere nequeunt, eos iudicum sententiis &
decretis opprimant. Sed quemadmodum ignaui
fuci, cum in otio viuant, neque mel conficiant,
ipsi tamen, vt inquit ille,

Μετὰ γὰρ κάματος τρέχουσιν αἱ ἐργασίαι ἰσοδόντες:
ita nōnulli sunt qui cū omnē vitæ fructū in remis-
sione & lenitate ponāt, neq; quicquā homini me-
lius aut optabilius esse putēt, quàm iis ipsis oble-
tāmētis animū explere, in quibus vulgò vita beata
posita est, id tamē agūt vt eorum qui perpetuò in
cōtētione sunt, cursum & laborē interpellēt, Habet

verò rationē vt quos in capitis discrimē adduxeris, eorū bona tibi ex rescripto quasi iure vindices: & quos reos vel falsò vel subiectis testib⁹ annotādos curaueris, eorū hāreditatē ex proscriptione cernas aut capias. Iā apud Romanos principalibus rescriptis cauebatur, ne ea bona, quæ ex quouis cōmisso in fiscū delata essent, priuati à principe impetrarēt, pœna iis qui cōtra fecissent à lege cōstituta Sed tamē quia tātū de prisca seueritate virtuteq; discessum est, vt etiā reorū bona qui nondū sunt iudicati & peracti, auarorū hominū cupiditati cōcedātur, nō est mirū si multi boni viri nefariorū dolo & laqueis irretiti teneātur. Qui enim ex sentētis iudicū & reorū cōdēnationibus lucrū facturi sunt, quia illis in reorū periculo & iactura cōmissi quæstus positus est, in eo ferè causa cōstāte occupari solēt, vt quos iudicatos facere volūt, & testibus redēptis & tabulis cōfictis obruāt. Ita fit vt vno calūniæ cōmēto & iudicatiū religio circūuēta, & reorū innoctia afflicta iaceat & oppressa. Quod fortassē malū pridē bonorū virorum intercessione fuisset antiquatū, si cōtra vim auaritię præclarissimis institutis potuisset esse locus. Sed quēadmodum summus ille pater sapiētię Plato, eā sibi nō attingēde reipublicæ causam esse dicit, quòd homines suos quos dicēdo persuaderi posse diffidebat, cogi fas esse nō arbitraretur: ita neq; optimi & fortissimi viri cōtra res tā perditas & exulceratas omnino sibi cōtēdēdū esse putant, neq; in propinquo discrimine de republica referendum: quòd opinor res tā prostrata & euersa nullaratione aut cōsilio attollī queat.



Cycnus.

Honor alit artes.

Non canit assueta Cycnus vocalis in vnda,
 Ni Zephyri spiret mollior aura sibi.
 Classica propositio sapientia crescit honore
 Si erat oque alitur cōcta Minerva lucro.
 Sic tua Mecænas circumstetit aura Maronem,
 Et cœpit Clario gratior esse Deo.

In vitem.

Non erudiendos priuatim adolescentes.

Incrementa parit vtroque vicinia lotri,
 Inq̃, vicem auxilium præstat uterque sibi.
 Mollior obscura iuuenis ne discat in vmbra,
 Sed studijs comitem comparet ille suis.

In Atlantem.

Astrologia.

Distinctum stellis calum fert maximus Atlas,
 Atque humeros oneri fertur habere pares:
 Vnde illic cecidit tanta prouincia sorti?
 Quis Deus hunc tantum munus obire dedit?
 Qui bene Virgilias, fratrum quoque lucida signa
 Nouit, & Arctoi sydera clara poli:
 Et cui laetis iter notum, & dimensio cali:
 Is magnum Aetherei sustinet axis onus.

In tumultum Acmylij Ferretti.

Qui dignos tumuli persolvere quærit honores
 Extinctis docti manibus Acmylij:
 Bis senas sculpto describat in ære tabellas,
 Et ponat Latia ciuica iura toga.
 Addat pontificum positos ex ordine fastos,
 Chaldaïs olim prodita scripta notis.
 Adiungat picta calata emblemata lingua,
 Verbaque quæ rapidi fluminis instar eunt.
 Addat & Aonias placata fronte feroces,
 Et qualæga suis munera dant Charites.
 Iungat graminea certamina cincta palæstra,
 Et statuat verso specula tortia iugo.
 Hac iuuat (miserum) tristi clauduntur in vna,
 Ius, & ferrea vox, æi μὲν λῶς τε λόγος.

In statuam Timothei Athæni.

Cum in omnibus rebus, tum maxime in re
 militari plurimum Fortuna potest.

Timothee hos hostes tibi suspende, c Colossos,
 Hac tibi sunt forti conciliata manu:
 Téque vnum ex multis fortuna sacrauit alumnum,
 Illa quiescenti dum tibi signa refert,
 Cogit & hostiles ignota in reia turnias.
 Atque audax positis decipit insidiis.

Liberum arbitrium.

Ex Homero.

Dic mihi Mæonius quorsum dum dolia vates
 Dixerit in magni limine fixa Iouis?

An quod spectata nobis virtutis imago;
 Et vitij species ponitur ante oculos?
 Ergo ex alterutra qui nascitur hauriat olla:
 Omnibus ex æquo se dat uterque cadus.

In tus vino, & extus oleo.

Maximus archetypo qua concinit ore Machaon,
 Quotque Melampodius dat monumenta liber:
 Quotque soporatis serpens Epidaurius herbas
 Astruit, id totum cernitur in tabula.
 Ima frequens modico præcordia perlucet vino,
 Doctus abundantem vincere pituitam:
 Et firma externos sub pollinctore meatus,
 Hoc est vel medicis certius antidotis.

In statuam Boni Euentus.

Ex Ephranore.

Qua statua excelsa longè spectata Solosso?
 Et quorsum artifices in sua dona manus?
 Quare gramineis bellè illustratur aristis,
 Et cur lethæum dextra papauer habet?
 Ecquid lenæo sæcundus crater honore
 Aleua extremis prominet articulis?
 Hic bonus euentus Romanis notus in aris,
 Cuius te poterit summa beare manus.

Mirabile de equa.

In mulieres nimium sibi ex forma placentes
 Si semel in placida formam conspexerit vnda
 Mitis equa, horrendam vertitur in rabiem:
 Sæque puella sua nimium sibi conscia forma,
 In veneris citius dulcia furtarum.

Idiæ

In literam Pythagoræ.

Y

Monſtrat iter duplex, totidem diſtincta lituris,

Quam cernis Sapij litera docta ſenis.

Huius & alterius lateris ſe ianua pandit,

Et facilem ingreſſum callis uterque facit.

Quiſquis eſ in curſu vitæ qu'ilampada poſcis,

Elig, ſunt animo libera cuncta tuo.

Deſine conſortam fatiſ aſcribere culpam,

Sed reſer in tabulas acta neſphanda tuas.

Aes Dodonæum.

In rabulas fori.

Me Dodonæi miſerum ſonus enecat a iſ,

Nec ſinit aſſueto membra ſopore frui.

De vipera. Ex heiroglyphicis? Aegyptiorum.

In impudicas mulieres.

Qua ſtruis inſidias miſero ſamoſi marito,

Proijce crudeli Norica tela manu:

Vipera quondam te ſinxit imagine Memphis,

Qua nihil in terris ſædus eſſe poteſt.

Bos ſuper linguam.

In proclamatores fori.

Qui longa in lenibus ſexit primordia cauſis,

Offenditque noua garrulitate patres:

Indicta linguam diſcat compeſcere multa,

Et poſthac labijs ponere vñcla ſuis.

In lapidem Tirrecum.

Concordia fratrum.

Tirrei quamuis moles denſiſſima ſaxi,

Mirum, ni caruleis aquora tranat aquis:

Quam

*Quam si forte scias in frustra minutula, sensim
Labitur, a quo reo nescia stare solo.*

*Coniunctos retinet quoties concordia fratres,
Quis poterit tanta ladere iura domus?*

In molles.

*Hinc properate, caput digito qui scalpitis vno,
Molles atque pigros nulla trophaa manent.*

In Diogenem.

*Nititur in populum cynicus, vestigia figens
Alius, ut studiis plebis obesse queat.*

In Trochum.

Lis litem generat.

*Semet init Trochus, & tandem quoque concipit ex se,
Alieriusque opera non eget ad venerem.*

Sic ex li e vna sensim lis altera surgit.

Hac venit à nostris noxia Pragmaticis.

In elatos.

*Aspice comprehensi sudantia terga Milonis,
Vt capias lachrymans explicet ille manus.*

Sic fortes elata sui fiducia fallit,

Et saepe in praecepta corda superba trahit.

Fere idem in navis pyss.

*Auribus ipse lupum teneo veterator & audax,
Sed vah, susceptum me male perdet onus.*

In ritum veteris sacrificij.

Silentium & pax in matrimonio.

*Qui rem diuinam faciunt tibi pronuba Iuno,
Incendū: que aris ihera Sabaea tuis:*

Fel casa iaciunt altaria ad ipsa bidentis:

Sic priuata suo victimae felle manet.

Sic

*Hæc lex connubij est, in arum ponere fluctus
In sancto coniux, debet uterque thoro.*

In hyenam.

Ab adulatoribus fugiendum.

Postquam sexa hominis didicit cognomen hyena,

Vt aoret appellat nomine quemque suo:

Et blando humanas imitatur carmine voces,

Vt cadat in nassam prada vocata suam.

Falsus adulator, seruans in corpore virus,

Quos blandè appellat, clau facit ille reos

Turtur.

In præproperas nuptias secundas.

Ecce gemit tristes amissi coniugis aras

Turtur, & alterius negligit ille thorum.

Quid properas iuvenem geniali accumbere lecto,

Dumque vtero gestas vota secunda petis?

Hoc est, crede mihi, cineres violare sepultos,

Tam cito se thalamis conciliare nouis.

Ad vetus Astrologorum in Aegypto tributum.

In nostrates medicos Prognosticorum mensularios.

Cum medici passim referant Prognostica Galli,

Sèque velint Phariis vatibus esse pares:

Cur non fatidicis indieta solaria mensis,

Atque Blaxivvōμιορ, munera in Æta, lunt.

In nostrates mulieres.

Auri sacra fames.

Quæ sacras varijs implet suffutibus aras,

Et sol: as fundit nocte diçque preces:

Comm-



Commutatque frequens recta ieiunia cœna,

Et corpus miseris conficit illa modis:

Hæc nunc ad noctem media sedet anxiosa mensa,

Et numerat solidos, vile numisma suos.

Gaudet & eiusdem numeros adducere summa,

Ut viso toties expleat ære sitim.

Quàm vis magna auri est, ut quos nec cursus honorum

Detinet attonitos, comprimât æris amor.

Insignia eruditorum.

Ad Ioannem fratrem.

Sive voles gracili versus componere socco,

Sive Sophocleis reddere scripta notis:

Sive etiam causis solers versaris agundis,

Tecum tenet Pylus Suademedusa senis.

Tot tibi sunt veneres, ut iussè credere quivis

Possit apes labijs mellificasse tuis.

Exponibi Argiua solus spectabere parma:

Dignus & in nostris aureus esse socis.

In Naphtam. Ex Plinio.

Laus benefactorum comes.

Insequitur Naphtam longè quàm senserit, ignis,

Et necis & vitæ scdus uterque ferit.

Sic & virtuticomitem se gloria prabet,

Et præclara solet laus benefacta se ui.

Gravitas peccati.

Paruula dum rapidis agittatur cymba procellis,

Nec iactu trepidi ponitur ira maris:

Omnes præsentis monacho peccata fatentur,

Placet ut iratum mens bene munda louem.

Verùm Amphitrite passim luctantibus Euris,

Non iubet aquoreis fluctibus esse modum.

Confes-

Confessor monachus vectorum criminina portans,
Plus alij naui creditur esse: raris.
Ergo illum aitionis vectore: in mare mergunt,
Tum vatis in tuto cernitur esse vado.
Quam sit magna Deo peccati sarcina nostri,
Scriptura referunt sat monumenta sacra.

